

ASTRONOMIÆ DANICÆ

APPENDIX²

DE ASSCITITIIS

COELI PHÆNOMENIS,

Nempe

STELLIS NOVIS ET COMETIS.

AVCTORE

Christiano Severini F. Longomontano.



AMSTERODAMI

Ex officina Typographica Guiljelmi I. Cæfii.

ANNO MDCCXXII.



AD SERENISSIMUM ET CELSISSIMVM
MVM PRINCIPEM

Dn, CHRISTIANVM

DANIÆ ET NORVEGIÆ REGEM ELECTVM, DOMINVM

SVVM CLEMENTISS.



Væ causa fuerat, Celsiss. Princeps, Astronomiam Danicam, quoad vires ingenii mei & corporis hætenus permiserant, elaboratam, Sereniss. & Potentiss. Regi Daniæ parenti Cels. Tuæ, imo patri patriæ inclyto, qua par est animi subjectione nuper dedicandi: Eadē fere mihi nunc est Appendicem ejus de novis cœli phænomenis Sereniss. Celsitud. Tuæ submisit inscribendi ac sistendi: Quum enim Deus Opt. Max. tanta his temporibus erga nos clementia usus sit, ut non solum regna hæc avita, se quotidie magis humo extollere, & sub tanto rege florere incipiant, sed etiam, quod maximi momenti loco reputandum est, sana Confessio de Deo triuno & salutis nostræ mysterio in CHRISTO IESV unanimiter custodiat; nec interim ullæ honestæ artes ac disciplinæ negligantur: Equidem pro exiguis meis viribus, postquam Academiæ huic Regiæ admotus essem, nefas duxi, si vel ea quæ antea maximis sumptibus pro Astronomiæ redintegratione cœlitus in patria nostra exantlata fuerant, vel quæ Deus interim mortalibus in admonitionem cœlo suffulgere voluit, supprimerentur, ac penitus interirent; præsertim ex quo cognoveram, qualemcunque industriam meam ad hæc in lucem promovenda gratiosæ superiorum voluntati acceptam fore; inter alia etiam studiosè eo dirigendam, ut fatalem illum Cometam, qui ultimum triennium abhinc minaciter satis in cœlo effulgit diligenter consignarem: nec frustra; siquidem cum hujus exortu, ac deinceps, adeo Romanum imperium quassatum ac perturbatum est, ut vel in præsens salus ipsius periclitetur, & solida restauratio in dubium vertatur, nisi ipse misericors Deus se quasi immediate interposuerit, ac rebus fessis opem maturam tulerit. Verumenimvero quamvis ad hujus quoque caudati sideris motus situsque apprehensionem, nec occasionem nec industriam ullam, dum duravit heic prætermisimus; id quod observationes nostræ cum aliorum collatæ, satis ut spero probabunt: tamen procrastinationis causæ per plures se ingesserunt, quæ debitum obsequium meum circa ejus denotationem mature exhibendam diu nimis suspenderunt; inter quas etiam pestis illa funesta fuit, quæ divinitus simul in

EPISTOLA DEDICATORIA

poenam delictorum nostrorum immissa, cum exortu hujus Cometæ grassari cœpit, & ad sesqui annum duravit; ob quam Academia hæc circa dodrantem anni suspensa ac dissipata fuit. Ne vero factum de hoc solo Cometa nimis fero inter alios aliorum recenter in lucem deproperatos parturirem, operæ pretium me facturum existimavi, si materiam, adeo de unico cometa specialem, locupletiolem redderem, & generalem de novis phænomenis cœlestibus tractatum per causas suas velut principia, quoad potui, deductum in publicum molirer; & eidem, pro exemplis, phænomena ac qualiacunque judicia Astrologica duorum ultimarum Cometarum subjicerem; ut vel sic tandem ad votum debito obsequio submisisse persolvendum redirem. Hunc vero tractatum etsi longe minorem esse fateor, quam ut tantum principem deceat, qui, ut Sol novus, radiis & stricturis avitæ paternæ, & plane heroicæ virtutis ac Clementiæ ad omnes se diffundit; adeo ut spes horum regnorum penes Celsitud. Tuam unice, cum bono Deo, in futurum firmetur: tamen dum inter linguas, artes ac scientias quas Celsit. Tua eximie callet, etiam rerum Mathematicarum gymnasmata singulari solertia versat, dubium esse non potest, quin quoque cœlestibus ac sublimioribus, quæ Astronomia Regina disciplinarum complectitur, & compluribus aliis rebus impertit, tum quoque naturæ novorum phænomenon & imprimis Cometarum rite perveſtigandæ unice accommodat, mens illa Celsit. T. sublimis multum per occasionem delectabitur: Quandoquidem studium hoc quod mentem generosam a terrenis facibus avocat, & in admirationem, imo cognitionem tam concinni ordinis ac motus corporum cœlestium, velut in entheum suum locum reponit, a Regibus & principibus in Republ. viris, semper fuerit expetitum; ut Exempla in Serenissimis & Laudatis. Danorum Regibus in præsens usque maneant. Maeste igitur virtute Princeps celsissime, & atavum atque avum paternum non solum pietate & clementia, sed etiâ hujus sublimis scientiæ solertia & delectatione, parentem præterea efficaci desiderio Rempub. hanc evchendi, deinceps æmulare. Quorum quidem virtutes ac bene merita erga hæc regna nulla unquam memoria delebit. Etenim (ut Saxo noster non minus Poeta quam Historicus suo tempore elegantissimus cecinit:)

*Gloria defunctos sequitur, patrique favilla
Fama superstes eris: nec in ullum desidet avum,
Quod perfectu suo patravit tempore virtus.*

Sed ne gloria hæc vana esset futura, ita Pietati in Deum & Clementiæ in subditos Heroes illi operam dabant, ut illum imprimis propitium, hos sibi devinctos haberent; illum inquam, rerum omnium ἀντιπρόσωπον, a quo omnia ad Remp. tutandum & ampliandum præsidia ac consilia salutaria dependent. Verum enim est quod Plato alicubi dicit: Vbi non Deus sed mortalis aliquis homo regnat, ibi calamitatum & malorum nullum est effugium:

Quod

EPISTOLA DEDICATORIA

Quod imposterum religiose observandum puto, ne si vel alia mala, vel quæ Cometæ hi ultimi orbi, non frustra, minantur, ad nos quoque divina voluntate, nostrisque (proh dolor) meritis pertingant, Deum rursus a nostra parte habeamus, qui solus fata flectere, & in locum portentosi ominis benedictionem ex alto refundere novit intime, & vult clementissime: Cui Sereniss. Celsitudinem Tuam, cum fratribus Illustriss. devote commendamus, ut pietas & reliquæ virtutes avitæ, quarum vestigiis tam pulchre, gratiâ divinâ, incedis, ad certissima horum Regnorum fulmina se extendant, continuentur, & in seram posteritatem, si quæ futura est, feliciter propagentur. Hafniæ pridie omnium Sanctorum, Anni Christi redemptoris nostri c i o i o c x x i.

Sereniss. Celsitud. Tue.

Subiectiss.

Christianus Severini F.
Longomontanus.

Ad virum Cl. & Excellentissimum;

Dn. Christanum S. Longomontanum

*Mathematicum in Academia Hafniensi Pro-
fessorem Regium, Opus novum de
Cometis publicantem.*

INfra animum, vir magne, tuum curare jacentes
Terras, aut quicquid lubricus orbis habet.
Vnica cura tibi mortales linquere curas,
Atque animo excelsi scandere tecta poli.
Ingredieris cœli veneranda palatia: causas
Abstrusas rerum mente sagace notas.
Promis quid portendat fax infesta Cometæ,
Quidque Deus sacris ignibus ipse velit.
Non etenim frustra Cœlo nova monstra videntur:
Sunt impendentis symbola cœta mali.
Experti credunt, quos duro verbere Iovæ
Hucusque afflixit vis inimica manus.
Sed necdum pœnæ finis, scelerum quia necdum
Finis: tolle scelus, sydera nulla nocent.

*CASP. ERASM. BROCHMAND,
Sacrarum litterarum in Acad. Hafni-
ensi Professor.*

SI cuncta corpora lucida, quæ in cælesti theatro oculis exponuntur, *Astron-*
mica considerationi sunt subiecta, siue instar affixarum stellarum, immobilia hæciant, siue mo-
tibus quolibetscunque ab istis se exsolvant; merito quoque aliquid de assiciitiis cæli phæno-
menis, absolute modo *Astronomia* nostra, erui subiiciendum. Etenim, licet hac æternis motuum
legibus, non ut cætera mundi coæva corpora, obnoxia fuerint, utputa minus durabilia; tamen & ho-
rum scrutinatio, quantum tam ab externis, quippe observationum debite institutarum, adminiculis,
quam soleris hinc inde ratiocinatione veritatis proximum haberi potest, minime intermitendum est.
Id quod etiam contemplationis huius tam illustris, & homine ingenio dignissima, finis ac veluti fru-
ctus suadet; quo simul ingens animorum cupiditas, & tantum non extrema securitati traditorum, in
timore ac reverentia Numinis merito, per novorum in cælo ostensorum apparentiam trahitur.
Nam ut sidera perpetua, gubernationis mundi generali, secundum Deum, qui illa initio creavit, ad-
esse certuntur, non solum dum tempora disponunt, sed etiam dum quæ in hisce sunt, quadam secu-
ndum naturæ cursum operantur; alia eventura significant: Sic nova ista phænomena, quoties in cælo
effulgent, nonnihil præter consuetam naturæ legem, procul dubio, portendunt, & singulari Numinis
providentia ac dispensatione in hac mundana æconomia, antequam eveniret, insinuans, & homines
pios pariter ac impios ad pœnitentiam adhortantur; quod plerumque huiusmodi signa, imprimis an-
tequam Cometa, insensita esse solent, cui rei omnium temporum historia fidem faciunt, adeo ut inde
a potestatis constructum sit.

ὁ δὲς κομῆτης ὁ σὺς καὶ τὸ Φίγμ

Impune nunquam visus fulgere Cometes.

Posterior quoque exemplum Hipparchi Rhodii antiqui ac præclari *Astronomi*, sed vel maxime *A-*
lanius Danici Tychois nostri movebit, ut ista nova cæli phænomena silentio minime involvant, sed
horum occasione, artem *Astronomiæ* impensius colant. Nam ambo ad bina nova sidera, suis se-
culis in cælo effulgentia, reliqua in universum fere affixa observarunt, & in Canonicam dispositio-
nem, *Eclipticæ* respectu, digesserunt. Quinetiam Cometis præterea observandis, & inter cælestia
rite asserendis, non minorem quam Planetis & reliquis sideribus, cælo coævis, si non maiorem curam
primis temporibus nosse adjecit. Proinde quum nova huiusmodi *γαλῶδες* stellæ, nostris quo-
que temporibus, cælo videri non desinant, sed sub effectis caeteroquin mundi finem, qui proculdubio
brevis instat, frequentius appareant, quibus scilicet piam mentes de anecessuro orbis statu perturbat-
issimo, qui passim in scriptura indicatur, divina providentia admonitas esse velint; me quoque in hac
Academia Regia, artes Mathematicas, & imprimis Astronomicæ proficitemem; harum cura ali-
qua merito excusciavit, & ut antea ad observandum, sic nunc ad scribendum impulsit. Et quan-
quam opinione serius id, ob varias causas, contingat, postquam Cometarum ultimus, qui satis
terribilis fuit, a multis etiam præstantibus viris vel statim sub ipsum sui exordium exceptus esset,
descriptus, & dire atque ominose fama a plerisque traditus, prout præsens rerum status efflagitare
visus erat: tamen quia nec observationes tam ratas ac præcisas ad eundem ab aliis deprehende-
rim, nec plane de eius causis vel effectis, ab istis, etiam in tanta iudiciorum varietate, ita discer-
psatum, quin laborem meum (licet postliminium) locum apud intelligentes inventurum considerem.
Quocirca ut inventum *Mathematicæ*, cui operam meam præcipuam destinaveram, militari re-
luctus deservirem, visum mihi fuit; Primum generalem tractatum de huiusmodi novis phænomenis
per causas & effecta eorundem contexere, veterum ac recentium opinionibus prius collectis, ad ratio-
nis incudem revocatis ac dyndicatis; Deinde binorum, quæ specie Cometicæ se præbebant, motum
contrario, quasi invicem luctata, nempe quæ Anno a nato Christo 1607 & 1608 cælitus fulge-
bant apparentes, motus, ac suis ex propriis observationibus, expedire, eorumque quaticunque
significata autexere, idque tum ob periculosa hæc tempora, quorum signa sine dubio Cometa isti fue-
runt: quorumve imitatio (quod metuendum est) nondum plene advenerat: tum ne inventum
exemplum circa Cometarum observationem, parallaxim enucleationem, denique effectuum que-
lemcumque prædictionem rite & *Astrologicæ*, hoc est secundum modum maxime rationalem, im-
possibilem desinant. Quæ dum pro exiguis, quas agnosco, ingenii viribus conor, & a divino Nu-

Ezech. 28.
Item 29.
Apoc. 20.

mine adiutus, ita heic versor, ut suscepta materia ad ea principia, quæ ego quoque in natura maxime verosimilia esse censeo, dirigatur ac decidatur, Veniam mihi ab ipsis impetrandam video, qui alias de novis phenomenis celestibus longe etiam a se invicem dissidentia opiniones fovent, quas tamen, veris ac competentibus Astronomicis observationibus, quæ insensum cadunt, ac postea, beneficio Geometriae & Arithmeticae, ratiocinationi altiori subiiciuntur, maxime probare oportet: hi siquidem Gradus ad tam alta Philosophia lumen subintrandum unice, & quidem rectissime præ omnibus aliis multorum veterum pariter & recentium commentis substernunt.

Contenta capitum hujus tractatus.

Cap. I.

De novorum phenomenon speciebus.

Cap. II.

De variis Opinionibus tam veterum quam recentiorum circa ortum ac definitionem novorum phenomenon, imprimis autem Cometarum, & quemadmodum horum causæ breviter ab illis traduntur & sub certa genera receduntur.

Cap. III.

De censura in præmissis veterum ac recentium opiniones de Cometis, & quid in illis rejiciendum, quidque retinendum arbitramur.

Cap. IV.

De causa efficiente ortus ac generationis novorum phenomenon celestium.

Cap. V.

De causa materiali novorum phenomenon celestium.

Cap. VI.

De causa formali novorum phenomenon celestium.

Cap. VII.

De causa finali novorum phenomenon, & ipsorum descriptione.

Cap. VIII.

De novorum phenomenon celestium, ac imprimis Cometarum effectis dijudicandis.

Cap. IX.

De designatione cursus Cometæ anni 1607 ex propriis observationibus, Deque parallaxibus ejusdem exilibus, unde hunc intra caelestem regionem, longe supra Lunam fuisse concludimus.

Cap. X.

De phenomenis, parallaxibus, distantia a tellure, & magnitudine Cometæ anni 1618, & propriis observationibus acquisitis, adjuncta relatione Cometæ hujus alia in Persia observati.

Cap. XI.

De effectis seu significatis horum duorum Cometarum, scorsim ac breviter juxta communia Astrologorum decreta dijudicandis.

Cap. XII.

De Communi affectione significatorum, duorum præmissorum Cometarum, ex iisdem causis efficiensibus, mutua contrarietate, signorum seu Asterismorum natura quos transmissi sunt: porro de aliis duobus, qui cum ultimo fere coorbantur, ex quibus omnibus detestamen hominum securitas extremis hifce temporibus ante omnia arguuntur.

DE NOVIS COELI PHÆNOMENIS,

APPENDIX.

CAP. I.

De novorum Phænomenon speciebus.

Methodus susceptam tractationem continendi, nonnihil a Naturali, quæ a definitione rei vulgo inchoari solet, deflectit, dum id quod præcipue hic quaerimus, nempe cuiusdem Naturæ talia nova cœli phænomena fuerint, prius per externa criteria transmittitur, & per varias circumstantias, ab iis accurate dijudicabitur, sensu præcipue oculari atque historia, quam de natura ejus per causas dignoscenda, ratione subsequutura, doceri seu edisseri medicriri poterit. Nam licet novum Phænomenon id dici generaliter potest, quod instar stellæ fixæ vel Cometæ desuper, sive in aere, sive potius cœlesti theatro, de novo oritur, quippe haud prius conspectum; tamen, quam hæc descriptio imperfecta fuerit, veterum ac recentium opiniones, quæ capite sequente recitabuntur, liquido satis ostendunt.

Proinde a Criterio oculari auspicando, species eorum phænomenon, quæ sic, præter cœlo adfuerint, interdum in eo apparere videntur, hic omnino primo percensuimus; ubi vel solus Plinius nobis sufficeret, modo non nimium in talium specierum deductionem materiam Cometicam, ad Græcorum imitationem, a quibus doctrina de Cometis ad Latinos translata, ut alii volunt, primum ortum ducit, ipse extendisset. Has enim duodecim species Cometarum lib. 2. c. 25 N. H. recenset, quas Græcis characteribus satius est adscribere, ut earum ἀπολογία rectius percipiatur, & quibus rebus fuerint conformes.

Κομήτης, Stella Crinita vel circinnata.

Παρυμνίας, Barbata, cuius inferiori ex parte, in speciem barbæ longæ, promittitur juba.

Ακροτίας, a forma jaculi. Σιφίας, a forma gladii: αἰσκέως, vel potius δισκοειδής, fere sine radiis, nisi raris e margine, colore Electrio.

Πιθίτης, Dolioformis, in concavo fumidæ lucis. Κερατοειδής, Cornu speciem habet.

λαμπάδες Stellæ quæ facies ardentes referunt.

Ἰππεύς, equinas jubar referens, celerissimi motus atq; in orbem circa se euntes.

Αργυρέυμνος argenteo crine ita resurgens, ut vix intueri liceat, specieque humana Dei effigiem in se ostendens.

Λαοχίτης, forma hastæ. Flunt & hirci villorum specie & juba aliqua circumdati, simul jubar effi-

gies mutata in hastam est Olymp. 108. hæc tenus Plinius. Cæterum, quanquam hæc Cometarum differentias Plinius constituit, Græcos ut dixi imitatus; tamen sententiæ Senecæ lib. 7. c. 11 ubi de Cometis ita disserit, *Sive sint aliqua differentia illorum, sive non sint, eadem sunt ratione necesse est Cometa*, lubens subscribo, & ideo illud de Plinianis differentiis adjicio, ipsarum nimirum magnâ partem, vel sola visus nostri dispositione inter Solis & Cometæ exprimi, ut inferius id rectius ostendatur, materia Cometis conveniente data. Verum de Plinianis Cometarum formis, uti testis, certe qui nostro seculo visus sunt, aut comati fuerint, ut ille An. 1585 aut caudati, ut reliqui omnes, præter illū, qui Cl. Joh. Keplerus Anno 1618, primo inter res, quos eodem Anno in cœlo visos fuisse refert, in Septentrione deprehendit, cuius cauda, ut reliquorum a Sole diametraliter averſa, instar scoparum vestiariarum apparuisse, ut ob id hic ad secundam speciem *παρυμνίας* supra appellatam referri posse videntur, ut nihil disputem de ea forma, quam idem Keplerus meminir, primum ab aliis, deinde a scipso prope ortum ultimum Cometæ, & paucis ante ipsum diebus fuisse observatam, Ceratæ vel potius trabis speciem (de qua Seneca lib. 7. cap. 5. Natural.) referentem, & in longum a Sole protensam. Nos autem de novis phænomenis generatim agentes eam ipsorum differentiam recte dari posse videmus, quam Epigenes solis Cometis, & quidem alio sensu, tribuit, qui c. 6. lib. 7. Senecæ de rebus Natur. his verbis legitur. Duo, inquit, Epigenes, Cometarum genera sunt; alii ardorem undique fundunt, nec locum mutant, alii in unam partem ignem vagum in modum comæ porrigunt, & stellas permeant. Harum inquam specierum, quanquam Epigenes priorem e terrestri materia natam contendit, & postea vi spiritus in sublime elevatam. Quam ejus opinionem Seneca pluribus cômémoratam inſua refurat; tamen dum eandem, stellarum fixarum, sine dubio, respectu, non quidem primi motus, immoram esse, alteram vero, stellas permeare fateatur, non obscure inſinuat, quod cæteroquin popularis observatio, tam de novis stellis, quam Cometis assequi potest, atque testari; Quæ absque discretis observationibus, & parallaxibus hinc inde diductis, quarum notitia destituitur, nihil certi inter phænomenon desuper non ortu apparentium sublimationes, a facie telluris discriminare sustinet. Quod igitur Epigenes ibidem immotum, sed humile vocat, nos quoque inter stellas, immotum esse fateamur, sed omnium quæ de novo in cœlo conspiciuntur

maxime sublime. Quocirca ex hoc primum genus statuum, stellam novam appellatur. Ex altero vero, quod inter stellas mobile apparet, & ignem vagum in modum Comae porrigit, genus Cometary facimus, quippe in coelo inferiore, seu Planetario devagantium, & variis formis quandoque apparentium, cujus sententiae causae in sequentibus reddentur. Atque tantum de novorum phenomenon speciebus, quippe in sensum nostrum primo omnium incurrentibus, & ideo quoque in hoc tractatu loco primo attributis.

CAP. II.

De variis opinionibus tam veterum, quam neotericorum, circa ortum ac definitionem novorum Phenomenon, imprimis autem Cometary; & quemadmodum horum causae breviter ab illis traduntur, & sub certa genera rediguntur.

SI nova, de quibus agimus, sidera, ad causas in natura referri debent, & non potius, ut quidam volunt, miraculis plane accenseri, nulla certe res in tota Physiologia mihi videtur, siue in Elementis inferioribus reperitur, siue desuper in coelo ipso, ubi praestantissima natura viget, quae magis ad invicem discrepantes Philosophorum opiniones peperit, quam generatio & ortus Cometary per suas causas ostendendus; ut novas stellas raeam, quantum apparitiones, a veteribus aut nunquam, rudibus illis saeculis, sunt deprehensae, aut licetis ad posteritatem nunquam propagatae. Etenim quam Plinius cap. 26. lib. 2, ab Hipparcho Rhodio observatam prodixit, quia absque peculiari motu non fuerat, (modo Plinio alia fides habebitur) inter Cometas potius accensenda est, in oppositione Solis & terrae apparens. Ceterum dum ad Cometas redeam, ad propositum pertinebit, ut praecipuas de horum natura ac causis, tam veterum, quam recentium opiniones hoc capite breviter primum proponam: Deinde in certa genera distinguiam. At de his veterum opiniones, Plutarchus lib. 3 de placitis Philosophorum cap. 2, mira brevitate collectas, in hunc modum proponit. Nonnulli Pythagorae alium Cometae esse ex illorum numero, quae non perpetuo visuntur, sed tempore in orbem recurvente aperiantur: Alii visum ad Solem reperiendum simulacrum modo speculari: Anaxagorae, Democritus, stellam binarium vel plurimum inter se novum collustrantium eorum. Aristoteles concretionem arida respirantis ignis. Strabo sideris lumen densa circumjectum nube, quemadmodum in facibus fit. Pontius Heracles nubem sublimem, a sublimi illustratam lumine. Similem causam adferi Poggia, id est, barbata. Alii strabem calanum, & quae his affinis sunt, ut sane tota Pe-

ripeticorum natio in nubis eodem modo configurationibus (cul certe Ptolemaeus in quadripartito opere suffragatur): Epigenes spiritum terrenum, qui supra petit, ignescentem: Barhus aeris laevi speciem, Diogenes cometas esse stellas. Anaxagoras micantes, quae dicuntur, ab aethere semillarum modo delabi, ideoque confestim extingui. Metrodorus violentam in nubem Solis impressionem semillare. Xenophanes, ejusmodi omnia nubium ignitarum coagmenta, vel motiones esse. Haecenus Plutarchus pleraque veterum opiniones, de causis & generatione Cometary recensuit, quas enim ex aliis, imprimis vero Seneca desumisse verosimile est, qui lib. 7 D. Nat. uberius de hisdem disputat, & has easdem refutat, verum ita quidem, ut & seipsum incertum de Cometary generatione inibi reddat, nisi quod eos in coelo fieri recte opinetur. Ab hisce praecis ad neotericos dum nos convertimus, non quidem omnium, sed praecipuorum Mathematicorum ac Physiologorum censuras de Cometary causis in medium protrahemus, & Plutarchum emulando brevi enucleationi adstringemus: Siquidem multitudinem illarum opinionum, quae vel de ultimo illescente Cometa a tot scribentibus in medium productae sunt, vix quique facile comprehendit. Cardanus & Tycho noster, Cometae coelestem materiam, de novo generatam, in globum coagmentatam, & subito καὶ δὲ αὖθις a Sole illuminatam volunt. Iulius Scaliger contra, eundem terrestri exhalatione in supremam aerae regionem, vi siderum elevatam, fieri contendit, nec accendi, sed a radiis duntaxat Solis illuminari. Cujus sententiae particula, sub ea conditione Rothmannus suffragatur, ut postquam intellexerit coelum satis esse pervium, non dubitaverit terrestri exhalationem, aetherae regionem scandere, & inibi primum Cometae generari, ac Solis duntaxat radiis (ut Cardanus, Tycho & Scaliger) illuminari.

Keplerus Cometas in vastissimo aethere generari, ut pisces in Oceano, & ut hi in aquis, aut aves in aere, sic Cometas ductu rectilineo orbem universum pertranare: Vnde contingere autumat, ut in tellurem fore aliquando incidentes, ab eadem tanquam solidiore perforentur. Neque alii per Kepleri hypothesin, Cometae illa traiectione rectilineari, inter alia, evenire possent. Ambrosius Rhodius Cometas corpora coelestia, lucida quidem, sed extra naturae ordinem esse. Willebrordus Snellius Cometas κατὰ καὶ αὐτὰ seu exustulationes, a Sole emissas esse dissert, qui ideo ut Sol, anthracea incensione vigeant. D. Habrecchus denique Cometae novam stellam esse definit, materia coelesti generatam, & quandoque in supremo aere, plurimum vero in ipso aethere existentem, ut I. Regiomontanus. P. Apianum, Andr. Craigium, Scotum & alios cateroquin excellentes viros, tum quoque Physiologos non attingam,

tingam, qui nullam præter Aristotelis opinionem, de generatione Cometarum admittendam censuerunt, ne forte cœlestia novis impressionibus adspargere, atque conspurcare velle viderentur; verum potius unius Philosophi Stagyræ hypothesis de hisce, ut & aliis, sequendam.

Hæc autem veterum ac recentium de Cometarum causis sylloge quantumvis varia fuerat; tamen sub tria genera cadit: nempe, Materiæ, Apparitionis, & loci diversitate considerata. Primo namque materiæ respectu, Cometa aut cœlestis, aut terrestri, oriundus producitur. Forma autem apparitionis, quæ a vera non discrepabit, Cometa aut ignis instar accensi ardet, aut saltem ab astris imprimis vero Sole illuminatus apparet. Locum denique ratione, aut in cœlo supra Lunam, aut infra hanc, nempe in Elementari, seu sublunari regione, aut quandoque in æthere, aliquando etiam in sublunari regione Cometæ versabuntur; nam huc quoque censuræ Kepleri & Habrechtii se extendunt.

C A P. III.

De censura in præmissas veterum ac recentiorum opiniones de Cometis, & quid in illis rejiciendum, quidque retinendum arbitramur.

AD præmissas veterum & recentiorum opiniones, de novis illis phænomenis, & imprimis Cometis dijudicandas, duo quasi *negligia* nobis quodammodo famulantur; Vnum quod in prævis observationibus, ad talia phænomena habitus consistit; non tamen quibusvis, sed Organis competentibus, nec minus prudenter revolutionis cœlestis respectu acquisitis. Vnde de distantia talium phænomenon, a facie telluris, item magnitudine, & tandem naturali quodam incessu, ac duratione iudicium Astronomo firmetur; etiam ex apparitione caudæ Cometæ, perpetuo in contrariam Solis partem vergentis.

Alterum cum majore adhuc ratiocinationis solertia conjunctum est, dum scilicet de materia, unde phænomena illa nova potissimum oriuntur: Item de forma interiore, quæ quidem lucida est, ut nonnisi lucis prægienem dicas, sed anxie tandem quæras, num insita & quasi anthracia illa fuerit, ut ignis in carbone, an vero aliunde, ut lumen Solis ad Lunam collustrandum pervenit.

Ad primum autem, quod ex observationibus infallibilibus efformatum est, certe phænomena omnia hujusmodi cœlestia esse dijudicari possunt & debent, ut hinc unius D. Tychonis industria, in libris suis Progym. tota doctrina peripatetica de sublunari Cometarum generatione facile ru-

at, & a fundamento convellatur; Item reliquorum quocunque opiniones, quæ Aristotelicæ quavis ex parte affines sunt, loci scilicet sublunaris respectu; quum nemo hæctenus unquam prodidit, qui ex observationibus suis, æqualis certitudinis, cum Tychonianis, aut aliorum exquisitis, vel nostris postea habitis, tantas aut in stellis novis, aut Cometis parallaxes fuisse convincere potuisset, ut lunares uspiam hæc excederent. Equidem contra invictam parallaxium rationem nugæ Keckermanni non attingam, ut nec Jul. Scaligeri, minime vero omnium Ioh. Craigi Scoti pervicaciam, & perplexas in Aristotelis defensionem parallaxium excusationes, vel potius rejectiones, pluribus, quam olim factum est, heic refutabo; Quandoquidem tam sublunaria meteora, quam ipsa Luna, & omnia quæ sublime spectantur, quippe ad quæ diameter telluris globi satis sensibilem comparationem sortitur, parallaxium rite observatarum legibus, atque harum analogiæ ordine suo se sistant, & obnoxia reperiuntur; cujus rei exempla per Astronomiam nostram reliqueram, imprimis lib. 2. Sphær. cap. 10 & 11. Illud igitur Ioh. Keplerus in sua hypothesi Cometicæ, non satis attendisse mihi visus est, quod Cometas sublunares aliquando fieri, imo in ipsum terrestrem globum illidere, per eandem concedat, prævis ad descensum eorum inter sublunaria observationibus delictus. Proinde cœlestia (ut diximus) nova illa phænomena cuncta esse revera statui-mus, quæ aut instar fixarum stellarum loco non moventur, & tamen per plures menses & integros annos durant; aut quæ Cometarum naturam induunt, & ad justam durationem motum suum, seu maximo cœli circulo continuant, ac demum caudas suas in contrarias a Sole partes, tam exquisitè, in quavis revolutione deflectunt; quandoquidem etiam ex talibus signis, analogia horum cum cœlestibus egregie stabilitur; ut postea in exemplis, una cum iis, quæ ad parallaxiam enumerationem ac certitudinem spectant, uberius declarabitur.

Obteno autem ex doctrina parallactica, item constanti incessu Cometæ sub circulo maximo: demum caudæ porrectione in oppositas Solis partes: Quod scilicet phænomena hujusmodi nova loca ac motus intra ipsum cœli systema possideant: Consequens est, ut aut stellis perpetuas (quæ tamen non nisi certis temporibus apparent) cum Pythagoreis pronunciemus, aut novam esse ipsorum generationem; quippe ex materia ac forma provenientes agnoscamus; verum unde hæc generationis principia sumantur disquiramus.

Sed Pythagoreis primum respondebimus, quibus alii nostro seculo, & imprimis Nolanus Brunnus Italus suffragatur. Contra hos autem novas stellas, vel etiam Cometas, ideo ex numero per-

petuo existentium esse cum Seneca negamus; quandoquidem (ut plurimum) maximum incrementum suum, ac molem sub initium apparitionis ostendent. Quod fieri non posset, modo ex intimo cœli recessu pedetentim versus tellurem migrarent; donec ob evidentem magnitudinem, qua corpora propinquiora, anguli visionis respectu augmentur, in conspectum nostrum venirent: Neque ob certam cum Sole dispositionem (ut Nolanus voluit) id contingat, quod huiusmodi stellæ cæteroque per se, obscuræ, eam a Sole illustrationem acciperent, & sic nobis conspicuæ fierent: Siquidem huiusmodi cum Sole dispositio, in illis, ut in Luna, uniformis minime est. Ad do, quod tempus durationis earum, tum propter motum Solis interea, tum proprium in Cometis, minime continuari sic posset, quando illud motuum huiusmodi disparitas, citius dissolveret. Et quæ quæso ratio Geometrica est, quod Cometa nunc in alto Septentrione, nunc in meridie, nunc ante, nunc post Solem exortus, talem apparitionis angulum cum Sole & oculis inuentum configurabit, qui neque in rationem, neque mensuram certam cadit? ut tacē, quod huiusmodi obscura sidera, unde stellæ novæ ac Cometæ fieri autumant, dum inter reliqua cœli lucida corpora obambulant, hæc non minus, quam Luna Solem interdum, occultare: quod tamen ab Astronomis nondum animadvertimus. Facillat igitur Pythagoreæ opinio, & insuper omnium corū, qui vel Cometæ stellæ perpetuæ esse volunt, vel a stellarum fixarum seu Planetarum ad invicem collustratione fieri, ut Anaxagoras. Quandoquidem hæc collustratio similiter per motus efficientium Planetarum interea aut inordinata fieret, aut immature nimis dissolveretur. Restat igitur, ut nova illa phænomena de novo generari credamus. Ergo ex materia aliqua & forma, quæ principia supponit generatio. Sed de materia primum, hanc terrestrē in cum Epigenē & Rothmanno statuēmus, quæ nullo aut obstaculo, aut repagulo cohibita cœlum scandit, & ibidem sensum collecta, in globum coacta, & tandem a radiis solaribus collustrata cernitur? An vero Cometæ *κατακμήσεις*, seu ustulationes a Sole, vel potius ejus materia peristatica exsistentes, ut Willebrordo Snellio placet. Vel ex aliis Planetis fieri, præcipue Marte & Mercurio, ut alii & imprimis Ptolemæus censuit; sub ea tamen conditione, ut Planetæ isti, non tam materie, quam efficientis rationem habeant, quando illa his cum Aristotele restrictis credebatur.

Contra has opiniones communis nostra ratiocinatio atque dissertatio est, quod cum credibile admodum fuerit, peristatē aliquas circa sidera esse, quæ illis aeris terræ nostræ circumfusi vicem gerunt, ut in Luna, Sole, Jove ac Saturno, prope nunc in timioribus observationibus per Dioptri-

cum instrumentum Gallilæi, didicimus. Cæterum hæc tam ipsis corporibus & globis, quibus circumstant, ita esse appropriatas, ac devinctas video, ut nullo pacto ad alia transcant, seu so vasto, ac vacuo cæteroque in cœlo admisceant. Etenim quæ corporum cœlestium inter se & cum tellure communicatio fuerit, ea ad solum lumen Astrorum, & ejus vehiculum expansum nimirum referri debet; ne scilicet corpora illa mundana intreat, congenitis sic ab his exclusis, ac in locum eorum heterogeneis intromissis, quod ipsum ab homogeneorum naturam plane abhorret; Quemadmodum id in parte altera Prognosticatum Astronomiæ diutius intelligitur, quippe fusius ibidem expositum. Denique Keplerus si quid ulterius erit respondendum, dicēdum certe, etiam trajectionis huiusmodi Cometarum rectilineares, quales ille constituit, hypothesi Copernicæ, cui cæteroque Keplerus unice devinctus est, manifesto contrariari. Quum enim Copernicus motum circulem, solum naturalem esse agnoscat. Vade ergo rectus ille a Kepplero introducit, qui Cometis tribuitur? certe non a natura; Nisi igitur Cometæ sensu præditos esse Keplerus evicerit, & finem talis sui motus agnoscere, vix quicquam aliud reperiet, quod eundem tam ordinarium constituet, ut missum faciā Planetas quos Cometarum forma & motus apparent, quodammodo imitatur, circulari motu revera cieri. Sed qui Planetis scientiam affinxit, hanc forte Cometis non denegat. Vt est, nisi super hac re miramur, ut dum Cometa saltim naturalis esse credatur, nec eidem gubernando Spiritum aliquem, præsertim quando non longe durat, præsertim adhuc constet, animalis confestim similis habeatur; præsertim quando non longe durat, verum cito, aut in ipso cœlo dispareret, aut in terra illidens (ex Keppleriana hypothesi) dissipatur & evanescit. Has rationes dum cum superiore complicatas, rite quis æstimare velit, dicat Keplerum ingeniosius magis, imo operose magis, quam vere Cometarum generationem ac motus trajectionum hypothesi excusare.

Atque hi præcipui authores fuerunt, quasi per classes a nobis distribuit, circa quorum opiniones de ortu novorum phænomenon *διακμήσεις καὶ δάκρυες* hæc nostra erat extendenda: Nam cæteri, quos Plutarchus percenset, refutationem non merentur. In his autem quibusdam, ut & illis, item Cardano ac Tycho nostro, colligimus, quod materia novorum phænomenon cœlestis certo sit, sed ex qua cœli parte illa proveniat, quia parum aut nihil definite pronunciantur: Igitur capitibus sequentibus quantum Deus ingenio largiri dignatus fuerit de hac, ut & reliquis causis censuram meam proferam, ut quid novas stellæ, quid Cometæ esse existimem, postea rationibus hinc inde deducendis constet & in promptu habeatur, sed ita quidem, ut semper meliora afferenti locus relinquantur.

stam horum ad invicem, & cum alijs dispositionem sequi solent: item aliorum etiam Planetarum potentes cum Sole irradiationes, ut postea dicitur.

Atqui hic quæstiones seu dubitationes quædam incidunt, quæ in animis hominum quorundam stimulos relinquere solent, & ideo prius pro ingenio nostro explicandæ, quam ad alia festinamus. Primo autem queri potest, cur cum Deus Opt. max. hujusmodi cælestia nova ostensa atque signa, ideo maxime sine dubio, ante oculos mortalium constituit, ut a sceleribus recipiant, & tempore opportuno ad salutarem poenitentiam redeant, antequam ad justas poenas trahantur, quas hujusmodi coeli nova phænomena annuntiare videntur; & tamen eadem ostensa nihilominus a causis secundis fieri affirmantur: quid igitur impeditur esse possit, quo minus juxta Stoicos causis secundis Deus alligabitur?

Item si novæ stellæ ac Cometæ, quæ inter alia signa, de recipiendis a peccatis, mortalium oculis sistantur, causas simul illas effectrices a sideribus trahent; Vel ut generalius quæstionem hanc extendam: Si ex mundo coævis sideribus futura prædici affirmabuntur, sive generalia illa fuerint, sive specialia, ut quæ ex Genechiacis constitutionibus Astrologi vaticinantur, quo simul quoque ex divina ordinatione contingunt, & hæc ejusmodi esse, ut ad mala saltem inclinent, si non eadem, ut alij volunt, efficaciter operentur: Quæri certe potest, quo modo ex eadem divina ordinatione, scelera ac peccata excludi possint; quandoquidem hæc velut effecta seu signata in certis illis vel causis vel signis comprehensa esse videntur?

Atque heic rectissime respondendum arbitror. Deum minime ideo ordinasse peccata, quæ certe ex voluntate Diaboli & hominum citra aut præter omnem ordinationem divinam eveniunt: etiam quod hæc signa quodammodo a causis secundis, hoc est cælestibus sideribus, quæ Deus ab initio cum coelo creavit, emanant: quod id juxta scripturam, imo Philosophos ipsos & imprimis Platonem, divinæ naturæ, quæ tota bona est, plane repugnet; Quin potius, heic statuendum est, quod quum Deus absq; tempore & loco sit, & quidem ita, ut quæ in tempore atque loco fiunt, exquisitissima harmonia gubernet, adeo ut in illa œconomi a divina omnia a primo mundi incepti tempore ad exitum ipsius seu orbis totius consummationem, perpetuo in conspectu Creatoris locentur, nempe tam scelera ac peccata hominum, quam omnia alia, quæ certis suis temporibus fiunt. Non igitur apud Deum impossibile erat sidera in primæva creatione ita ordinare, ut perpetuo postea inter alia sua ministeria, aut ipsa in signa essent futura, aut signa de se ederent, divinæ suæ in homines benevolentie, cuius quoque pars,

ut & justitiæ ipsius, non minima est scelerum vindicta, quæ hujusmodi ostensa cælestia aut sequitur, aut eorum apparentiis est conjuncta; ut bellum, pestis, annong, obitus magnorum in Republicis virorum: Regnorum transmutationes, & alia media, quippe quæ sæpe malos corrigunt, & ad poenitentiam retrahunt; bonis vero minime incommodant; his siquidem, qui Deum diligunt omnia in bonum operantur.

Secundo quum paulo antea affirmatum sit, ad spectus siderum, cum primis Martis & Mercurij, ad generationem Cometarum conferre (licet certe & alij aliorum Planetarum non excludantur ut infra patebit) quæri potest, cur igitur, quando hujusmodi aspectus quotannis fiunt, non etiam inde Cometæ producantur, ut certo tempore ortus eorum prædici queat? Quod tamen vix a quoquam hæcenus factum est; etsi quidam, qui Astrologi audire volunt, se inde inepta præsumptione jactitent.

Sed hic quoque non incommode respondebitur, per id quod ab initio admonui: actionem scilicet Dei liberrimam esse: & addendum præterea, quæ etiam occulta Naturæ parte, Creator ad id, velut causa secunda utitur, plane a nobis nesciri: Vnde scite Hippocrates, de his, quæ nobis ignorantibus fiunt: *ἡμῶν μὲν ἀνθρώπων, τῶ δὲ θεῶ μυστὴρ ἀνθρώπων*. Interim quoque dicendum, naturæ cursum non ideo plane in reliquis impediri, quod varig remore sint, ex causis potentioribus incognitis: Itē materiæ defectu supervenientes, quæ generationem novorum phænomenon aut differunt, aut variant, & prædictiones ex illis, ut & reliquis astris incertas, sæpe etiā irritas reddunt: præter professorum imbecillitatem & ignaviam; velut hæc omnia Ptolemæus initio quadripartiti sui operis de Astrorum effectibus satis copiose exponit. Tantum de novorum phænomenon causa Efficiente. Nam quod Paracelsus quodam in loco dicat, a perversis hominum cogitationibus, & quasi ad mala perpetranda præmeditationibus cælestia sidera (ob *συμπαραθήκην* cum Inferioribus) imprimis autem Venerem concipere, & Cometæ vel invito parturire, quum naturæ ceteroquin cælestia castæ atque illibatæ fuerint; Porro hos novos sæctus seu Cometæ postea in effecta resolvit, quæ conceptus hujusmodi amplius per bella, furta, latrocinia, adulteria & similia referunt atque exerunt; id certe potius fictæ alicujus causæ rationem habere videtur, quam aut in natura, aut scriptura esse fundatum. In confesso enim est, superiora in inferiora agere, & non e converso: Sic alia divinitus ordinata esse, ut malorum istorum, quæ a libera actione humana, seu potius serva, id est, Diabolo mancipata proficiuntur, vel prænuncia vel internumcia simul esse possint; quemadmodum id modo supra expositum est, & uberior infra per causam similem exponetur.

CAP. V.

De causa materiali novorum Phænomenon celestium.

A Efficientia ad materiam novorum phænomenon transitus est, sed talis quidem transitus, qualem vix natura circa reliquas generationes agnoscit. Etenim postquam generatio eorundem ex Aristotelicis principiis ac hypothesei jure fuerit denegata, & ideo materia in cœlo quæstia; hæc profecto varias opiniones apud recentiores Astronomos peperit, quæ pene omnes præcedentibus capitibus ita sunt discussæ ut non attineat easdem denuo sub incudem revocare, aut iis pluribus quam ibi factum est, rationibus resistere. Nos autem licet satis quoque ex superioribus probavimus, materiam hanc novorum phænomenon, non aliunde quam e cœlesti esse; tamen ne fortuitum ejus concursum ad nova illa phænomena generanda fore concludamus, rem heic paullo altius intuebimur, & primo pro viribus dispiciemus, an cœlum ita affectum, aut (ut loquuntur) qualificatum fuerit, ut ulla hujusmodi nova de se producat, quum id veteres philosophi, & imprimis Peripatetici pernegent. Hoc autem ubi convictum fuerit, quæremus amplius pro talis materię inventionem, nempe e qua cœli parte educitur, sidera ne, an ea quam sideribus vacuum esse cernimus, & proprie cœlum appellamus; an denique ex utraque.

Quamvis enim heic materiam talem agnoscimus, quæ formæ seu seminis ejusdem ad modum formæ operantis receptaculum est, non tamen famosam illam primam, quæ pene secundum Platonicos, nullibi & nihil est, intellectâ rohimus, sed revera in cœlo existentem. Primam namque illam, quam alii chaos, Scriptura indigestam molem nominat, in primævam rerum creationem absorptam fuisse, cum nonnullis nostra sententia est. Ob quam causam, etsi inferiora a superioribus toto genere non differunt, magna tamen materię varietas est in cœlo & terra, unde species diversæ in orbe producantur. (Vide Antonium Flaminium in xi lib. Phys. Aristotelis) sed ad quæsitum primum revertamur.

Contraria illa quæ Aristoteles ad generationem requirit, duorum potissimum generum sunt, & circa materiam cadunt.

Aut enim hæc in qualitatibus contrariis consistunt, quæ elementis inter se transmutandis inesse sentiuntur: Aut destructione seu privatione formæ in materia, dum similis aut alia in eam introducit: nam de tertia contrarietate, quæ ex motu sursum & deorsum, pro Elementorum natura, levitate scilicet & gravitate contingit, parum aut

nihil ad generationem facit, & hæc non tam Elementis sublunaribus, quam singulis Astris, veluti corporibus magnis mundanis accidere in prognosticatis Astronomiæ de cœli materia ostendi: Illa inquam contraria, quæ Aristoteles a cœlo excludit, nos eidem inesse asserimus: Nam quod qualitates primas attinet, imprimis agentes illas, scilicet frigidam & calidam, eas antea in prognosticatis Astronomiæ, cœlo quoque includi, haud dubiis argumentis evicimus, nempe expansum istud cœlestis eximie frigidum esse: Astra vero & imprimis Solem calore excellere. Quapropter primum hoc ex contrarietate principum, pro nova cœlestium generatione nobis adstat.

Porro pro altero obtinendo haud multum laborabimus, quando oculis, quæ usurpamus seu videmus, his fides tuto applicari solet; talia sunt illa phænomena, quæ recentior in cœlo oriuntur, nempe stellæ novæ & Comete; quæ revera in cœlo generari, non pluribus argumentis, adversus peripateticos probare necessarium duco, quam quæ olim Nobiliss. Tycho noster in suis progymnasmatibus Astronomicis adversus eosdem produxit; ut id nunc rursus, quod supra inculcavimus, & infra in exemplis quoque offensuri sumus, pressius & quasi uno verbo attingamus: Et quamquam nec novarum stellarum nec Cometarum individua in cœlo, sicut apud nos stirpium aut animalium generationis vicissitudine perpetuantur; ut vel hinc a generatione inferiori cœlestia differant; tamen necesse est materiam aliam formam exuisse, aut quodammodo mutasse, ex qua forma novæ stellæ aut Cometæ ostentatur; ut id infra exemplo commodius sumus explicaturi; siquidem materia nullibi ab aliqua forma nuda plane reperitur. Restat nunc ut, ex qua parte cœli materiam novorum phænomenon provenire censeamus, explicetur. An igitur ex ipsis Astris, quandoquidem hæc nova phænomena ita reserunt, imprimis autem stellæ novæ, ut illorum solboles, vel ut ab ipsis genitæ esse videntur. Sic namque stella nova Anni 1572 in Cassiopeæ, & sic aliter Anni 1604 in Sagittario, Venerem quidem magnitudine, sed & alias fixas stellæ claritate visibiles adæquavit; idque in eadem, quam sidera perpetua, forma nimirum rotunda, quæ quoque præter caudarum aut crinium vestigia, Cometarum est, qui & ipsi, haud multum ab aliis astris claritate distant. Ceterum quia hæc claritas, aut insita luce velut forma, aut adventicia esse videtur, nempe ex Sole & Astris emissâ, igitur illam potius ad formam, de qua capite sequi rejicimus; verum ita quidem, ut materiam heic tali formæ suscipiendæ idoneam relinquamus. An igitur talis in reliquo cœlo, quod scriptura expansum nominat, reperitur, unde stellæ novæ & imprimis Cometæ, ut pisces in mari, ad D. Joh. Kepleri

Kepleri præmissam opinionem, generantur. At id neque plane affirmare possum, siquid Rhachia seu expansum illud esse in prognosticatis ostensum est, quod sibi *ῥαχία* sit, & æqualiac subtilissima raritate, ubique per totum univerfum finitum, exquisitè extensum. Hoc vero Expansum, quia luminis vehiculum est, seu subjectum per quod scilicet lumina seu radii Astrorum oculis ictu oculi, vel ad extrema mundi se explicant, (unde forte alii cælum in fluore consistere volunt, qui tamen nihil aliud esse videtur, quam expansi, seu Rhachiae natura omnia permeantis) Expansum igitur per se vix materiam novis phenomenonis largitur, nisi quatenus hæc eidem quasi intertexta fuerit, & vel potentia ita determinata, ut novum illud phenomenon luminosum tanquam formā, seu formatum in se irretiat acque contineat. Materiam igitur novorum phenomenonon cælestium, quasi naturæ terreae esse oportet, quippe ab astris & expanso resultantis, idque tam ob qualitates horum, quos contrarios esse supra innuimus, quam primævæ cœli ac siderum creationis considerationem: Quum enim loca æque locata, ex aliqua naturæ sui parte convenire necesse fuerit, veluti Elementa terra nempe aqua & aer, cum iis quæ in hisce singulis generantur; Proinde sidera quæ a primæva luce per optimum & sapientissimum creatorem sine dubio, creata atque producta sunt, ab Expanso illo, in quo potenti manu, seu verbo Iehovæ posita atque locata leguntur, contrariæ plane naturæ non sunt; velut hæc in prognosticæ Astronomiæ posteriore, dilucidius atque fufius exponuntur, & quasi ostenduntur. Neque enim ob contrarias qualitates, quas iis inesse asseruimus, contrariæ naturæ hæc sunt; siquidem illam contrarietatem qualitatum omnis natura corruptibilis includit.

Quum igitur talis materia, tam Astrorum, quam expansi naturam quodammodo, (ut modo dixi) referat; proinde ob luminis sive primævæ lucis, quæ in astris resulget, communicationem aliquam, oculis exponi debet; nec tamen quicquam in cœlo, astris exceptis, reperitur præter Cingulū seu circumulum, quem Græci *τὸν γαλαξίαν*, Latini viam lacteam nuncupant. Quocirca inter omnes cōvenienter mihi ratiocinari videntur, qui hunc circumulum noctu in cœlo apparentem, materiam novis phenomenonis largiri arbitrantur, qui quidem circumulus instar maximi (licet non perfectè ubique) totum siderium cœlum cingere videtur, ab utroque polo Septentrionali, Eclipticæ nimirum & Æquatoris, per unum quasi signum æqualiter distans, cuius quoque margo orientalis hodie Eclipticam duobus in locis transeundo, paulo ultra initium ϵ & γ serpsit. Dispari quidem latitudine: nam juxta Septentrionem & initium sideris Cassiopææ, ubi ejus initium in hac descriptione facimus, crassior est, quam locis, qui-

bus Eclipticam & Æquatorem tranfit. Omnium autem latissime juxta Oloris seu Cygni fidus se expandit, ubi etiam in duas partes seu vias finditur, quarum altera per arcum Sagittarii descendit: altera per collum ac rostrum Cygni exquirit se porrigit, item dextrum humerum Serpentarii ibique se in sinum juxta æquatorem quasi recolligit; prior autem in suo tramite persistit, nec multo propius ad polum Antarcticum accedit, antequam in Septentrionem resurgat, nimirum per Argonavem & Dorium canis majoris, illac viam capefcens, pedesque π , item Erichthonium ac Perseum perstringens, in Cassiopæam denuo, unde nobis initium ceparat, revertitur, velut in ipso cœlo, & hujus æmulo globo, scilicet cœlesti, materiali, cognoscere licet.


Ex hac qualicunque Galaxiæ seu viæ lactæe descriptione & cū veteribus collatione, intelligimus ejus motum in signorum consequentia eundem cum apparente fixarum stellarum esse: Nam etiam Aristotelis designatione, (quæ existat lib. I Meteorol. cap. 8) uno quasi signo eo seculo antior erat, & iisdem stellis quibus nunc utrinque & circum quaque determinabatur: id quod inter alia magnū argumentum ad stellarum fixarum immobilitatem statuendum offert. Post hanc viæ lactæe descriptionem ulterius nobis discurrendum est; An eadem primo (contra Aristotelem) in cœlo totaliter sit locata? Deinde postquam sufficiente argumento id convictum fuerit, an sit in cœlo nudum phasma, a collustratione stellarum plurimarum, quæ in ea reperiuntur? an vero reale aliquid & materiatum, ex quo nova phenomena & imprimis novas stellas generari verosimile esse possit.

Primum quod Aristotelis opinionem attinet loco paulo antea citato, ea facile vel ipsius Philosophi testimonio ibidem prolato, & ad doctrinam parallacticam pensato, cadit. Etenim modo in lactææ conterminis iisdem eadem stellæ fixæ quavis revolutione conspiciantur (ut certe conspiciuntur) nec marginem viæ litiū, seu circuli occidentalem in ortu, aut orientalem juxta occiduum unquam illæ desistant; sed eundem in ea plane locum conservare cernantur; Necessum certe est, quod quicquid Galaxiam supra descriptionem refert, id vel in cœlo & quidem longe supra Lunam consistet; siquidem & hæc parallaxes extra verticem loci ubique relinquit, maximas Horizoni vicinissimas, ut in doctrina spherica, & adhuc evidentiū in Theoretica & Eclipsibus Solaribus patet.

Nunc autem, ut quod de via lactæa in cœlo asserenda, ex præmissa ratione diximus, demonstrationi accommodetur, atque in conspectu locetur, agemus.

A Centro describatur semicirculus spheræ fixarum, & simul verticalis D C R. Telluris vero

telluris vero PFO. Denique ex eodem centro circulares termini viz lacteæ, quasi infra lunâ intra semicirculos IBK & H G, sitque terminus ejus IB, circa occasum, cui contrari-



um est B K. In eodem autem galaxiæ exteriore margine datur punctum verticale B, quod stella fixa simul verticalis in C exquisire determinet. Deinde revolutio eodem puncto B in L occasum versus supra axem mundi A Q; & stella fixa ex C in E pari revolutionis motu cum B L, id quod linea A E a centro terræ per L transiens arguit. Igitur ex F superficie terræ, quando linea peragatur, & similiter in sphaeram fixarum extendatur; illa certe inibi non in E sed N cadit.

Ceterum si aliam ex F in E miseris, hæc minime per L punctum (ubi tamen casuram experientia probat, dum unum punctum in B scilicet & L ab eadem stella in C & E, salvis observationibus occuparetur) sed aliunde per M transit, unde per arcum L M seu N E, differentia ostenditur, inter punctum quod stella in L via lacteæ possideret, dum observationibus standum foret, & aliud in M, in quod tamen stella nunquam transit, aut locum (ut supra dictum est) mutat. Illud igitur si Aristoteles considerasset, nunquam Galileum collectitium vaporem, seu ejus concretionem sublunarem fuisse pronuntiasset, quem scilicet vaporem stellarum in firmamento, & præcipue minutas illas, quæ in via lacteæ conspiciuntur, & *σποράδες* ipsi vocantur, colligere & sub se in quavis revolutione suspensum terræ arbitratum est. Legatur Aristoteles lib. 1 Meteor. c. 8. ubi simul aliorum opiniones de lacteæ via recensentur & pro suo modo ab Aristotele refutantur.

Secunda opinio inter veteres Dimocrium autorem habet: hic enim ut Plutarchus refert, circulum lacteum nihil aliud esse putabat, quam multarum minutarum stellarum contiguarum (has proculdubio, quæ in eo apparent, intelligit) colluentium, quæ propter attritionem inter se collustrant.

Hanc certe Dimocriti opinionem hoc tem-

pore Galileus de Galilæa, Mathematicus Paravinus vehementer confirmare videtur, qui per specillum nuper a se invento, atque adhibito, pro lacteæ vestigiis nonnisi infinitarum quasi stellarum juxta se constitarum congeriem deprehendit; Quod quoque Clariss. noster Doct. Casp. Bartholinus affirmat. Nam quum ante aliquot annos Paravii præfato Galilæo præfens ac familiaris esset, eodem spectaculo admonebatur, ut priorem opinionem suam tractatui de stellis insertam mutaret, ubi viam lacteam substantiam celestem, & velut reliquias lucis primogeniæ ex sententia Tychonis Brahe antea disserterat. Quin & ad majorem hujus rei fidem argumentum assumit ab aliis similibus ariolis coloris candidi, velut albicantis nubis, quæ alibi per æthera suffulgent; ubi beneficio dicti specilli stellarum constipatarum congeries visitur, nempe ubi stellæ nebuloſe dictæ constatæ sunt.

At certe, quæ ex oculari demonstratione procedunt, & ob id in physica fidem mereri videntur, cur non plane acquiescere possim, & viam lacteam solam colluentiam stellarum minutarum, quæ in ea conspiciuntur, absque alia substrata materia firmiter credam, rationes quæ sequuntur, efficiunt.

1. Quod expansum celestis natura, (quod quidem expansum luminis Astrorum vehiculum esse, in prognosticis Astronomiæ ostendimus) talis sit, ut idem lumen libere per expansum meet & transmittatur; nec ulibi nisi penes objecta materiata, qualia astra atque terra sunt, determinentur; At lumen illud *σποράδων*, seu minutarum stellarum, quæ in lacteâ conspiciuntur, per eandem determinatur: Proinde via lacteæ, non plane & κατὰ φύσιν de natura reliqui expansi est; sed præterea aliquam in se materiam continet.

2. Ratio a sensu simul oculari atque autoritate præcellentiss. omnium ætatum Astronomi D. Tychonis Brahe nostri datur, qui hiatum in via lacteâ ac sidere Cassiopææ in eodem loco celesti notavit, ubi nova stella Anno 1572 hæserat, veluti in Conclusionem Tomi 1 progymnasticis verbis testatus est, & simul experientia nostra ocularis olim ultro conprobavit. Qui quidem hiatus an hodie reperitur, non tam exquisitis oculis eiqdem discernere possum. Hinc ita colligere licet.

Si via lacteæ solum lumen erit stellarum in ea constitarum, nihil certe inde absumi aut perire potuerat, dum scilicet stellæ istæ suis singulis locis, quod faciunt, manent: Etenim duranti- bus in natura causis, durant effecta. hoc est, manentibus stellis istis, manet lumen. At stella illa nova Anno 1572 ingens & fulgentissima,

post sui disparitionem Anno sequente hiatum tenebrosum, seu reliquū cæli colorī extralacteam haud dissimilem, in eo loco reliquit, ubi ad marginem Galaxiæ fuisse deprehensa est, quippe luminis confusi fluore non confectum, (ut alias luminis natura est) repletum aut obductum: Ergo consentaneum est subfuisse, præter illud stellarum lumen, materiam quandam, ex qua nova illa stella constabat, qua quidem stella resoluta ac dissipata materia una absorpta, & alio, e loco ubi existerat, transportata est.

3 Ratio nobis sumitur a subiecto loco usitate generationis novorum phenomenon, ac imprimis novarum stellarum, qui quidem locus, ut plurimum in via lactea est, quippe in quam dicta stella Anni 1572 in Cassiopeiæ, quam illa Anni 1600 in Cygno, quæ etiamnum ibidem visitur. Denique nova stella Anni 1604 in genu Serpentarii &c. ortum duxit, ut Cometas taceam, qui subinde quoque initia sua ad lacteum referebant, & quum eandem transierint, colore illustriore splendebant. Unde verosimile admodum est, materiam viæ lacteæ huius quoque esse cognatam: Quemadmodum Tychoni in conclusione Progyrnas. Astronomiæ visum est. Ex allata igitur ratione concludimus, quod sunt herbæ, aut alia terræ crescentia, materiam non elonginguo, sed iis locis, ubi oriuntur, acquirunt: Sic novas stellas præcipuam materiam e viâ lactea haurire, in qua oriri plerumque videntur, & hanc quidem materiam, ut dixi, quoquo modo variam esse ab ea quæ ceteroquin reliquo cœlo cedit, expansum seu Rhachea a nobis declarata.

Hæc rationibus positis, videndum est quibus mediis observationes Galilæi ad easdem reductæ, salvari possint. Inter quæ primum ac præcipuum in potentia admirabili perspicilli Galilæi querimus, ad objecta scilicet, quæ visui incutunt, miris modis amplianda & delatanda: Quæ ob id mihi tanta esse videtur, ut dum observator stellas in viâ lactea confitas, etiam minutissimas rimatur, apprehendit, & visui per tubum illum exhibet, easdem rara illa substrata materia exutas ac denudatas in conspectum locet.

Hæc mea conjectura inde procedit, quod maculas in Luna interpolatas, & non plane eo modo, quo alias apparent, Galilæus nobis, per idem suum specillum, in Nuncio suo sidereo exhibuerat: ubi tamen minimam particulam Lunæ etiam in parte sitiente atque obscurâ illuminatam assequutus est. Alterum est quod licet lacteus ille color non alias quam in multiplici stellarum congerio passim per zonam lacteam, beneficio optici Galilæi appa-

reat; tamen non inde sequi starno, quod hujusmodi color nihil aliud sit, quam stellarum istarum inter se collucentia, absque alia substrata materia, in quam illud stellarum confusum lumen determinatur; nam hæc necessario ab opticis requiritur, ut Iohannes Kepplerus demonstrat; cui quoque medio prima ratio nostra innititur; & hæc etiam communis sententia D. Isaac Habrecchi est, in descriptione Cometæ ultimi, (seu qui Anno 1618 illuxit) pag. 14. hisce pene verbis latine redditus. Quamvis viâ lactea per specillum nihil aliud esse percipitur, quam mera constipatio seu congeries stellarum minutarum juxta se constitarum, quemadmodum Albertus Magnus, Scaliger, Cardanus, Goclenius & alii putarunt: ego tamen existimo, posse hanc semitam passim minoribus & majoribus stellis consistam esse, etiam quæ ceteroquin communem visum nostrum latent, & nihilominus residuum quod est, talem materiam esse, qualem Braneus opinabatur.

Hæc rationes viæ lacteæ materiam suam quandam vindicant, præter confusum illud in ea stellarum lumen: Nam quod areolas (seu gyros nebulosos) attinet, locis quibusdam per æthera conspicuas, hæc dissimilitudinem quandam, a candore lacteo, sua obscuritate ingerunt, ut juxta præcepte S., crimem Berenices, semur antierius uris majoris &c. Nec alias ubi stelle arcte juxta se consistunt, quæ tales ariolæ conspiciuntur. Exempla in Tauro sunt Plejades, & alia per alios Asterismos stellule coarctiores atque collectiores. Quinetiam ii quis hyberno tempore, luna latente, cœlum serenissimum diligenter contempletur, numerosum, & quasi confertum stellarum chorum atque exercitum ubique per æthera deseminatum, etiam extra viam lacteam videbit: unde mirum si non totus æther, ut cetera, splendore resulgeret, nisi in hac peculiaris materia, prævisu Dei, parata esset, aut scilicet e luce primogenia, (ut Tychoni placuit) relicta; quæ luminis stellarum in lactea determinando, & simul novis stellis ac Cometis successive in tempore (prout Deo placeat) generandis appropriata est.

Nec exigua crassitudine, aut veluti albedine, qua paries obducitur, hæc eadem lacteæ materia æstimanda est: ut recte D. Habrecchus dicit, sed profunda satis dimensione predicta, non tamen tanta, ut ad confinia lune se demittat, nedum, ut Aristoteles putabat, infra eandem subter. Nam id parallaxium evanescentia, quam supra ostendit, evincit.

Atque hanc materiam novorum phenomenon cœlestium potissimum esse, hisce præmissis

fis rationibus, nunc colligimus, cujus quoque sententiæ Tychonianam aliquot in locis per sua progymnasinata præviā habemus, adeo ut si ille, iudicio omnium Astronomorum maximus, diutius nobis superstes fuisset, & nihil, ut destinaverat, novorum phænomenon provinciā pro ingenio deinceps administrandā demandasset; non dubito quin hanc eandem eorum materiā ad manus una tradidisset, circa quam non obscure, tum alibi, tum in Epilogo Progymnasinatum innuebat, se tertium suum totum novorum phænomenon (qui tamen post obitum ejus non prodit) directe pro hac alibi insinuata, sua opinione conclusurum.

Quod igitur vir ille tantus inter Astronomos de materia novorum phænomenon olim censuit, idem quoque ego nunc, rationibus adductis censeo, nempe cœlestem illam esse, & præcipue in lactea via præparatam. Et quidni censeam? Etenim si mundum hunc animalis conditioni conformem esse, juxta Pythagoræ & Platonis dogmata staverimus, nusquam profecto similem magis atque convenientem materiā in illo vasto corpore locabimus, quam illa lactea est: quippe quæ spinali medullæ, per dorsum hominis, aut alterius animalis respondeat. Nam sicut nervi passim per corpus animalis sparsis materiā medulla cerebri & spinalis subministrat, ubi spiritus illi lucidi, qui animales vocantur, & vitalibus, qui primo a sanguine in corde generantur, elaborati, sua vel domicilia vel alimenta fortiuntur: nec minimum ad generationem materia hæc confert, sic forte an non absurdum erit, statuere materiā illam lacteam, ideo in cœlo esse præparatam, ut per ejus meatus radiorum stricte, seu potius spiritus stellarum fixarum invisibiles, prius præparentur, quam Soli, planetis, atque adeo ipsi telluri communicantur. Ex qua quidem elaboratione, si quando semina occultæ præsto fuerint, & divina voluntas, sine qua nihil fit, simul adfuerit, aut novæ stellæ generantur, nec profundius se illa immergunt, aut Cometæ, quorum materia per attractionem ac vim planetarum a lactea devulsa ideo rarior est, & moribus qui in planetarum regionibus per universum vigent, perpetuo obnoxia. Sed de materia novorum phænomenon satis.

CAP. VI.

De causa formali novorum phænomenon celestium.

DE materia novorum phænomenon, præcedente Capite fusius eo tractavimus,

quod hæc in maxima controversia apud Philosophos & Astronomos erat posita. Et quamquam prolatam de ea sententiā nostrā, ut & aliorum hæcenus ἀναπόδκτος esse ingenue fateamur; eandem tamen, tot rationibus atque autoritaribus stabilitam, vix alius pluribus aliunde, quam e lactea deducet: Nunc autem ordo requirit, ut ad formam ac finem novorum phænomenon ulterius progrediamur; ad formam inquam, quæ præcipue rei esse dat, & eandem ab omnibus aliis rebus, naturæ quadam, quam adipsicetur, peculiariori proprietate separat. Talem autem formam hic diligenter inquirentes, invenimus in novis phænomenis aut generalem esse, nempe quæ omnibus ex æquo competit: aut specialem, quippe differentias primum novarum stellarum & Cometarum, hinc vero Cometarum inter se, ostendentem. De utraque, præcipue autem posteriore, eo contractius Capite præsentem agendum est, quod præcedentibus, non pauca de iis, ut intellectus necessitas exigebat dicta sunt.

Primum vero quod formam generalem novorum phænomenon attinet, eadē scilicet ita informantem, ut ex materia, quā diximus, corpora cœlestia esse incipiant: & licet non diu durant: stellas tamen alias lucis suæ splendore, forma rotunda, ac motu, æmulantur, adeo quidem ut alia in aere phasmata hæc esse nequeant, velut quorundam opinio est, haud altius, aut majore cum ratione, quam vulgus, imo animalia cætera oculis attollentium. Hanc autem formam non vulgarem ex sole & astris lucem esse oportet, sed potius seminalem (ut ita dicam) seu ad generandum, ut in reliqua natura fit, potentem, quippe quam Deus, quando ipsius providentiæ id visum fuerit materiæ infundit, ob finem quem supra quodammodo in causa Efficientie attigi, sed infra in finali finis exponam, quandoquidem hujusmodi generationis periodus, a nemine mortalium certo definiri poterit. Interim autem credibile est, Deum, qui in natura per media plerumque agit, etiam quando illa producuntur, per quæ homines de ejus misericordia, ira, sua respicientia &c. admonitos esse velit (ut in iride exemplum habemus) hec quoque mediis uti, nempe peculiarium Astrorum constitutione inter se quasi rationali, per quam influentiæ horum tempore præstituto efficaciter operantur, centrum materiæ primum, dehinc totam ejus destinatam & quasi avulsam molem subito occupantes, atque inter alia lucis vigore ita opulentes, ut nova illa astra, mundo cœlis haud multum dissimiles in ortu suo appareant, licet postea successive ob minorem exaltationem

seu formę perfectionem paulatim hæc rursus, velattritu radiorum solarium deficiant, sicut recte forsan Kepplerus existimat. Vt enim metallis terrestribus præstantia & durabilitas, e maiore minoreque ipsorum exaltatione irrogatur: unde aurum interea præciosissimum ita durabile est, ut vix ulla arte solvatur, aut in aliud præter aurum transeat: ferrum vero rubigine facile absumatur, sic in cœlestibus fieri verosimile est, quod scilicet nova phænomena eo citius rursus absumantur & evanescant, propterea quod haud in pari exaltatione, cum iis quæ primitus à Deo sunt creata, constant, formali potentia in novis languidore existente.

Porro quum lucis velut primarii instrumenti hujus formæ mentio hic incidat, non equidem absurdum esse iudico, internam illam quoque in novis phænomenis primogeniæ lucis, quam tantopere inter omnia creata scriptura primo extollit, sobolem esse. Nec enim credibile est, hanc totam Solis atque Astrorum creationi ita materię loco cessit, ut ipsius vestigia nullibi amplius reperiantur: quando nihil eorum quæ Deus fecerat, ante ultimam mundi consummationem abolicum iri, aut plane perituum, divina jugiter admiranda & potentissima rerum creaturarum sustentatio nobis insinuet. Equidem quod iudicium meum attinet, ejus sum sive sententię sive opinionis, quod licet lux primogenia illa post Solis creationem, qui in ipsius ministerium, divina ordinatione, succedit, minus nobis appareat; tamen per viam lacteam & insuper cuncta corpora mundana majora, occulta ejus vestigia relinqui, eaque corpora non secus, ac calorem internum seu innatum corpora nostra fovere, cui dum adventitia lux & calor c Sole & Astris se adsociat, animal hoc quod *μακρόζωον* dicitur, vigorem suum conservat. Nec enim de eo quod sensus satis deprehendit, multis disquirendum esse censeo, an scilicet in luce insit calor: sed non ille anthracæ fuerit, hoc est, in astris & novis phænomenis ita viget, ut in carbone ignis accensus. Hanc certe questionem, illud quod modo de luce primogenia attuli, sine dubio solvit, ita ut nec meri radii solares sint, quæ astra tam perpetua, quam nova, (ut quidam volunt) illuminant atque obsident, nec hac aut illa anthracea facultate, lucem & calorem in se possideant, ut neque ipsum Solem, licet copiosa materia, hoc divinum astrum sit compactum, quippe quæ adeo densum lumen effundit, ut reliqua luminosa astra obtrundat atque obscurat, dum unam cum

eo supra finitorem reperiantur. Denique inter alias causas, ob quas corpora magna mundana rotunda esse in Posterioribus Prognorism. Astronomiz probavimus, lux illa seu internus calor non minima esse videtur: talis enim calor id una efficit, cur etiam nova Phænomena intra sphericam figuram naturali quadam vi se contineant. Quum enim externum frigus, quod in expansu præcipue vigere, in Prognorism. ostendimus, calor ille internus, qui materiam seu corpus sideris obsidet, ob qualitatum contrarietatem refugiat, contingit, quod dum centro ille incumbendo, molemque quam occupat undiquaque æqualiter comprimendo & coarctando, ita contineat, ut superficies ejus ubique pari intervallo ab eodem distet centro; id quod Sphæræ definiendæ recte convenit. Cæterum id ex eo, adhuc magis confirmatur, quod hæc figura spherica, circa quodvis sideris decrementum, usque ad extremam ejus disparitionem servetur, interno scilicet calore illis, ut in aliis corporibus, quæ vivunt, sensum deficiente. Vnde Caput Comete reliquo deservio, crine scilicet seu cauda, compactius atque lucidius quoque appareat. Sed ut ad lucem primogeniam revertar, si illa erit ex qua lucida corpora cœlestia, juxta plerosque, a Deo condita sunt, longe fortasse minus absurdum erit, eandem per cuncta majora corpora mundana ignis interni loco, (quem cæteroquin Aristoteles, Elementum sublunare falso constituit) sparsam esse, quam hanc aut Empyreæ cœlo, cum Zulglianis & aliis quibusdam, aut cum fratribus Roseis, eam quæ creata est pro ipso Dei filio reputare. Atque huc usque de forma informante generali novorum phænomenon; sequitur specialis.

Hanc formam ideo specialem vocamus, quod inter novas stellas & Cometas discerniculum faciat, idque inter eos, tum formæ exterioris tum motus; inter Cometas vero ipsos formæ exterioris ratione.

Primo autem quod stellæ novæ forma illa externa ac motu, (vel potius quiete) a cometis differant, id loco in quo insunt adscribendum videtur: Quum enim cœlum supremum stellatum, ab inferiore, scilicet planetario, in eo potissimum differat, quod illic omnia sidera fixa aut uno & uniformi motu ab ortu in occasum ferantur; aut illis quiescentibus, globulis, in quo nos quiescere existimamus, motu contrario; hoc est ab occasu ortum versus, cum planetis nempe conformi, convertatur, id quod semper magis credideram, ob rationes, quas in Astrono-

Astronomiæ Danicæ reperies. Nec enim seorsum stellas fixas, ut Phisici, sic Astronomi, per æthera quamquam liquidissimum, moveri admittunt, ob causas quas quoque passim per Astronomiam reliqueram. Proinde, quando novæ stellæ in supremo illo cœlo reperiantur, quod liquidissime in phænomenis stellæ Anni 71 Tycho ostendit, & præterea in via lactea, quod reliquæ quoque novæ pleræque suis scribis arguunt, ideo novis quoque stellis convenit, non a illis quam primæ conversioni cum fixis obnoxii esse, & simul materiæ copiâ in supremo illo cœlo, ita dotatis, ut & majoræ claritatem, quam Cometæ, præ se ferant, & defluvio materiæ sensibili careant, quamvis & alia ratio superesse potest, cur materiæ talis exhalatione in minus quam in Cometis persentiscimus, præsertim dum hypothyposi Copernicæ assensus præbetur: Etenim si stellæ fixæ in tanta exaltatione a Sole atque tellure erunt, ut radii solares eo transmissi, a radiis intuitus nostri non differant octavæ scilicet spheræ, quam fixæ obfident, semidiametro ad orbis telluris semidiametrum, (quæ Ptolemæo & Tychoi Solis est) omnem sensibilem comparationem excludente. Sed prior ratio, quæ materiæ densitati id tribuit, ut Solares radii stellas novas, non ita sensibilibiter ut Cometæ transmittant, nobis potior est; quamvis certe ex illa quoque ratione, quæ demonstrationem adjunctam habet, Cometæ superioris planetariæ regionis, ab his qui inferiorem & lumnæ proximam obfident, nonnihil caudæ dispositione ad Solis ac nostri intuitus respectum varient, ut infra ostenderetur. De cometis porro hæc inquirenda sentio, primum num interna forma fuerit, a qua immediate moventur, an vero ab aliqua externa vi intra cœlestia Diastemata, varios illos motus efficiant? Deinde circa quoddam centrum, terramne an Solem circuitus sui portiones absolvant? Nam circularem eorum motum esse potius, cum aliis Astronomis, quam rectilineum cum Keplero, ob rationes superius datas, statuo. Tertio quidnam illud defluviū fuerit, quod loco caudæ, aut crinis, Cometæ de se ejaculari cernuntur? & cur illud ipsum in oppositis Solis partes perpetuo vergat? Denique unde Caudarum & crinium juxta Cometæ differentia oriatur? Hæc quatuor quæ loco huic præter ea, quæ expedita sunt, conveniunt de Cometis ulterius quærenda, quoniam ad rationis trutinam solum exiguntur, quatenus scilicet ortus atque generatio ho-

rum in natura rerum fundatur. Proinde nemini invidendum puto, qui circa hæc probabilius differuerit, sed potius rationes meliores omni applausu excipiendas.

Quod primum attinet, nos hic idem certe de natura motuum in Cometis existimamus contingere, quod cæteroquin in Prognorismatis, & alibi quoque, de motu Planetarum discursum reliquimus, nempe non plane interna vi Cometæ loco moveri, quandoquidem Aristoteles, vel animæ nostræ hanc vim inesse, ut seipsam moveat, multis rationibus lib. 1 de anima c. 3 contra Platonem negat. Si igitur anima se non moveat, quomodo sidus inanimatum plane absque externo aliquo impulsu movebitur. Etiam si non nego ita natura astra, ut & Cometæ, comparata esse, eaque forma dotata, ut motui locali per æthera sint aptissima. Recte igitur a primo motore, motus cometarum esse agnoscimus. Divina namque providentia ab initio factum esse autumo, ut Cœlum istud planetarium, quod supremo stellato substat, totum in motu sit, per species, hoc est Planetas & Cometæ secundum directoria, quæ ab ordinatione divina procedunt, distributo, ita ut singuli horum sub maximo circulo incedant, Planetæ quidem per tramitem Zodiacalem, cujus medium cursus Solis obtinet, ob finem qui in natura optimus est, ut scilicet Sol & cæteri Planetæ, motus sui vicissitudine in Septentrionem ac meridiem per eundem tramitem obliquum, rebus inferioribus vivificandis jugiter, ac fovendis, inserviant, veluti in Astrologia amplius dicitur. Cometæ autem ideo varios ductus motusque per æthera sortiuntur, ut etiam finem suum adimpleant, ob quem, veluti divini internuncii, diversis temporibus emittuntur, quemadmodum in causa efficiente id attigimus, & uberius in finali infra exposuimus. Hi vero quamquam ob ductum circuli maximi, quem suis motibus fene ad extremum usque constanter expriment, biduo aut triduo post primam eorum apparentiam indicent, in quam mundi plagam, & sub quibus potissimum asterismis postea, cursus suos tandem directuri sint: tamen id in ipso ortu ipsorum, vel antea, a nemine mortalium prædicti posse putabo, eo quod nullos (ut Planetæ) definitos circulos habeant, penes quos motus suos absolvunt.

Porro quum duo in orbe centra rectissime, ut videtur, Tychoniana hypothesi adstruat, circa quæ sidera se versant, juxta hanc enim luminaria, & totum systema stellarum fixarum, telluræ, reliqui vero quinq; solem ipsum,

pro medietatibus suis pene respiciunt, nos Cometas quidem terram verius, quam Solem pro centro habere, ut credamus, hæ rationes cogunt.

Prima quod Cometæ ductum circuli maximi in motu suo sequantur: qui quidem infusus illis iure denegari posset, modo ad aliquam hypodieticos constantiam ita Solem circumferant, ut diversitatem distantiarum à tellure parem, aut etiam maiorem admitterent, quam anniversariis motibus suis Planetæ circa Solem manifeste ostendunt. Orbitam enim Planetæ (quæ Eclipticam duobus in locis contrariis fecit, ut circulus maximis convenit:) angulum intersectionis ad inæqualitatem toties convertit atque mutat, quoties Planeta, a tellure distantiam; Siquidem maior angulus iste, sic in distantia a terra minore, & contra. Quæ causa est cur vel ipsius Planetæ via, a tramite circuli maximi, quandoque deficiat, veluti lib. 2. part. 2. Astron. nostræ de latitudinibus planetarum colligitur. At in cometæ motu id non animadvertitur, quin potius ejus per æthera in esse ductus, ut quæ circulus maximus secuerit, sive æquator, sive Ecliptica ille fuerit, anguli æqualitatem cum eodem perpetuo retineat.

Alteram autem ratio a fine & effectu Cometarum duci videtur, immediate enim, ut Sol & Luna Telluri, atque ejus incolis, nova phænomena procul dubio, destinantur, & circa hanc effecta sua prius exercent, quam istorum influentia in hæc inferiora ad earum decreta, quæ simul a planetis istis infunduntur, plenam suam dispositionem sortiantur. Quamvis non negaverim effecta Cometarum ad rationales aspectus planetarum cum his, & inter sese, imprimis autem Solis atque Lunæ, quibuscum idem centrum novæ stellæ & Cometæ occupat, plurimum intendi atque remitti, ut infra de effectibus novorum siderum dicetur.

His bene consideratis, eequidem quod Tycho pariter, & Maestlinus Cometam Anni 77 hypodieticos hujusmodi allegarunt, quarum Sol ut in Planetis centrum sit, magis ingeniosum & affectatum in illis vides, ut scilicet Cometis suas quoque hypotheses esse, quales planetis sunt, quodammodo ostenderent, quam veritati vellicarum; quemadmodum hanc opinionem Tycho quodammodo retractare videtur, lib. 2. Progymn. pag. 268, & seqq. Et certe nescio quomodo, ut Planetæ, sic quoque Cometæ Solis, velut directoris sui, obsequio subicerentur, qui minime ductum Zodiaci ut planetæ sequuntur, sed plerumque procul ab Ecliptica orientur ac transversum admodum per cælum, Zodiaci respectu, rapiuntur? Qui ideo nec ulla alia hypothesi nec videntur, quæ ea in

qua motus analogia magnitudini eorundem sensim, dum durant, deminutæ respondeat, velut utriusque magnitudinis & motus analogiæ in Cometis decrecentiæ supra meminimus, infra quoque etiam ab Exemplis declarandæ.

Tertia questio Crinis seu caudæ naturam in Cometis discernit. Hoc autem quicquid est defluvi, quia in oppositis Solis partes continuo vergat, Tycho non inconcinne olim, cum Petro Apiano & Gemma Frisio ratiocinatus est, id projectione radiorum solarium potius fieri atque formari, quam flammam esse quam Cometa instar lychni ardentis sursum de se emittit, seu ejaculatur. Quæ quidem Aristotelis ratio de natura Caudæ Cometæ fuerat. vide lib. Progymnas. Tych. pag. 714 & 651.

Cæterum & necessitas quæ ex optica ratione proficiscitur, illud addit, quod scilicet absque aliqua materia, dicti Solis radii per corpus Cometæ transmissi sic apparere nequeant; quemadmodum id superius de via lactea expulsum est, & à Cl. Joh. Kepplero solide satis in opticis demonstratum. Nec officit quod Tycho alias libr. 2. Prog. de norma caudæ Cometæ Anni 77 disputet, tanquam à Venere potius quam Sole in partes contrarias projectæ; id quod etiam demonstrationibus ex observationibus suis deductis ostendit. Etenim quamvis insigne Veneris jubar, quod tam splendidum atque illustre est, ut etiam noctu umbram de se projiciat, ad Caudæ istius Cometæ naturam atque inflectionem luminis illius aliquid fecerit; tamen tantum id non erat, quin Solem caudæ Cometæ istius effectorem atque directorem primario existitisse verosimiliter fuerit, Quod in aliis Cometis postmodum visis atque observatis Tycho affirmare, & præmissam de cauda Cometarum sententiam confirmare non dubitaverit, ut eandem passim per 1 Progymnas. sparsam invenies, quod longe post secundum, nempe nostro tempore in Huena elaboratum ac conscriptum est, ut ob id in eo, quod Proverbio dicitur, reperitur

Prophete de venice osphereat.


Nec nobis in sequentibus ratio defutura est, ostendendi, scilicet quid oportebat, caudam ejusdē Cometæ nonnihil respectu nostri sursum terendisse, ab ea linea recta, quam Tycho in hypothesi Cometæ demonstrat, idque ob maiorem ejus a tellure exaltationem. Ad crimen igitur, seu caudam Cometæ, efficiendum atque formandum, duo concurrunt, radii nempe Solares (forte etiam reliquorum astrorum, qui se solaribus immiscunt) & materia circa corpus Cometæ, seu ex qua illa constat. Inquam dum potenter, imo quasi violenter radii isti solares agunt, & eam superficie tenuis lambunt

lambunt atque atterunt, contingit quod particulae illius leviores, maximeque lequaces a radiis istis rapiantur, & in quantum fieri potest spacium extra reliquum Cometæ corpus in partes Solis contrarias continuam projiciantur; ita tamen ut caput Cometæ, unde ortum ducunt, prorsus non desinant, aut in aethere evanescent, nisi sensim a radiis solaribus attritæ atque absumentur. Atque hæc causa esse videtur, cur Cometæ paulatim decreascent, nec in ea magnitudine in qua oriri incipiunt extinguantur, sed sensim centralis ille vigor, cujus mentionem supra fecimus, una cum materia tandem exhauriatur & evacuetur. Etenim languet quasi sub extremum lux interna in cunctis novis phænomenis, tum quoque in Cometis caudæ vestigia, ac motus vi sentiuntur, ut materia nunc in his rarior minusque compacta & strumina, motui minus idonea reperitur. Vigor quoque formalis, ut dixi, sensim effluit: Verum si quis contra nos argumentum ex hoc sumferat, urgendo, quod Cometa interna vi se moveat, absque omni externo impulsu, quod sic vis interna causa motus efficiatur, sciat id non satis ad talem opinionem convincendum sufficere: Magnam siquidem occasionem motui intensiori atque remissiori corpus, quod etiam ab externa causa movetur, præbet, vel sensim deficiens, vel iter longius violenter ac præter naturam mensurans, ut in pyrobolis, qui externo impulsu plurimum moventur, & interrim sensum deficiunt, animadvertere licet, item in sagittis quoque ac tormentorum sphaerulis, quas vis externa motiva paulatim deserit. Neque nos hujusmodi externum impulsu a motore Cometæ effundi imaginamur, qui eum tantum loco trudit, & non potius totam molem occupat, viresque ejus internas simul in motum projectat. Quod autem ad materiam Cometæ evellendam, & foras diducendam prius affirmatum est, ulterius confirmabitur: Si quis enim candulam vel facem Soli dilucide splendenti opposuerit, animadvertet subtilem quandam fumum se fomitem, quem radii Solis in aversum hujus partem propellunt. Aut si similitudo hæc non satis quadrat, quandoquidem Cometa non ignem incensum esse, sed potius universam materiam Cometicam ita illuminatam, ut tota molis ignea quasi appareat, velut prius affirmatum est: Consideret quis quo pacto iidem radii solares circa lapidem, quem CrySTALLINUM vulgus vocat, dum iisdem apponitur, collecti, vestigium luminosum per aërem in partem à Sole averfam relinquunt, tanto etiam calore, ut vel pulvis pyrius in mediocri inde spatio incendi possit; unde ob luminis præsentiam, defluvium istud calidum quodammodo esse oportet, quod etiam Co-

metarum effecta ostendunt, de quibus infra differetur.

Restat heic quantum seu ultimum Quæsitum de Causa, vel ratione, unde scilicet illa defluvia differentia, quæ circa Cometæ conspiciuntur, ortum ducit. Quum enim censuræ Senecæ de Cometis, quam supra quoque recitavi, & ita habet, *Sive sint aliquæ differentia Cometarum, sive non sint, eadem sunt ratione necesse est, admodum fuerit plausibilis. Ideo non frustra hic querimus, quæ tandem causa erit, cur Cometæ vel diversis temporibus conspecti, vel iidem in alias formas aliquando transeunt, in multiplici illa differentia, defluviis potissimum respectu appareant.* quam Cap. 1. ex Plinio recensueram. Nam quæ Capita ipsa, seu ipsa corpora rotunda concernunt, illa tam à causa efficiuntibus, nempe Planetis, quæ maximam vim generationi Cometarum diversis temporibus conferunt, quam materie densitate ac raritate quodammodo cognosci poterunt. Hinc siquidem & consuetudine & coloris differentia in Cometis recte desumitur. Verum ad ejus rei dignotionem, quam in præsentia querimus, dispositio Cometæ cum Sole & Terra potissimum requiritur, quanquam etiam qualitas formæ interioris, item materia, ut & finis quoque huic considerationi se immisceant. Ceterum nobis de hac questione agentibus Plinianæ duodecim Cometarum species ad eam paucitatem restringuntur, quam supra Cap. 8. nostro seculo conspectam fuisse indicavimus, quod scilicet Cometarum defluvia aut in Caudæ, ut frequentissime, aut crinis, ut Cometæ anni 1585, aut demum barbæ, seu potius scoparum vestiariarum formam vel figuram desinant, qualem Keplerus anno 1618 in Septentrione se observasse scribit. Talis namque diffusio observatione, & simul dispositione Cometæ cum Sole hæc species quodammodo sensu oculari dijudicatur, & ab invicem discernuntur. Quod enim caudatus Cometa visitur, id lateralis dispositio ejusdem cum Sole ac terra plurimum efficit, maxime dum intra quadrantem Cometa cum Sole versetur, nec nimium eidem fuerit vicinus. Crinitus vero, Barbatus, vel si maxime Cauda magis detruccatus, ac defluviis vestigiis undiq; circumfusus, aut oppositum magis Solem requirunt, ut bini illi quo modo commemorabam, aut sublimem supra Solem exaltationem. Nam & locus Cometæ a terra non nihil speciem ejus variat, quæ enim ab hac exaltatior fuerit, eo magis defluvium sursum a conspectu nostro abducit, ut ille magnus anni 77 cujus supra meminimus. Præterquam quod nimia distantia Cometæ a terra caudæ magnitudinem multum ex sententia Tychonis deminuat, nisi materia copiosior existeret, ut in eodem Co-

meta, & illis, quos postea vidimus, nempe año 1607 & 1618. Sed hæc varietates sic ostenduntur.



Sit in adjecto Schemate A terra, centrum scilicet tam Solis quam Cometarum, ut supra ostensum est: a quo cætro deferibantur tres circuli. Sitq; A B semidiameter orbis Solis: A D vero semidiameter circuli cuiusdam infra Solē, sed A H alterius supra eundē, quos posteriores Cometæ in varia dispositione ad solē occupant. Divisis namq; super centro A semicirculis hisce in partes seu angulos quatuor æquales, ac Sole in B locato, si per utrumque circulum horumque quadrantes & semiquadrantes citro utroque ad aspectum Solis Cometæ collocentur, & eorum caudæ æqualiter ac præcise in aversam Solis partem producentur. De tellure autem A aliz rectæ linæ extendantur, tam ad Capita Cometarum, quam caudas æqualiter protensas: Variatio certe circa desluviuorum seu caudarum projectionem, quæ in adspectum nostrum cadit, ex sola figuræ huius inspectione patet: Quando enim omnes Cometas caudatos esse generaliter concluderimus, ex angulis visionis, qui caudas æquales mensurant, differentia se produnt, eorum scilicet Cometarum, qui ad eandem vel diversas circuloꝝ sectiones, seu adspectum cum Sole infra supraq; hunc locantur: Caudæ enim in iis qui supra sunt, avertæ seu sursum magis erectæ, per adspectum nostrum deprehenduntur: donec plane in oppositum solis utrinque perventum fuerit, ubi capitis Cometæ objectu, quavis caudæ prolongatio plane absconditur & occultatur, tamen circa ejusdem corpus, radii solares in comæ seu crinis modum resiliunt, atque sparguntur circa materiam illam superficialem occupati, quam sensim atteri, atq; abradi superius dictum est, nec non ut luminis in glabrum ac politum corporale objectu insipientis natura est, dū ad punc-

tum centrale ante radiorum dispersionē recolligitur. Quum autem causa directionis caudarum Cometicarum à radiis solaribus promaneat, ut præter proprias observationes etiam Cardanum, Appianum, Gemmam & Cornellum Frisum, Braheum nostrum, aliosq; per plures hujus rei testes habeamus, porro eā in hisce hypothesin retineamus, quam superius stabilivimus, tellurē quippe pro centro circularium motionum Cometarum habentem, aliter fieri nequit, quam ut visus noster à terra se ad Cometam extollens caudæ longitudinē eo angulo meriatur, cujus binorū laterum, eorum scilicet, quæ eundem visionis angulum includunt, alterum à terra in Caput Cometæ, alterū in extremitatem caudæ se extendat, tertium denique sit ipsa vera longitudo caudæ à Sole projectæ. Exempli gratia: constituitur Cometā (ut plurimū) infra Solem, atq; in ejus adpectu sextili nempe C, cujus caudæ vera longitudo sit C O, erit igitur visū ejusdem, quam mensurat angulus C A O. Idem autē contingit, Cometā in G supra solē ac pariter in huius sextili locato, quum enim vera longitudo huius caudæ sit G L, visū per angulum G A L deprehenditur, qui quidē angulus ab angulo C A B quantum superat, & (cæteris paribus) tantum caudam Cometę in G a cauda Cometę in C longitudine superari necesse est, dum hæc sursum magis tendat, ut Cometę anni 1577, quem in sextili Solis prope versantem, ita caudam terræ respectu, sursum porrexisse Tycho deprehendit, quasi à Venere projecta fuisse videretur, quū hæc in matutina digressionē ac paululum infra Solē tunc in suo orbe esset constituta. At modo Cometam supra solē Tycho in vera sua hypothesi locasset, velut quoq; observatæ ejus parallaxes effugiant, quæ revera vix tria minuta in horizonte excederūt, modo observationes rite examinatz fuerint, eandem certe, quam scribit, caudæ directionē ab ipso sole deprehendisset. Plurimum enim hic intererat, eūrumne Cometæ terrā an solē cõstitueris, si vero solē, ut Tycho existimavit, cur igitur Cometā in infimo orbis sui situ eundē sub circulo maximo tramitē tenuit, quem elevator in eodem factus, quandoquidē planetæ similes circa solem gyros ducentes, hunc magnopere per latitudinum accessum & abscissum valent, adeo ut sub circulo in sphaera maximo minime ob eandē causam incedere queant. Cometis itaque terra pro centro sit, & Sol caudarum director, eo modo quo in cæteris quoque usu venit, quorum typos & caudarū figuras, figura præsens satis exprimit. Hinc etiā apparet, quod Cometę in visibili conjunctione cū sole ac terra videri nequeant, siue infra siue supra solem fiterint, quod si, ut & reliqua sidera, sub radiis Solis abscondantur.

Quo vero ad oppositum Solis Cometæ magis vergunt, eo breviores horum caudæ redduntur, ut Cometis in E & I, juxta trigonum Solis contingit, ubi in hoc I N caudam visam perexillis angulus I A N metitur: in illo autem qui infra solem est, caudæ mensura est angulus E A Q, qui quidem quanto superiore angulo I A N laxior deprehenditur, tanto in eo cauda productior. Denique caudæ Cometarum, qui plane in opposito solis apparent, post capita ipsorum absconfe jacent, & solum id, quod circa molem ipsam Cometicam radii solis deducunt, & in quod se reflectunt, apparet, unde crinitus Cometa exsurgit, ut barbatus quom non longe ab opposito solis distet: Hujusmodi namque ex hac hypothefi caudam brevem ac densam ad latus & infra se deflectit. Apparet præterea in hac figura, id quod superius innuebam, nullam scilicet caudam in illis Cometis vel novis phenomenon deprehendi posse, quorum orbis semidiameter, ut A H omnem proportionem semidiametri orbis solis, nempe A B, pro sui magnitudine exhaurit. Quum enim angulus A H B ita plane evanescat, ut B H & A H pro una linea recta, quoad visum habeantur, non aliter directe sursum cauda tendit, ac si in solis oppositu phenomenon esset constitutum. Proinde etiam tali hypothefi stelle novæ, maxime secundum Copernicum applicari possent, si non hoc obstat, quod scilicet nullum desluyi vestigium, usquam circum se novæ stelle ostentent, sed clara admodum & prælustria lumina sua instar reliquarum fixarum, per totam sui molem æqualiter distribuunt: Ideo ut moribus, sic quoque caudis, seu omni visibili desluyio has destitui rectius forte opinemur. Cæterum circa talem hypothefin, qua differentia Cometarum quodammodo ostenduntur, quoniam causæ superius judicatæ se recolligunt, adeo ut Cometæ ab invicem per omnia causarum genera secundum magis & minus plerumque differant, & quo altiores sunt, plus visum in se contineant; Quin & hi insuper (quod Tycho existimabat) veriorum desluyi partem, visui nostro ob nimiam illorum a telluræ distantiam subtrahât. Proinde, quum hinc veræ caudæ productio, in diversis Cometis multum variare queat, adeo, ut non eadem vera longitudo caudæ in plerisque, fuerit. Igitur ex sola caudæ formali prominentia de altitudine & magnitudine Cometæ difficile erit judicium, ut ob id rectius dehinc ab observationibus exquisitis, earumque ab invicem comparatione, & subtili hinc parallaxium enucleatione censura feratur.

Postremo in hoc capite ad eorum opinionem qui Cometæ angelos bonos aut malos esse dicunt, hæc formas portentosas adsumentes, ut scilicet desluyia illa circa Cometæ, quorum mentionem fecimus, in varios pœnarum significatus extendant, unde crinis ac barba figura vir-

gam, caudæ vero effigie ensei aut hastam repræsentari volunt, quæ quasi instrumenta pœnarum, & afflictionum, bellorum, & aliorum malorum, quæ præ foribus sunt, per metonymiam causæ cœlii ostenduntur, ita respondendum arbitror, quod non necesse sit ea, quæ rebus naturalibus (in quorum numero Cometæ esse superius ostendimus) ad aliquid singulare denotandum, a Deo insigiari solent, a superis & plane latentibus causis illico deducere. Exemplum in iride cœlesti habemus, quæ licet res naturalis sit, videlicet Emphasis in aère & radiis solaribus in roridam nubem reflexis: tamen parum illud, quod Deus post Diluvium cum hominibus fecit, nempe mundum hunc haud amplius aqua interiturum, iris circulo suo cereale in nubibus apparente admodum significanter exprimit. Sed & altero nubeo circulo, qui juxta conspicietur, id absque dubio significari videtur, quod alias Divus Petrus Apostolus vaticinatur, nempe mundum aliquando igne conflagraturum. Interim autem distendum non est, valde cœcossina ea esse, quæ Cometæ significant, iis scilicet potissimum, quæ abhi in scriptura, tum maxime Apocalypsi Iohannis in visionibus per angelorum ministeria eventura pronunciantur. Si non plane eadem fuerint. De quorum comparatione nonnulla infra dicturi sumus, quando effecta Cometarum, imprimis vero ultimi in specie, pro nostro intellectu ac iudicio recensuerimus. Nunc autem quæ inter causas restant finis interpretatione complebimus,

C A P. VII.

De causa finali novorum phenomenon ac ipsorum descriptione.

SI Deus & natura, secundum axioma philosophi, nihil frustra faciant, certe finis aliquis, & quidem satis ponderosus erit, ob quem tam novæ stellæ quam Cometæ diversis temporibus cœlo conspiciuntur. Qui quidem modo Thomam Erastum & alios Astrorum eorumque effectuum graves contemtores pro sua dignitate movisset, certe nec reliquis Astris exiguum admodum, nec nullam Cometis seu novis in univ. phænomenis vim tribuissent. De Sole Luna & stellis mundo cœvis scriptura breviter, sed nervosissime ac verissime, ut omnia, desinit, ea scilicet omnipotentem Deum creasse, ut inter alia officia quæ singulis assignantur, in signa essent, tellurem illustrarent, & quod sensu percipimus, sua luce foverent, quando & hæc Astrorum *in præstia* fuerit, ob quam etiam, ut cætera valde bona a Creatore sunt pronuntiata. Cæterum *vox signorum*, qua scriptura utitur, non proliis in eo significatu accipienda est, quo Sol diei, Luna autem cum stellis nocti

i. Pa. 7.

Gen. 1. 14. G.

f. 79.

nocti præfutura ibidem enunciat, quæquidam hæc particula, quæ officia sua seu ministeria Astris imponunt, satis ab invicem in textu distinguuntur; sed potius hujusmodi signa Astra quæque esse, quæ voluntatem Dei, quandoque destinatis temporibus indicabunt, & ante omnia gloriam ipsius propter quam velut summum finem cuncta creata sunt, inter homines enarrant, & sapientiam ejus jugiter prædicarent. Nam omnia in hominum gratiam & emolumentum a Deo facta esse: hominem vero propter Deum, ut sola hæc nobilissima in terris creatura præ cæteris creatorem suum inde agnosceret ac recte coleret, Christiani physici recte considerant, quando ab hac opinione scriptura minime abluat. Ideo ut & hominum utilitati optimus creator & *δυνατός* optime consuleret, & singulos homines, etiam Ethnicos de omnipotentia & voluntate sua clarius & manifestius, quam per obscura illa terrestria, informaret, hæc splendidissima signa, Astra nimirum in cælesti Theatro ponere oculisque mortalium opponere sapientissimum Deo placuit, id quod Ovidius scite hinc verbulis notavit

Cunctasque quum spectant animalia cætera terram:
O homini sublimi dedit, cælumque tuum
Iussit, & cælos ad sidera tollere vultus

Ex hisce modo allatis quivis intelligit finem creationis Astrorum etiam novorum, in universum duplicem esse: naturalem & supernaturalem. Naturalem, ut res terrestres, quippe Elementatas ac caducas luminis conversione atque influentia Astra Mundo coæva foveant ac moderentur, semina in his exsistent, & individuum generationi plurimum conducant, ut species in natura ad sæculi usque consummationem conserventur, ac perdurent. Et quoniam communis materia, unde tam Astra, quam hæc inferiora constant, plurimum illa his astringit, maxime vero, quod seminale conditionem ac materiam coningit, quam Aristoteles ideo non inepte cælo stellato comparari ait, idcirco nemini mirum esse debet, cur Astra non modo evidenter satis, ut Sol & Luna, in hæc inferiora agant; sed etiam occulta quædam ratione, ut hæc eadem luminaria, item reliqui Planetæ atque stelle fixæ: Idque maxime ac diversissime juxta adspæctus suos, & angulos diversos intuerentur, velut in Astrologia docetur. Cæterum hæc de sine naturali Astrorum quæ mundo coæva sunt, si solum intelligantur: Quid igitur de novis phenomenis, stellis scilicet novis ac Cometis hec dicendum? certe aliud nihil, quam neque hæc suo sine in natura prorsus carere, quandoquidem supernaturalia plane non fuerint. Primo namque quæ ad generationem ipsarum peculiares adspæctus Planetarum concurrant, ut supra dictum est, non ideo dubium

esse potest, quin nova illa phenomena simul propter ad reliqua sidera adspæctibus ita in hæc inferiora operentur, ut una se influentia illorum immisceant, imprimis autem Solis acque Lunæ, quibus homocentrica sunt, unde fit ut effecta Cometarum, quibus temporibus eveniant, potissimum per cursum Lunæ metiarum. Novarum autem stellarum, quarum effecta & durabiliora sunt, & *ἐπιτείνε* longius in futurum remotæ, etiam se ad conjunctiones superiorum ita accommodant, ut vel per Zodiacalem directionem tempora illorum ingruentia dignoscantur, velut hæc infra rectius commodius proprio Ectherum loco, & postea per exempla futilius & specialius declarabuntur.

Cæterum quum novorum phenomenon, imprimis autem Cometarum vel effecta, vel saltem cum aliis signa hinc significata mala & portentosa vulgo habeantur, adeo quidem, ut crebro de hisce verum esse comperiamus, quod Claudianus velut vates cecinit:

Et nunquam cælo spectatum impune Cometa.

Contra vero recta natura ad optimum finem a Deo facta esse videtur, quando cuncta in ea creata ab ipso Opt. creatore valde bona videntur. Proinde haud immerito queri potest, quomodo mala & funesta illa effecta, quæ plurimum a Cometis emanant, vel intaxat ad horum apparitionem Orbi supereminet, locum in natura habeant? Ad id scriptura & philosophorum auctoritate, denique exemplis nonnullis breviter sic respondeo: Natura post inductam super ipsam, e priorum hominum prævaricatione, maledictionem, nunquam a malo fuit immunis; sed illud sibi a Deo connexum semper habuit, ut priusquam malum vel deterius ab ipsa natura, aut eo, quod melius in natura est sustuleris, ipsam naturam, imo ipsam providentiam (ut Plotinus loquitur) tollas necesse sit. Interim tamen omnipotens Deus admirabilis hac providentia sua, quæ omnia in natura gubernat, ita cuncta in ea mala moderatur, ac in tempore disponit ut ad bonum, imo optimum finem ferantur, quemadmodum inter alios Boethius scite ac nervose admodum disputat. Quum enim Diaboli natura sit, ex bono semper malum ut reddat, conari, divine certe sive naturæ sive omnipotentis hoc artificium unice tribuendum est, ut per ipsam malum in bonum finem dirigatur, & transeat. Porro parum aut nihil naturæ cursum, prout nunc est, earemorari, quæ deteriora nobis in ipsa videntur, exempla ostendunt experientie conjuncta. Annona caritas, cujus quoque Cometen prænuncium esse experimur, id ne efficit ut dum terra feriat, nec fructum quotannis copiosum producat, iterum præparetur, & sequentibus annis habilius magis ad fructus suos edendos

Plat. 19.

Com. sup.
1. & 2.
Phil. 1
C. 10.C. 10. in
Metam.Astr.
lib. 1. c. 1.
de generat.
animal.Cap. 7.
dos fu
Come
tur: I
desere
redundAt
lumen
canqu
muni c
insone
poxia
inspec
vel
divo Ch
la, neq
cum qu
carceru
pui app
fallunt
rum Hor
Si 100
unper
Sed lo
questio
ret satis
provid
Philosop
perpures
Anqu

dos fiat? Idem de tempestatibus dicendum, quæ hominibus morborum & bellorum vel etiam Cometarum apparitionem plurimum sequuntur; Dum enim aerem & aquas hæc exagitant, quoque Cometæ prænuncii esse solent. Bello-
defœccatio illa longe, quam antea fuerunt, rum inter cætera Palingenius festi- his veribus reddunt.

Paling. in
Capit. 7.
v. 11.

Nec alia ratio in iis interdum est, quæ
Sed quamquam bellum turpe, exiiale, nefandum est:
Non tamen inutilitatis habet nihil, omnia vafri,
Fallacesque homines, usure & fraudibus apii,
Agglomerans, cumulantque sibi, quo tempore pax est.
At quam bella fremunt, miles male parsa rapit vi,
Tunc meritis vulpes, ulciscuntur ira luporum:
Præmia tunc fortes astutis digna rependunt,
Parque pari referunt, variis sic omnia tempus.
Præterea Reges mille artibus atque rapinis
Quum pax est spoliant populos, atque undique numos
Corradunt, unde omne aurum argentumque voraret
Fiscus, ni bellum erueret, quod pace latebat,
Distribuit multis, quantum congesserat unus.
Postremo est hominum turba haud mediocri, habet que
Nec rem, nec doctrinam, artemve fugatque laborem;
Dedita nequitia, prona in scelus, impu & audax.
Tales ergo homines imo umbras, tempore certo
Mittit in arma Deus crudeli morte necandos:
Sic genus humanum purgat, multosque per annos
Qui remanent, vivunt bilates, hac peste remota;
Donec succrescunt verum mala gramina, rursus
Evellenda acris bello, gladioque secanda;
Tunc verum immunda dispumat Iupiter ollas.
Tunc iterum immisissis furis purgamina vertit.

At dicis, innocentes quoque poenas sæpe
Immeritas luunt, quando cladis Reip. ingruat,
eamque peste, bello, inundatione aut alia com-
muni calamitate sternat; vel etiam quando
insontes perverſa & erronea iudicium sententia
poenis adjudicentur, imo quando varias &
inexpectatas adversitates & pressuras experian-
tur, velut e solo Deo immissas; sed ego cum
divo Chryſostomo respondeo, hæc non esse ma-
la, neque quemquam nisi a seipſo lædi: & cer-
tum quidem est bonis ac iustis mala quæ culpa
carnerunt, nunquam obſiſſe: Sunt enim ista non
nisi apparenter mala; & solis sensibus, qui hæc
falluntur adversa; contra quæ iustum in Repub. vi-
rium Horatius mæſcule animat, scilicet quod hunc

Si totum illabatur orbu
impavidum ferient ruina.

Sed longius hæc opinione digressus sum, ut
questionis propoſitæ ſolutioni quodammodo ſie-
rer ſatis. Alias de hæc divina œconomia &
providentia in natura, tam ſacri codices, quam
Philosophi, Plato, Plotinus, Boethius & alii
perplures luculenter reſtantur, ac diſſerunt.

Atqui ſic apparet vel ex novorum phæno-

menon effectibus (quæ ex parte novimus, & na-
turæ hæc accommodavimus, uberius in ſe-
quentibus exponenda) quod intentio noſtra
habet, ea ſcilicet ſinem aliquem in natura reſ-
picere, quem quoque multiplicem eſſe nihil
impedit, quid ſi enim præter ea effecta, quæ
cognitione in his cum cæteris Altris habere ad-
monui, etiam Elemento cœleſti deſecando, & ab
impuritatibus, quibus ſimiles ſubſtantiæ regio ſæpe
admixta habet, liberandis, nova phænomena,
& imprimis Cometæ deſcendunt? Nā ut aeris ſum-
ma ac media regio *Φλογώρις* ſeu inflammatione
ſtellæ cadentis, capræ ſaltantis, fulminis, quod ro-
nitrua comitantur, & aliorum huiusmodi ignito-
rum Meteororum crebro purgari ſolet, ſic verosi-
mile eſt eorum quoque ſuo modo per nova phæ-
nomena purgari, quæ dum a radiis ſolaribus, quali
incenſa atteruntur, ſuperfluentem materiam in quā
impingunt, ac curſu ſuo attingunt, una involvunt,
& iſdem radiis ſolaribus abſumendam expo-
nunt, unde ſorte caudarum inæqualitates diverſis
diebus in iſdem Cometis cauſam ſuam trahit,
quum circumſuſa materia Cometica adventitia
illa paſſim ſub cœlo ſubſecta, fuerit adaucta,

quod in flamma lychni quisvis experiri potest, si eidem materiam utilisillem superne admoverit, interim autem talis materia in coelesti æquore innatans, inter alia tanta tenuitate & subtilitate prædicta est, ut per sese nullam sui illustrationem a sole ac sideribus admittat. Atqui hæc causa esse potest, cur dum aerea regio crebra fere ignitorum meteororum incensione defecatur; ætherea singulis quasi denis annis ab inquinamentis suis Cometaurum exortu & suffusione liberatur, idque suo peculiari modo, prout cælum a sublunari regione differat. Sed de fine novorum phaenomenon in natura satis: restat supernaturalis, de quo ultimo loco dicturus, ejus quod ab initio prolatum est, meminisse nos oportet, nova scilicet phaenomena, quamvis intra naturæ claustra quodammodo reperiantur, tamen quoties generantur atque apparent, ad supernaturalia possimum significanda divino prævisu destinata esse, imprimis autem ea, quæ maxime pœne in natura esse videntur. Etenim si ex Sole & Luna, quæ cum reliquis astris, mundo coarvis, naturæ Elementaliter jugiter inserviant, etiam de rebus supernaturalibus signa captentur, quoties a destinatis suis ministeriis apparenter deficientes in deliqua incurrant, quæ quidem luminaria cursibus suis plane naturalibus admittunt, orbique inducunt, adeo ut quis hæc cernens mortalitatem suæ facile ignoret, ut fere cum Plinio loquar. Et certe ab Eclipsibus naturalibus luminarium signa omni tempore exstiterunt, de mundo aliquando, contra Aristotelis opinionem, interituro, præter alia, quæ portentosas istas obscuraciones plerumque sequi solent, ut bella, pestis, fames, morbi, tempestates & alia similia mala, item obitus principum in Republica. Quid igitur mirandum est, quoties divina providentia, præter creata ab initio Astra, quæ naturam inferiorem continuo luce sua ac motu fovent, etiam nova ac insolita generari velit, in eum proculdubio finem, ut inter alia, de rerum publicæ eversionibus, imprimis ob securitatem detestandam, quia omni quidem tempore, sed potissimum sub mundi effusio hoc postremum seculum, maxima pars generis humani sepulta jacet, liquido testentur, & mortales ad poenitentiam (quantum vel se fieri potest) ante mala quæ pronunciant, elementem invicent, sunt enim hæc nova phaenomena ac imprimis Comete, prophetæ, non minus quam Jonas olim apud Ninivitas, muri, sed satis ut Psalmus habet vocales, quod quoque Hierosolymitanis ante ultimam urbis suæ fatalem eversionem sero & infeliciter nimium fenserunt, quippe quibus Cometam instar stricti ensis integro anno in coelesti theatro immicuisse, & templo eorum emiquisse, Iosephus scribit. Ut alias Cometarum effusiones taceam, quas Historiæ passim habent, qualesque fatales calamitates plerum-

que sequuntur sunt, quemadmodum ultimus a nobis vilius hodierno die testatur.

Quum igitur Deus ac natura frustra nihil faciant, ut ante dictum est; natura autem sepe monstra præter intentionem suam, nunquam tamen absque divina voluntate producit, ne scilicet hæc etiam de humana nequitia, sordida, aliisque enormibus vitiis, poenitiquæ merito subsequuturis luculenter ac velut καὶ ὑποτύπειν testentur, sive in aere, sive aquis, sive terra, inter animalia aut homines (ut nunc passim) oriuntur. quid igitur de vastis illis, pellucidis, & stupendæ magnitudinis corporibus, quæ Deus de novo generari vult, cœlo affigi, mētibz velut rationalibus cleris, & tandem cum reliquis astris fatalibus quasi aspectibus configurari, aliud judicandum erit, quam ut hæc veri vates seu concionatores & velut testes coram hominibus esse debent, tam de immensa Dei φιλανθρωπία & erga resipiscentes misericordia, quam de iustissima ejus ira adversus impertinentes, cuius incenso ardore hi non solum in hoc seculo iuste puniuntur, atque ut nova phaenomena e cœlo, sic hi & facie terræ tandem absumentur; sed etiam poena infernali suo tempore afficiuntur? ut taceam, quod nova phaenomena ac cum primis Comete, Mundi interitui signa non minora sint, quam Eclipses luminarium, modo sua dispositione ac visibilibz quasi incendio hisce illustriora non fuerint. Ceterum quoniam plura mens pla, & signorum divinatorum minime contempnere secum meditari ac conjectare solet; de his quoque sparsim etiam supra dictum est, & infra fusius, specialiusque magis in exemplis dicetur: proinde vela circa hæc novorum phaenomenon finales indicationes hec contrahimus, ac tandem, quod restat, e caudis pervestigatis ac præmissis, horum descriptiones ac velut definitiones primo in genere, deinde in specie extruemus. Igitur novum phaenomenon in genere (sub quibus & stellæ novas & Cometas pariter hæcenus complexi sumus) Est sidus de novo in cœlo, quippe & materia coelesti de via lactea & astrorum concursu, aut horum aspectibus aliis, generatum, quod licet splendore suo ac motu regulari circa centrum telluris, Mundo coarvis sidera quodammodo æmulatur, tamen quia formæ interioris excellentia longe his inferior ac vilius est, ideo illis quoque minus durabile reperitur; unde fir, ut paulatim ad ultimam dispositionem decreseat. Interim singulari divina providentia & φιλανθρωπία ad eum finem ordinatum est, ut pro forma sua exteriore sui, motu atque aspectu cum cæteris astris, & terræ respectu omnino, homines plerumque de ingentibus calamitatibus publicis ac iudis poenis, ob delicta sua varia, in poenitentia expectationem serio admoneat, nec non signum consummationis seculi quod

quod nunc sine dubio brevi instat, sua crebriore effusione, & disparitione quodammodo exhibet.

Ex præmissis autem intelligitur novum phenomenon in duplici esse differentia, adeo ut tam de nova stella, quam Cometa prædicetur, quæ duo præcipue forma, loco, ac motu, ut etiam speciali significatu, ejusque, ut & temporis, eventuum duratione inter se differant. Etenim stella nova Astrum seu phenomenon novum est, in summo cælo inter fixas stellas & semper fere in via lactea, unde materiam trahit, locatum; quod magno plerumque candido ac splendide jubare ab initio se exhibet, adeo ut hoc ipso interdum stellam Iovis aut etiam Veneris adæquet; Motui quoque non alii, quam fixa sidera, hoc est primæ conversioni obnoxium. Præterea tempus durationis plerumque ultra integrum annum, antequam paulatim decrecendo, prorsus dispareret, continuat, & significationem durationem in temporis longiora protendit, quæ licet ab initio melioris ac illustrioris omnis esse solent; tamen plerumque eas insigni calamitate desinit, ut etiam de fixis aliis stellis Genechliaci fatentur.

Cometa vero novum quoque cæleste phenomenon non est, quippe & communi cælesti materia, quam lacteam esse existimamus, ac insuper ad spectibus Planetarum in cælo demissiore, seu Planetario genitum, vario colore lucens, variaque ac terribili forma sæpe conspicuum, quippe, cui plerumque desuvium aliquod annexum esse conspicitur, quod radii solis in aversem sui partem seu mundi plagam, perpetuo agunt, quodque plurimum figuram, vel caudæ, vel crinium, vel barbæ seu scoparum refert, Et quamvis in varias mundi plagas Cometa præter motum primum tendat; tamen cursum suum sub circulo cæli maximo constanter usque sub extremum exercet: ea etiam proportionis norma, ut scilicet cum motu indies ab initio plerumque remissiore facto, corpus Cometicum simul decreseat. Tandem diras calamitates pro qualitate apparentis formæ, sideribus & ad spectibus Planetarum, quibus applicat, orbis terrarum, vel certis ejus tractibus denunciatur.

Atqui hucusque de causis novorum phenomenon, eorumque ex iisdem descriptionibus, prout e ratione ac criteriis imbecillioris nostræ cognitionis indagari hactenus poterant: Sequitur de illorum effectibus.

C A P. VIII.

De novorum Phenomenon cælestium ac imprimis Cometarum effectibus dyndicandis.

Sub hujus capituli initium ante omnia monendum est, prædictiones de hujusmodi effectibus, prætoria decreta minime esse, quandoquidem

Astrorum effecta in genere pro subjeclorum recipientium varia natura & conditione, infinite quoque variant. Præter alias causas seu remoras, quæ in Astrologia docentur, unde licet sidera naturaliter agunt, non tamen ipsorum effecta in hisce sublimitatibus, uniformiter sentiuntur, quod horum nature & conditiones uniformes non fuerint, sed infinitis quasi modis differentes. Addo, quod quæ causas liberae ac voluntarias includunt ut sunt mentes humanæ ab astris quidæ inclinari, ac minime cogi possint, quia anima hominis, imprimis autem Deum & virtutes jugiter colentis & actiones suas ad divina statuta, rectæque rationis normam exigentis, astris & superior & præstantior est: unde de Socrate narratur, consistente olim, eandem suam naturam fuisse, quæ ab Astrologo quodam coram explicabatur, nempe pravam & distortam, verum se eam ad Philosophiæ instituta ac præscripta emendasse, sic igitur Socrates, quod de sapiente dicitur, Astris egregie dominatus est: dum naturam cæterorum in distortam acroamatis philosophiæ placidissimam reddidit, adeo ut teste uxore Zantippe vulum nunquam mutaret. His præmissis, quum superius assertum fuerit nova illa phenomena quoties præmissu Dei in cælo fulgent, procul dubio res novas, seu novas in Repub. Mundana mutationes, easque universaliore quam quas nra sublimitaria Ostensa, subindicare: quocirca quantum pro imbecillitate ingenii mihi probe cognita, de ipsorum effectibus sui significatis ratiocinari possum, ordine in sequentibus referam, ubi primum causas horum in natura, quæ mihi maxime videntur ostendere, cur scilicet nova illa cæli phenomena, ac imprimis Comete, quædam diversa, & supra reliqua eventura quoties effulgent significent. Ad has autem causas reddendas, ut etiam totam Astrologiam rite exercendam, equidem nihil convenientius invenio Hypotyposi universi Tychoniana, quam post Ptolemaicam & Copernicæam frontispicio partis secundæ Astronomiæ Danicæ eo elogio, quo digna fuit inferueram. Quum enim in eadem præter centrum universi, nempe terram, in quam omnia Astrorum lumina atque operationes, etiam juxta sacras paginas, diriguntur, quippe ad eam fovendam unice destinata, aliud secundarium & mobile centrum sit, quod Sol ipse pro sua sede regali occupat: qui in medio velut *deorum* & hujus æconomix cælestis dominus, cæteros Planetas, præter Lunam, tamquam familiam trahit, & annuo suo motu secum circa tellurem ducit, dum eos intra certos circulorum suorum limites contineat, & interim quodam, ut tres superiores Saturni Jovis & Martis in tantum a se spatium demittat, ut vel tellurem in ejus oppositu ambiant: reliquos vero Veneris & Mercurii intra breviores circum se gyros coerceat, ut dum Sol

carpentum suo feratur ad regionem coeli perstrandum, & annuas vicissitudines apud nos in circulo suo declivi reddendum, preffo huius finit, & iusta ejus singuli pro sua natura, motu, ac lithurgia, ut Regis cubicularii solent, capeflant. Lunæ præterea, ut Solis coelique reginæ, regio coelestis inferior, hoc est telluri propinquior attributa est. Quæ quidem Luna perpetua luminis Solis, tam huic ingeniti quam reliquorum Planetarum ministerio acquiritur, communicatione & quasi imprægnatione lucet ac viget, & ex hoc varias suas faces ac facies telluri ostendit, unde hæc inferior manifeste moventur & afficiuntur, ut in æstu ac reciprocatione Oceanis, item animantibus aliisque corporibus sublunariis advertere licet. Porro Planetariæ regioni (& quidem a centro usque telluris) in qua, ut dixi, Sol Dominus & Rex est, Luna vero Domina atque regina, coelestis extrema regio circumstatur, stellis, ut vocantur, fixis plurimum repleta, cum quibus velut peregrinis populis ac nationibus, licet eadem vel præstantiore lucis specie dotatis, Sol & ejus internuntii Planetæ, ut & ipsa ipsius regina Luna nempe commercia continua luminis *auxilia* exercent, & hæc Planetariæ regioni primum important, deinde qua sponte contendunt eadem auctiora ac rebus inferioribus per Planetarum lithurgiam accommodatiora facta, Lunari & demum sublunari infundunt, & tandem hanc varie pro stellarum ac Planetarum cum Sole Luna atque tellure, dispositione, & subjectæ materiæ conditione afficiunt. Quod ipsum Planetarum, imprimis autem Solis ortus & occasus cum fixis istis sideribus evidenter quotannis probant. Atqui hæc Mundanæ œconomiae in natura consuetudo gubernatio est, quæ ad eam fovendam, mutant, multiplicandam &c. & divino omnipotentis verbo in hitce causis secundariis olim cum cœlo preparata, jugiter decinceps ad sæculi consummationem eodem verbo sustentatur. De qua re Philosophi & imprimis Trifonegisti olim dixerunt. Quin & plura ac specialiora ex ejusdem consideratione in Astrologiam sicubi rite aliquando exercendam conjiciunt. Nunc autem ad propositum de novis phænomenis. Quod igitur annuum est, quodque ob continuas periodos minus insolitum, id regimen œconomie mundanæ in natura etiam adspæctum repugnantia, minus perturbat, quam quod raro fit. Quod nos inter alia, superiorum Planetarum conjunctiones, quæ non nisi raro contingunt, manifestæ effectuum suorum indicatione convincunt. Et cur quæso non etiam multo magis insolita ea phænomena, quæ aut, ut stellæ novæ, se fixis sideribus adfociant, aut, ut Cometæ maxime validiores, se in regionem Planetariam intromittunt, & transverfis ut plurimum ac distortis suis motibus,

contra Planetarum incessum, meatus seu vias horum varie abiciunt, cur inquam regimen illorum ad infimam tellurem circumquaque penetrans, hæc nova coelestia ostenta non perturbant, & prorsus ad insolita inclinabunt atque cogent? Etenim licet Cometæ Solis ac Planetarum soboles sint, tamen quia sub ipsorum finistris adspæctibus, ut plurimum generantur, non nisi nocti hoc spuriis, degeneres & quasi extranei in hoc lithurgicæ Mundanæ ordine, merito a Dñ. Tychone nostro, & quibusdam aliis doctis viris censentur. Proinde dum Planetæ plerique inferioribus ferendis, & acri a noxis humoribus, qui e tellure & maribus perpetuo exhalant, liberando operam suam singuli pro sui naturæ conferunt, maxime autem omnium Sol velut latus terrestribus, & imprimis humano generi clementissimus; Contra nova phænomena coelestia & autem omnia Cometæ inausulta sua generatione, nec dispari irradiatione ac motu; Vaporum denique noxiorum attractione, & incocturum in acre dissipatione terrestria vehementer fatigant, dum hæc ipsorum operationes qualitatibus elementorum infelicitate se immisceant: Unde tempestates & annorum sterilitates oriuntur, item *divagationes* per reliquas temperamentorum qualitates inundant, ex quibus postea hominum mores, qui hæc sequi solent, mortales mundanos in varios & illicitos appetitus inducunt. Unde bella, contentiones reguorū ac Rerumpub. eversiones, cum multis aliis sceleribus & inquinamentis, item morbis, & id genus aliis malis ortum ducunt. Hæc ex sola Physica consideratione de novis phænomenis & imprimis Cometis, præter ea quæ de his mystica sunt, & magis divinam in Mundo providentiam etiam circa horum generationem concernunt, de quibus partim supra egimus, partim infra data opportunitate fusius acturi sumus. Nunc ad effectuum seu significatorum, quæ ex novis hisce sideribus sumuntur, divisionem transibimus.

Effecta novorum phænomenon, hoc est tam novarum stellarum quam Cometarum, quoties divina voluntate incœlo apparent, aut vi ac potestate effectuum seu potius significatorum suorum, aut horum certis quodammodo locis & temporibus exhibitione notantur, & quasi prædictiones de illis habentur. Significata autem novorum phænomenon vel supernaturalia sunt, vel naturalia. In supernaturali serie divina providentia, vel quod idem est, divinum decretum regnat, quod in prophetarum vaticiniis de rebus usque ad sæculi consummationem super orbe terrarum venturis ad amissum exeritur, quarum ceterarum & malorum hæc nova phænomena, temporalia indicia sine dubio sunt,

In rebus
effectus
novorum
phænomenon

sunt, velut capite proxime præcedente illa fusi-
us tractata sunt, & ideo heic haud repetenda.

Inter alia autem novorum phenomenon
significata, primum in genere notatur locus
novi sideris quoad longum ac latum penes
Eclipticam, similiter quoque Æquatoris respec-
tu, ut quam Mundi plagam quoque sphaeri-
cæ superficiei punctum stella nova aut Come-
ta in ortu suo ac per totum decursum suum
tenerit probe relatione ad Eclipticam pariter
& Æquatore cognoscatur. Siquidem id
imprimis ad significata horum melius apprehen-
denda ac discutenda pertinet, tum quod per
Eclipticam seu Zodiacum aspectus Solis ac
Planetarum cum novo phænomeno perspicuntur,
unde plurimum ortum trahere existimatur;
& insuper ad Zodiaci signa regiones ac
tractus terrestres e Ptolemæo & aliis dijudi-
cantur, quæ maxime affici solent, dum novum
sidus huiusmodi signa percurrat; tum Æ-
quatoris respectu, dum quotidiana novi sideris
revolutio, & in ea punctum verticale, quod
Cometa singulis diebus attingit, consideratur.
Vnde præter huius motum diurnum in
proprio circulo, item gressum per Eclipticam,
etiam declinatio huius requiritur, ut in ex-
emplis postea apparebit. Insuper autem cœ-
lestia domicilia in themate ortus novi sideris
(modo tempus huius haberi potest) item ad
novilunium seu plenilunium proxime sequens,
Astrologus non frustra contemplari iubetur,
ad horum duorum circulorum dimensiones sub
datis poli elevationibus restricta adeo ut horum
omnium cognitio requiratur; præter Prin-
cipium virorum genethliaca, earum regionum
ad quas effecta seu significata novi sideris,
maxime inclinare animadvertitur, ut quædam
horum etiam fusiis infra commemorabuntur.
Porro natura seu qualitas Asterismi illius cœ-
lestis, sive in Zodiaco, sive extra, cui nova
stella adhæret, aut in quo Cometa vel ortum
ducit, vel per quem maxime motum suum
dirigit, diligenter perscrutanda est, & exem-
plorum inductione confirmanda. Præterquam
enim, quod signa Zodiaci in tot trigona quot
primariæ qualitates in natura, sapienter distri-
buantur,

nempe	Calida	Frigida
ut	Υ Ω →	♄ ♃ ♅
	Secca	Humida
	♄ ♃ ♅	♄ ♃ ♅

ut ex hisce velut domiciliis & proprietatibus,
quæ singulis Planetis tribuntur, iudicium

Astrologicum pertexi queat; etiam Asterismo-
rum singulorum natura intuentia est, quorum
quoque nomina, licet ab eventu ipsis imposi-
ta esse videntur: in effectis tamen producen-
dis ociosa non sunt, sed admodum interdum
εὐμαρῶν, ut de his verificetur id quod vulgo
dicitur: *Convenimus rebus nomina sæpe suis*. Sed de
qualitatibus ac naturis signorum Zodiaci, Aste-
risinorum & Planetarum, a quibus nova si-
dera afficiuntur heic prolixius agendum non
est, Verum de illis Ptolemæus in quadripar-
tito suo Opere, imprimis legendus & con-
sultendus. De aspectibus denique seu configu-
rationibus novorum siderum cum reliquis A-
stris, imprimis autem Planetis, iudicium quo-
que secundum naturam horum fiat, unde qua-
drati intuitus cum maleficis Marte & Saturno,
significata novi sideris plerumque infausto even-
tu insigniunt, benefici utrinque mitigant. Qui
quidem aspectus, quandoquidem per rationa-
lem circuli distributionem deprehenduntur, haud
frustra per eosdem, de influentiis Astrorum
etiam horum affictiorum iudicium inscipi-
tur: Hisce in genere considerandis observa-
tio magnitudinis atque coloris novi sideris ad-
iungitur, & inde quoque de magnitudine even-
tuum iudicium confirmatur; Novæ quidem
stellæ cum alia fixa vel erratica, cui sic assimi-
latur, Cometæ vero similiter, cuius color &
figura capitis cum Planetam, ut plurimum re-
fert, quia ortum ejus seu generationem maxi-
mam vim contulerat.

Sequitur significatorum e novis phænomenis
exhibitio. Hæc duplici considerationi sub-
jicitur, nempe vel locorum seu tractuum ter-
restrium, quibus potissimum effecta novorum
phænomenon applicantur: vel temporum, qui-
bus huiusmodi effecta determinantur. Pro lo-
cis autem seu incolis horum generali modo in-
dicandis, signa illa, quibus maxime probat
Astrologi, imprimis vero Ptolemæus singulas
regiones seu terrestres distractus subiecerat,
notanda sunt, ac bene secundum naturam, qua-
litates, hominumque sub illis mores, conside-
randa, dum in signis istis novum sidus vel ori-
ri, vel decursu suo determinari deprehensum
fuerit. Porro ad locorum cognitionem cogni-
tio puncti verticalis requiritur, quod in syzy-
gia luminarium ortum novi sideris immedia-
te sequente, illud motu suo ostenderit, an-
de locus in terrestri globo satis exacte elici-
tur, tali meridiano vel verticali subiectus, Ad
quod quidem tempus, ut supra dixi, præ-
stat thema cœleste construere, & signa Zodia-
ci, item siens luminarium ac Planetarum
sel-

reliquorum in singulis coeli domiciliis diligenter considerare. Quod autem Ptolemæus directionem caudæ in Cometis, ad quam mundi plagam ista vergeret, observare jubet, & hinc iudicium de terræ tractibus, quos esse offendit, desumere; id sine dubio fallit, siquidem tota illa caudæ norma a sole promanât, ut supra ostensum est. At caudæ magnitudo, & integri Cometæ motus observatio in mundi plagas vana non est, quum enim illa materię copiam arguat, hunc vero Cometæ dissipatio paulatim comitetur, influentię ratio occulta non deerit, quæ terrestria subiecta loca haud parum respectu Meridiani seu loci verticalis afficiuntur. Atque tantum de locis generaliter assignatis, quæ ad sensum influentiarum novi sideris maxime trahuntur. Porro loca specialia, ad quæ influentię seu significati novi sideris maxime pertingunt, Ascendentia, item Aphectica & Sylegintia eorum, qui sub talibus nascuntur, imprimis autem, ut supra innuebam, Imperatorum, Regum & principum in Republica Mundana. Etenim quum hæ personę publicę fuerint, quippe publica officia gerentes, non inani ratiocinatione, nec absque autoritate Ptolemæi imo experientia ipsa talia novorum phænomenon significata iisdem maxime applicantur, adeo ut hæc anaretæ seu occisores planetarū decretis, quæ e directionibus proveniunt, involuta vitæ stamina plerumque præcitant, & mortem aut periculum illustribus hisce personis ocys accellerent, ut in exemplis infra patebit.

Hucusque de locis terrestribus, quibus novorum siderum significata ex indicis huiusmodi applicari solent, sequuntur tempora, quibus futuros eventus & talibus Astris metiuntur Astrologi. Hæc autem vel in genere vel specie sinuntur, in genere quidem, ut si phænomena nova in oriente coeli plaga primo appareant, mature horum effecta orbi superveniunt, si in occidere, tardius. In reliquis vero plagis modo fuerint, ad talem quoque considerationem tempora accommodantur: in novis tamen stellis temporum mensuratio ad longe plures annos, quam in Cometis se extendit, ut de effectis novæ stellæ anni 1572 ad hunc usque terminum nostrum & certissima D. Tychoonis prædictione id verificetur.

Specialia vero tempora, quæ effecta novi sideris determinant, ad Directionum decreta, quæ Astrologici certitudinis præclara documenta sunt, referuntur, ubi directio vel secundum Zodiacalem circulum fiat, ut in novis stellis cum conjunctione superiorum Planetarum inter sese, vel præcedente, vel potius sequente proxime, cum qua novæ stellæ magna cognatio est, ut in eadem stellâ anni 1572 cum conjunctione Saturni & Iovis, anno postea 1583 in piscibus facta. Item in stellâ novâ anni 1604 in Sagittar. similiter,

cum conjunctione superiorum Iovis & Martis anno 1600 in ♄ signo igneo: de qua Iohannes Keplerus scripsit quidem, sed non satis, ut mihi videtur, operationes talium in vulgus produxit, quandoquidem vix ab eo tempore in Russia, Suecia, Livonia, Polonia, Dania, adeoque postea toto Romano imperio a bellis ac diris contentionibus, maxime sub Religioniis obtentu, seriatum est.

Atqui talis directio omnino ad motum Solis diurnum eo tempore in Ecliptica pro singulis annis determinatur. Cometæ vero quia bimestri aut trimestri spatio plerumque durat, igitur eventuum decreta ex hisce partim ad Lunæ diurnum circulum devolvuntur, partim mensuram intra proprios suos motus includunt, idque vel juxta motum suum diurnum in proprio circulo considerata vel potius collatione motus istius ad Zodiacum, velut hominum, omniplumque quæ vivunt circulum proprium facta; ubi plerumque aliqua offerri solent, per quæ diversis statisque temporibus Cometæ decreta sua explicabunt, dum non a vanis, sed peritis Astrologis ad censuram celestis harmoniæ cum inferioribus hisce rite exiguntur. Atqui in hac multiplici directionum via porro retroque, id quod experientia maxime olim in aliis probavit, sequendum est, & Astrologo, qui naturalis inclinatione ad effecta astrorum discernenda, judicanda, & temporibus suis proferenda fertur, multa heic relinquenda sunt, sed ita tamen, ut non quovis temerario productionum impetu velut Enthusiastico, ut quidam artis ceteroquin ignari solent, singularia quedam pro astrorum effectus comminiferent atque urgeant, & hæc inepta ac immatura sua censura pronunciet; dum sapiens & circumspiciens quisque nihil prius iudicet, quam collectarum causarum seriem universim intueatur, & sic quæ intra terminos iudicii generalis se maxime continent. Soli enim Numine afflati prædicunt particularia. Interim autem quæ specialiora sunt, quæque supernaturalia, & cum sacra pagina symphoniam, ut supra dictum est, habent, non tam prædictione ex astris, quam tempestiva admonitione vulgo & Verbo Dei, & lege naturæ, sive letur, proponenda sunt, & nihilominus tamen circumstantis directionum, de temporibus eorum, quæ in iudicia pro novo sidere incidunt, quodammodo determinanda. Atqui his priorem partem huius Tractatus pro instituto nostro ingenique viribus absolvisse sufficiet.

CAP. IX.

De designatione cursus Cometæ anni 1607, ex propriis observationibus; deq. parallaxibus ejusdem exilibus, unde hunc intra cælestem regionem longe supra Lunam fuisse concludimus.

Causis effectisque novorum phænomenon generali modo per præcedentia capita, ceu partem priorem hujus tractatus adumbratis; sequitur pars altera laboris suscepti, in qua promissa in Cometis exempla subjungemus; in Cometis inquam duobus ultimis, nempe anni 1607, & 1618. Nam loca novarum stellarum, quæ hæcenus in Cassiopea, Cygno & Serpentario seculo nostro apparuerunt, ab aliis, imprimis Dñi. Tychoe nostro, & Iohanne Kepplero Mathematico Cæsario satis designata reperiuntur. At Cometæ, quos modo attingemus, quia non solum magnitudine, innotat ac duratione insignes & stupendi inter eos fuerunt, qui hoc ultimo tempore, & post obitum Atlantis nostri, in cælo effulserunt, sed etiam contrario fere nisu, & per Asterismum Bootis occursum quædam præ cæteris, proculdubio significant, quæ quævis Astronomiæ & Astrologiæ peritum, pro ingenii viribus & interpretandi dono sobrie potius tractare decet, quam occultare, atque supina negligentia pariter cum vulgo contemnere: quandoquidem ostenta hujusmodi cælestia maxime quoque ea sunt, per quæ Deus hisce ultimis temporibus homines suæ securitatis admonet, simul & severe arguit, ut supra monueram, & infra merito pluribus exaggerabo. Nunc autem ad priorem, qui anno Dñi 1607, mense Septembri & Octobri in Aquilone ortum duxit, & versus Meridiem cursum suum deflexit, & nostris Observationibus describendum transibimus.

Anno Salvatoris nostri Iesu Christi 1607 die 18 Septembris vespere, vix una septimana postquam Sextantem nostrum quinque in radio cubitorum, quippe ejus mentionem in Astronomica feceram, fabrica sua plane absolvissim, & denique pro ejusdem infallibili certitudine experimenta ad distantias fixarum ab invicem capientes aliquot fecissim. Quinetiam Jovem juxta situm acronychium eodem instrumento die 14 Septembris observavim, quas quoque observationes sequentibus diebus continuavim, nisi hic in nostro Haunliensi Horizonte criduanæ se nubes ac nebule interposuissent. Serenitate vero die 18 Septemb. vespere reddita primum adverti simul & observavi Cometam caudatum, in Septentrione, quippe, quæ magnitudine sua fere Jovem ipsum quoad visum æmulabatur, sed obscu-

riore, hoc est colore sublivido ipsum Saturnum; Caudam etiam satis longam densamque obtinuit, quam directe radii solares in averiam a se regionem depulerunt, idque per totam Cometæ durationem Hoc enim vespere post horam 7, quando Cometa vix ad distantiam Lunæ unius infra parvam informem post Vrsam majorem constitutus esset; id quod non minore diligentia heic, quam Iohan. Kepplerus in Bohemia eodem vespere, notavimus; deprehendi etiam, quod Cometa sua cauda binas informes in fine caudæ radicem in Vrsâ maiore indigitaverit Sole scilicet 5 grad. Libræ pereurrente. Fuit quoque cauda Cometæ densa ut dixi, & fortasse magis quam reliquæ solent compacta, ac ejusdem cum ipso capite coloris nempe lividi & sub Saturnini: sed nunc ad observationes nostras venio.

Sequuntur observationes.

Ergo vespere ejusdem diei 18 Septemb. h. 7½ deprehensa fuit Cometa in dispositione cum parva fixa intorini nominata, eo modo, quem prius expressimus, ita ut vix distaret ab eadem per Diametrum Lunæ unius, seu 34 min. infra & paululum ad ortum declinans. Hujus vero stellæ longitudinem 12 gr. 16 min. 17, latitudinem autem 40½ gr. B. satis bene a Kepplero adsumtas esse etiam Observationes nostræ sequentes probant. Nam circa idem tempus, nempe h. 7½ distabat Cometa a præcedente superiore in quadrato Vrsæ majoris per sextantem 24 gr. 32 min. observatione in momento iterata; item ab inferiore sequentium quadrati ejusdem Vrsæ majoris, 14 gr. 14 min. Cæterum quoniam binæ hæc stellæ nimium ad rectam lineam cum Cometa erant dispositæ, adeo ut locus hujus vix absque errore haberi posset, velut id in Doctrina spheræ nostræ admonuimus; quocirca supposita latitudine Cometæ 40 gr. 5 min. nempe ad censuram visus, in dispositione, quam cum stellula dicta habebat, cujus latitudo erat 40 gr. 30 min. prodis per triangulorum sphericorum ratiocinium longitudine Cometæ ex utraque distantia a reliquis in quadrato Vrsæ majoris nominatis in 11 gr. 57 min. 17, satis seorsim convenienter, dum etiam harum longitudines ac latitudines ad hoc tempus e Canone stellarum fixarum emendato adhibentur.

Porro die sequente mane ac vespere, cælum serenum non fuit: Flante namque aquilone nubes continuo ascendebant, & Cometam occultabant.

Die vero 20 Septemb. mane serenitate utcumque reddita, dum erat altitudo mediæ in cauda Vrsæ majoris, 24 gr. 36 mi. per Quadratum Geometricum nostrum observata, cui tempus quamproxime responderet h. 5½ a. m. Cometæ vero
D alt;


altitudo in hoc Horizonte erat quasi 17 grad. $\epsilon\pi\lambda\alpha\delta\tau\iota$ distabat Cometa a media in cauda Vrsæ majoris 10 gr. 46 min. reiterata ac limitata observatione. Quin & eodem tempore cauda Cometæ a Sole projecta, ultimam in cauda Vrsæ majoris satis præcisè monstrabat, dum hic in 6 gr. 12 min. \approx versabatur. Cæterum quoniam plura etiam hoc mane tum ob crepusculum, tum maxime nubes obortientes haberi a nobis non poterant, proinde e datis ad situm Cometæ inquirendum, hac methodo procedimus, quam ideo heic integre in studioforum gratiam relinquo atque persequor, quia in sphaera nostra non est expressa.

In sequente figura sit A polus Eclipticæ, B media in cauda Vrsæ majoris, C extrema cauda ejusdem. Polo autem A per distantiam quadrantis describitur portio Eclipticæ H E, ac posito sole in E puncto Eclipticæ, datæque lineæ in sphaera B C, manifestum est in eadem linea Cometam reperiri, cujus locus determinatur in D, nempe per distantiam a media caudæ Vrsæ majoris B D. Quoniam vero ipsum D, punctum seu situm in sphaera respectu Eclipticæ habere intendimus, proinde demissis quadrantibus ab A per quatuor illa puncta B, C, D, E, iisque in Ecliptica notis H, G, F, E distinctis, manifestum est latitudinem Cometæ penes arcum F D, longitudinem vero per differentiam inter H & F, seu penes angulum B A D reperiri; item penes G F aut F E, nam Operatio heic variis modis institui potest.

Primo igitur in Triangulo B A C, e notis B A & C A, item angulo B A C, invenitur quaesita distantia stellarum in cauda Vrsæ majoris B C 6 gr. 41 min.

Deinde in triangulo B C A datorum laterum, queritur angulus B C A, cujus complementum ad duos rectos seu 180 gr. est angulus B C G. Invenitur autem angulus B C A 68 grad. 29 minut. & ideo B C G 111 grad. 31 min.

Tertio in triangulo Orthogonio C G E, quippe angulum rectum ad G habente, e data C G latitudine extremæ caudæ Vrsæ 54 gr. 25 min. & præterea G E distantia ejusdem caudæ & Solis per Eclipticam 17 gr. 4 min. datur per supputationem angulus G C E 18 gr. 19 min. cui addito angulo prius acquisito B C G,



confatur totus angulus B C D 129 gra. 50 mi.

Quarto igitur in triangulo B C D habemus cognita duo latera B C & B D, una cum angulo ad C; igitur non latebit distantia ab ultima caudæ Vrsæ, in Cometam D C. Cæterum analysis propositi trianguli, quia per rectangula commodè pro quaesito absolvitur, quare productu arcu D C, infinite ac demisso perpendiculari a B in I, erunt primo in Orthogonio C I B $\delta\delta\epsilon\upsilon\sigma\upsilon\alpha$ B C 6 gr. 41 min. Angulus B I C, qui est complementum anguli B C D ad duos rectos nempe 50 gr. 10 min. una cum angulo recto ad I. Ergo primo datur perpendicularis B I 5 gr. 7 $\frac{1}{2}$ min. Deinde arcus C I 4 gr. 38 $\frac{1}{2}$ min. Hinc in triangulo toto B D I, e datis B D 20 gr. 46 min. B I 5 gr. 7 $\frac{1}{2}$ min. cum angulo recto ad I, acquiritur latus totum I D 20 gr. 9 $\frac{1}{2}$ min. a quo quando I C 4 gr. 38 $\frac{1}{2}$ min. latus prius inventum abstrahatur, relinquitur quaesitum D C 15 gr. 31 min. distantia nempe caudæ Vrsæ & Cometæ.

Quinto, in triangulo A C D, quia dantur duo latera; A C 35 gr. 35 min. D C 15 gr. 31 min. cum angulo A C D 161 gr. 41 mi. quippe complementum anguli G C E ad duos rectos seu 180 gr. Ergo ex hisce tandem prodit latus D A 50 gr. 31 min. complementum latitudinis Cometæ ad quadrantem seu 90 gr. & ideo ipsa latitudo Cometæ B C 39 gr. 29 min. Borea.

Postremo, in triangulo B A D e datis omnibus lateribus dispalcit angulus B A D 18 gr. 24 minut. quo adjecto ad longitudinem medix caudæ Vrsæ majoris in B, quæ hoc tempore fuit 10 gr. 2 min. \approx , prodit ipsa longitudo Cometæ 28 gr. 26 min. \approx .

Atqui sic ad initium seu h. 5 $\frac{1}{2}$ matutinam hujus diei situm Cometæ dupli respectu ex observationibus nostris possidemus; Nunc ad diem sequentem transibimus.

Porro die 21 Septemb. vesperi h. 7 $\frac{1}{2}$ horologio ad altitudinem lucidæ Coronæ 34 $\frac{1}{2}$ gr. rectificato, distabat Cometa a media in cauda Vrsæ majoris 30 grad. 59 minut. & circa idem tempus a lucida Coronæ 16 grad. 41 minut. observationibus per sextantem nostrum reiteratis. Heic vero fixarum locis ad hoc tempus suppositis, utputa longitudine medix caudæ 10 gr. 2 min. \approx . Coronæ autem 6 gr. 44 min. \approx , cum latitudine illius 56 gr. 22 minut. B; hujus autem 44 gr. 23 min. quemadmodum in Canone rectificato reperitur. Ad modum igitur quem in sphaera tradidimus quod hæc calculo subducta fuerint ad prima duntaxat minuta extenso, prodit ad tempus supra scriptum longitudo Cometæ 16 gr. 44 minut. \approx , cum latitudine 37 grad. 14 minut. B.

Ceterum ob cœlum sequentibus diebus nebulosum magis, tum alia quoque impedimenta, quæ incidebant, ut Malmogiam transire, haud amplius Cometam hunc instrumentis, sed solis flaribus extensionibus ad lineas rectas cum fixis notabam; Proinde tria hæc ejus loca eo modo ad tres priores dies nactus, explorabam primum ex istis in globo satis amplo, utputa tres pedes fere in Diametro habentē, qua tandem sub ductum circuli maximi se Cometam reciperet; & mechanica hac tractatione accurate per circum incurvatum, & ad quadrantem circuli maximi in globo isto præcise extensum administrata, inveni in superficie globi punctum, pro Polo Septentrionali ductus hujus Cometæ, ita ad Eclipticam relatum, ut longitudinem obtineret in $17\frac{1}{2}$ gr. \propto , latitudinem vero $49\frac{1}{2}$ gr. B.

Ad talem autem Cometæ circumum observationes quæ sequuntur, quam proxime se conformabant. Nam primo die Octob. Malmogiæ vesperti circa h. $6\frac{1}{2}$ distabat Cometa ab Occidentali in sinistra manu Ophiuchi quoad visum vix $\frac{1}{2}$ gr. versus occidentem & horizontem. Erat autē tunc in recta linea cum Arcturo, & orientali in eadem Ophiuchi manu, unde rectificatis stellarum fixarum locis, postposito Arcturo ad hoc tempus in longitudine 18 gr. 45 min. \propto , & latitudine 31 gr. 2 min. Item ea, quæ est occidentalis & borealis in manu Ophiuchi in longitud. 26 gr. 50 mi. \propto , cum latitudine 17 gr. 19 min. Borea, sequente denique in eadem manu in longitudine 28 gr. 3 min. \propto cum latitud. 16 grad. 30 min. provenit hinc Cometæ longitudo 26 gr. 30 min. \propto , latitud. vero 17 gr. 40 minut. Borea, qui quidem & heic ductum Eclipticæ ita observabatur, ut vix ab eodem infra & ad occasum sensibilibiter, aut ad summum per 4 min. deflexerit.

Porro die 2. Octobris vesperti circa h. 6 aut paullo ultra promotus erat Cometæ, ita ut appareret, quasi in cuspidē obtusi isoscelis trianguli cum stellis nominatis in manu Ophiuchi, propius tamen ad earum præcedentem inclinabat, eratque quoad apparentiam quavis harum major, sed caudæ vestigium subobscuro fuit. Conficiebat autem, quoad filarem extensionem, lineam rectam cum penultima ad ortum in Corona, magnitud. quartæ, & boreali in manu dicta Ophiuchi; item lineam rectam cum inferiori capite \propto , & Orientali in eadem manu, quæ quoque recte lineæ eandem trianguli isoscelis formam arguunt, Cometamque ad dictum momentum hujus diei reponunt in longitudine 27 g. 20 mi. \propto cum latitudine 17 gr. fere Borea.

Die 6 Octobris vesperti h. $6\frac{1}{2}$ cœlo medio-criter sereno, adhuc mihi Malmogiæ versan-

ti visus est Cometa conficere triangulum isosceles cum Orientali in manu Ophiuchi, & clara in proximo genu; deflexit enim a linea inter hæc bene per 1 gr. quoad visum, unde longitudo Cometæ $0\frac{1}{2}$ gr. \propto , latitudo vero $\iota\pi\lambda\alpha\iota\tau\epsilon\upsilon$ $13\frac{1}{2}$ gr. esset Borea.

Die 11 Octob. h. $6\frac{1}{2}$ vesperti & paulo ante, postquam Hafniam rediissem, videbatur Cometa infra genu Ophiuchi quasi in distantia $2\frac{1}{2}$ gr. aut paullo ultra: faciebat autem lineam rectam cum inferiore in educatione faucium Serpentis, & superiore in manu Ophiuchi; item aliam cum inferiori re & sequente in humero dextro Ophiuchi & clara in genu sinistro ejusdem, unde verificatis stellarum locis, & globo impostis, constituitur longitudo Cometæ in $1\frac{1}{2}$ gr. \propto cum latitudine $9\frac{1}{2}$ gr. B; locus certe idem, quem Dñ. Keplerus ei ab aliis stellis observato assignaverat, quod non absque admiratione adspicio, & parallaxium exilitatem vel potius nullitatem ut ita dicam hinc inde æstimo.

Die 13 Octob. vesperti circa h. 6 visus est Cometa parum admodum promotus, ita ut recta linea ab eo per genu Ophiuchi inter duas in dextro humero ejusdem medium quasi teneret, Erat autem Cometa admodum obliquus, & vix ullum hujus caudæ vestigium apparuit, unde longitudo ejus colligitur fuisse quasi 2 gr. \propto , cum latitudine $9\frac{1}{2}$ gr. B.

Die 14 Octob. vesperti h. $5\frac{1}{2}$ Cometæ valde obscure visus est, in eodem fere loco quo vespere præcedente, ut longitudo ejus censeri posset $2\frac{1}{2}$ gr. \propto , latitudo vero 9 gr. B.

Postea Cometa iste a me visus non est. Ceterum quod Dñ. Keplerus scribit cum circa finem, nempe ex observationibus dierum 9, 11 & 16 Octob. retrogradum fuisse, Eclipticæ respectu, & præterea latitudinem adeo insigniter a d. 11 in 16 mutasse, nempe per tres gradus, quia igitur motus ejus intermediis diebus nobis heic longe tardior visus est, fœci periculum circa ultimam Kepleri observationem, qua scribit se d. 16 Oct. h. $6\frac{1}{2}$ a meridie inter nubes conspectum Cometæ rapuisse qui tunc, humilis admodum in verticali staret, & in eodem circiter dimidia Lunæ diametro esset occidētalior ipso genu Ophiuchi, & tres aut certe plus distantie duarum in manu infra ipsum genu viderentur. Hac profecto Observatio longitudinem Cometæ arguunt non minorem $2\frac{1}{2}$ gr. \propto , nec latitudinem minorem 8 gr. B. omnibus diligenter perpenfis & in globo ampliore comprobatis, sed etiam ipse Keplerus de hac ultima sua observatione dubitat.

Nunc ad eos dies retro veniemus, qui & Keplerianis

plerianis observationibus in hoc Cometa mediantibus eum rectius ad suam Originem revocant. Certum enim est, ante di. 15 Septemb. hunc non eluxisse, quando quidem 14 die meritis ejusdem nos $\frac{1}{2}$ attendendo cœlum ab ea parte quodque oculis perlustrasse meminimus.

Quoniam autem valde consentaneum est, Cometam hunc primum in $8\frac{1}{2}$ cum simplici O cœpisse, quæ quidem 8 juxta motus restitutos reperitur incidisse in di. 15 Septemb. h. 15 $\frac{1}{2}$ dum $\frac{1}{2}$ in 4 gr. 25 min. \vee versabatur, ex adverso Sole 4 gr. 25 min. \simeq juxta motum suum simplicem percurrente; quo etiam fere tempore fuit δ & γ atque ϕ , item trigonus ad spectus η & θ . Quocirca Dñ. Kepleri observationibus, quæ ad diem 16 Septemb. vesperi factæ sunt, diligenter revisis, & per ductum circuli maximi ad hoc tempus retractis, invenio Cometam tunc in $10\frac{1}{2}$ gr. Ω cum latitudine circiter 34 gr. Borea.

Quod vero motum Cometæ diurnum attinet qui recte in proprio circulo seu ductu considerabitur, fuit ille quidem $\frac{1}{2}$ principio omnium concitatissimus, ac tandem paulatim de eodem aliquid indies una cum magnitudine remisit, quod hypothesi superiori Cometarum congruum est. Etenim die 16 Septemb. h. 9 p. m. ad Kepleri animadversionem in Cometa diligenter revisam, erat hic in 18 gr. 30 min. Ω , cum latitudine vix minore 36 gr. B. quando ductum Cometæ pariter adspiciamus. Die autem 18 Septem. h. 7 $\frac{1}{2}$ vespertina e superioribus, fuit Cometæ longitudo 11 gr. 57 min. η cum latitudine 40 gr.

5 min. Unde distantia seu motus in proprio circulo colligitur fuisse 18. gr. 10 min. & ideo motus diurnus $9\frac{1}{2}$ gr. in eodem circulo.

Porro die 10 Septemb. mane h. 5, erat Cometa in longitudine 18 $\frac{1}{2}$ gr. η , cum latitudine 39 $\frac{1}{2}$ gr. quo loco, ut & superiore proximo præmissis, deprehenditur motus Cometæ in proprio ductu per 34 horas fuisse 12 gr. 50 min. unde motus diurnus vix evadit 9 gr.

Tertio quando motus diurnus Cometæ ad diem sequentem nempe 21 Septemb. exploretur, qui ipsa ejus longitudo h. 7 $\frac{1}{2}$ vesperi deprehensa est in 16 gr. 44 min. \simeq cum latitudine 37 gr. 14 min. Bor. Igitur hic locus, quando cum præcedente, respectu proprii ductus Cometæ, conferatur, promotus erat in eodem per 38 $\frac{1}{2}$ horas 14 $\frac{1}{2}$ gr. & motus diurnus hinc fit 8 gr. 55 min. proxime dum hæc omnia lato modo & non nisi in globo nostro majori applicata subducuntur & transiguntur, unde advertere licet, motum hujus Cometæ maximum & concitatissimum ab initio in proprio circulo, & sensim remissionem exstitisse. Nam ex hoc tempore satis sensibilibiter & proportionaliter una cum magnitudine ut dixi, decrevit. Ut autem non solum motus diurnus hujus Cometæ in proprio circulo per totam ejus durationem, ex præmissis observationibus haberi queat, sed insuper quoque longitudo ejus ac declinatio, unde judicium de eodem rectius informari possit, en tabulam sequentem quæ hoc ordine continebit.

MOTVS

MOTVS COMETÆ ANNI MDCVII DIVR. nus ad 7 horam vespertinam,

R E S P E C T V

	Dies	Proprii circuli.	Eclipticæ	Circuli Declinationis.
		G. M.	G. M. S.	G. M.
Sept.	16	9 40	18 0 ♏	49 0 B.
	17	9 30	0 0 ♏	47 0
	18	9 10	11 50 ♏	44 fere
	19	9 0	23 30 ♏	39 15
	20	8 40	5 15 ♏	34 20
	21	7 50	16 30 ♏	28 30
	22	7 0	27 0 ♏	21 20
	23	6 0	4 0 ♏	16 40
	24	4 30	9 30 ♏	12 20
	25	3 40	13 30	9 30
Oct.	26	3 0	17 0 ♏	6 20
	27	2 30	20 0 ♏	4 10
	28	2 10	22 30 ♏	1 50
	29	2 0	24 0 ♏	0 25
	30	1 50	25 30 ♏	1 0 Mer.
	1	1 40	26 40 ♏	1 50
	2	1 30	27 30 ♏	2 40
	3	1 25	28 20 ♏	5 0
	4	1 15	29 10 ♏	6 45
	5	1 0	0 0 ♏	8 15
	6	0 45	0 50 ♏	9 30
	7	0 40	1 20 ♏	10 30
	8	0 30	1 30 ♏	11 fere
	9	0 25	1 40 ♏	11 10
	10	0 20	1 45 ♏	11 18
	11	0 18	1 50 ♏	11 25
	12	0 15	1 55 ♏	11 32
	13	0 12	2 0 ♏	11 40
	14	0 10	2 5 ♏	11 50
	15	0 8	2 8 ♏	12 0
	16	0 5	2 10 ♏	12 10

Atqui hic motus diurnus fuerat Cometæ horum circularum respectu *ὑπλάτων*. Neque enim majore præcisione heic opus est, ad nostrum institutum peragendum.

Notandum autem est quod dictus Cometa æquatore transierit Die 29 Septembris paullo post. 236 gr. Quin a via circuli maximi deflexisse primum evidenter die 1 Octob. deprehensus est, ubi ad stellas in sinistra manu Ophiuchi pene pervenisset. Denique quod ad æstimatum a nobis initium Cometæ attinet, in 10½ gr. ♏ fuit declinatio puncti isti respondens 49 gr. 50 min. Borea. Nunc ultimo in hoc capite de Cometæ hujus parallaxibus breviter agemus: unde constabit ipsum non sublunarem, sed in ipso cælo existisse.

DE PARALLAXIBVS


hujus Cometæ.

Et si nobis in hoc Cometa non contigerat, talia observata ordine habere, ex quibus parallaxes ejus, modo quas haberet, subtiliter satis enuclearemus, juxta ea scilicet, quæ in doctrina spherica tradebantur: tamen inter cætera vel unica illa animadversio ad Cometæ situm, quæ nobis die 18 Septemb. vesp. h. 7¼ communiter quasi cum Dñi. Johan. Kepplero, qui tunc Præf. in Bohemia fuit, habita est, ad id quod saltem heic intendimus sufficere.

Nostra quæ tunc observatio fuerat, superius recitata est, nempe Cometam eo tempore vix per dimidium Lunæ unius seu 34 min. infra & ad ortum paululum in illa revolutione, a stellula informi post Vrsam, visum a nobis fuisse. At hæc Kepplerus scribit.

Die 28 Septemb. (intellige stylium novum & tempus vespertinum) visus est Cometa stare infra stellulam informem sociam informis magnæ inter caudas Vrsæ & Leonis: aberatque diametro Lunæ in linea quæ tendit secundum ultimam caudæ Vrsæ in manum Arcturi. Hæc ille. Vnde intelligere est vix differentiam sensibilem inter locum Cometæ hoc tempore, ab utroque nostrum observatam esse. Quod etiam supra ex collatione apparet, Nam quando nos ex aliis quoque observationibus nostris ad Cometam eadem vesp. & hora habitis, ipsius longitudinē perquisivimus in 11 gr.

57 minut. η , cum latitudine 40. gr. 5 min. Keplerus hic postea subiungit & colligit per suam observationem longitudinem Cometæ fuisse 12 gr. 0 min. η , latitudinem vero 40 grad. 4 m. Bor. quarum differentia a nostris vix ultra 3 min. in circulo verticali vel maxime se extendit. Porro quomodo Cometæ longitudinem Keplerus minorem ponat longitudine stellulæ illius informis cui iungebatur per 16 min. Cometa simul quoque in linea recta, quam commemorat, præcessit, nec multum sensibilibus tempus, quo Pragæ hæc habita animadversio est, ab ea, quando apud nos observatio fiebat differre necessum fuerat. Nam id motus ejus diurnus arguit. His habitis quoniam Praga vix 6 min. temporis ab Hafnienſi meridiano ad ortum distat. Sed poli Elevatio illic est 50 gr 6 min. heic 55 gr. 43 min. differentia igitur 5 gr. 37 min. Erat ad id temporis differentia quasi in circulo altitudinis $5\frac{1}{2}$ gr. & altitudo Cometæ tunc Pragæ quasi 20 gr. heic vero $25\frac{1}{2}$ gr. fuit, Omnibus lato modo consideratis, Nam licet absque Azimuthalium additione, quæ parallaxium præcisè enucleationi imprimis conveniat, hæc ita a me præsentiarum concipiantur, præsidii tamen satis ad Aristotelem convincendum habent, si alius Cometa infra Lunam in supremo aeris confinio (ut vult peripatus) existisset. Dum scilicet ad demonstrationem & numeros præmissa exiguntur hoc modo. A centro describatur semicirculus orbis telluris E F, cujus Semidiameter, E A Ma-



thematicis nota est 860 milliarum German.

Porro eodem A centro distantia A G describitur circulus G H supremam aeris regionem determinans, dum E A augetur altitudine E G 13 mill. German. quam quidem vaporum terrestrium (ex quibus Cometæ constare Aristoteles voluit) extremam sublimationem Optici ex observatione crepusculorum recte persequuntur, ut in doctrina nostra Spherica lib. 1 cap 9 id ostendimus. Erit igitur radius A G 873 mill. Germ. Hinc locis observationum factarum in superficie globi terrestri dispositis, sit B urbs Pragenſis in Bohemia, C Hafnienſis in Dania, quin etiam ductis lineis apparentibus Horizon-

talibus, nempe per Pragam I K, per Hafniam L M, tandem ponatur Cometa in D sub communi verticali (quippe a quo insensibiliter absuit) Erit igitur I D arcus 20 gr. sed I D $25\frac{1}{2}$ gr. per altitudines Cometæ utrobique locorum præmissas. His sic constitutis, agantur ab A centro in B, C, & D lineæ rectæ, similiter connectatur D cum C & cum B, Et sunt triangula plana A D B, & A D C, quorum quidem binorum triangulorum angulus parallaxeos ad D seorsum e datis præmissis eliciendus est, ut differentia ejus ad id quod intendimus arguendum habeatur. Primo igitur in triangulo A D B quoniam *diagonæ* sunt

A B 860 milliar. G.

A D 873 milliar. G.

D B A angulus 110 gr. 0 min. scilicet angulo recto I B A per angulum D B I, id est altitudinem Pragenſis observat, ad Cometam 20 gr. Ergo non latebit angulus A D B 67 gr. 46 min. +

Rursus in triangulo A D C, angulo D C A saltem variato, auctoque per $5\frac{1}{2}$ gr. quibus altitudo Cometæ hic superior Pragenſi fuit, sit angulus D C A $115\frac{1}{2}$ gr. Ex hisce igitur datis provenit angulus A D C 62 gr. 46 min. & ideo differentia in angulo B D C est 5 gr. + Et certe hæc eadem tere distantia in circulo altitudinis ultra diametrum unius Lunæ Cometa hic a parvula ista informi divulsus fuisset, & Keplerio infra stetit, si Cometa meteorum aliquod existisset. Et contra nobis per eandem differentiam (spatio unius Lunæ excepto) exaltior Cometa in circulo verticali, stellula illa fieret. At differentiam quam observationes utrinque habite efflagitabant, vix ultra 3 min. taxare possum, ut facile hinc constare arbitret Aristoteles hypothesin de Cometis minime esse legitimam, ut in Scholis & Academiis ad hunc usque diem a Peripateticis quibusdam, hoc est vulgo philosophantium acriter defensionem, adeo quidem, ut nec hos Tycho noster per tot demonstrationes & novis stellis ac Cometis petitas, quæ suo tempore observabantur, in viam veritatis reducere sustinuerit.

Quinetiam idem ex proportionata motus proprii ac latitudinis Cometæ hujus mutatione, item constante ejus incessu sub circulo maximo pene ad ultimos dies disparitionis colligere possumus, imo plane statueret Cometam hunc celestem fuisse, licet in quantum in sublime per æthera scanderat, observationes ad eundem minus præcisè & tempestive habite vix nobis ratiocinari permittant, ideo nunc tela abrupta ad phænomena Cometæ anni 1618 similiter ab observationibus propriis explicanda properabimus, ut tandem ultimo loco de utroque judicia nostra qualia-

qualiacunque proferamus. Horum siquidem Cometarum significata vinculo quodam sine dubio colligata sunt, id quod inter alia transversa horum per æthera ductus arguunt, ac miris modis probant.

CAP. X.

De Phanomenis, parallaxibus, distantia a tellure, & magnitudine Cometae anni 1618 e propriis observationibus acquisitis, adjuncta relatione Cometae hujus etiam in Persia observati.

Nunc ad stupendum & fatalem Cometam convertimur, qui anno 1618 in Novembri & Decembri toti fere orbi terrarum illuxit. Cujus quidem unius phænomena nō memini antea, in quoquam alio, a pluribus simul fuisse observata: & certe quamquam ab omnibus illis, nec pari, nec satis exquisita a plerisque diligentia, tamen conatus eorum in universum merito laudandus est, qui adeo evidentem ac periculum divinæ clementiæ argue ultionis simul internuncium, oculis haud connivenibus cum cuncta plebe signorum scilicet cœtemerice adspexerunt; sed viam ac vestigia hujus insectati, ortum, cursum, & qua se per æthera recepit diligenter quisvis pro se uorant, & annalibus seu scriptis suis ad posteritatem inseruerunt. Id quod mihi quoniam ut facerem, eo majori curæ fuit, quod Christianissimus magistratus nosse hanc mihi sedulo injungi curarat, non quidem ulla, (ut reor) superstitione, a qua vel infinitis parasangis animus moderni Regis nostri clementissimi remotus est, sed potius ad hunc finem respiciens, ut tam præhlrem Regum omnium potentissimi legatum, & velut signum Divinæ iræ, & simul benigne arque paternæ ad maturam resipiscentiæ invitationis, minime cœtemeremur, aut oblivioni infelicitate traderemus. Hic autem Cometa quo tempore primum oriri cœpit, numin Conjunctione cum quæ triduo in Sextili Martis observationes nostras præcessit, vel etiam in oppositione Solis & Saturni, quæ adhuc anterior quasi die sesquialtero fuerat, vel tandem, quod adhuc magis credibile est, ante initium 12 d. Novembris primum ortum habuerat, quippe in quadratura Iovis & Solis, quam trigonus aspectus Martis & Veneris mox exceperit, potissimum conjectura agitur. Nam non solum aliquot diebus ante v. d. Novembris rumor de Comete hujus apparitione increbuit, quo die primum illum observavimus, sed etiam eundem in Persia circa 12 Novembris observatum accepimus, ut postea suo loco apponetur. Neque enim, si vel intra 12 di. Novemb.

aut paulo ante incepisset, ipsum nobis ante 10 d. mensis ejusdem observare licuisset, ob nebulosam pluviolosam arque vicosam interea aeris per nostrum hemisphærium constitutionem. Es certe die 12 Novemb. circa ipsam quadraturam Iovis & Solis, & sequentibus aliquot diebus (circa quod tempus Naves quatuor ex hac Portua Danica in Indiam Orientalem, adjuncta Lyburna solverunt) nec tamen ante 19 Novemb: Hellesponto nostro exciderunt, ob ventum adversum & procellas crebriores: Nam tam valida tempestas interea fuit, ut alix passim naves ad Syrtis ac littora Balthici nostri disjiceret illiderentur.

Igitur die 21 Novemb. mane inter h. 5 & 6 primum Cometam hunc conspexi, quod cœlum per dies 10 præteritos proximos, nebulosum nobis, ut antea diximus, fuerat, & nimbis pluvisque confectum. Fuit autem quoad magnitudinem apparentem tunc Cometa aliquanto major Spica η , & caudam obrinnit ad altitudinem statuarum minis procerioris, quoad visum, quam quoque satis directe in averfam a Sole partem, qui tunc erat in 9 grad. 44, projiciebat. Color capitis ad ruborem declinabat, ut esset quasi medius inter colorem Martis (qui eodem tempore apparetis a nobis observatus est) & Spicæ η .

Eodem autem mane in altitudine Cometæ 18 gr. cui tempus responderet h. 5½, erat per Sextantem nostrum distantia Cometæ a Spica η 24 gr. 56 m. Et mox a lucida Coronæ 32 gr. 41½ min. Vt vero instrumenti certitudinem in distantis siderum exhibendis habeas, observavi mus paulo post has distantias fixarum aliquoties iteratas ac limitatas; Inter Spicam η & Arcturum, cum quo tunc Cometa fere in uno verticali fuit 33 gr. 4½ min. quæ distantia veritati quam proxima est.

Cæterum suppositis fixarum locis Spicæ η in longitudine 18 gr. 31 min. \approx cum latitud. 1 gr. 59 min. merid. Lucidæ Coronæ longitud. 6 gr. 53 min. η cum latitudine 44 gr. 23½ mi. Borea, resultat hinc per computationem triangularem ad modum quem in Sphærica doctrina tradidimus, Cometæ longitudo in 9 gr. 26½ min. η , cum latitudine 12 gr. 46½ mi. Bor. idque ut diximus ad diem 21 Novemb. h. 5½ matur.

Die 22 Novemb. mane ad aspectum Cometæ aliquoties inter nubes arripimus quidem; sed eundem non observavimus, quia dictæ nubes intervenientes hanc nobis occasionem sustulerunt.

Die 23 Novemb. mane ab hora 5 usque ad 7 observavimus diligenter Cometam quoad distantias & altitudines. Videbatur autem in eadem magnitudine qua prius. Similiter quoad colorem nisi quatenus Lunæ splendor utcumque assecerat. Caudæ quoque longitudinem dimensimus,

sumus, quasi 20 gr. aut paullo amplius, quamvis extremam ejus vibrationem oculis assequi vix posuimus.

In altitudine autem Cometæ per quadratum nostrum Geometricum 20 gr. cui tempus responderet h. 6 $\frac{1}{2}$ proxime, fuerunt hæc ejus distantia a fixis per Sextantem nostrum aliquoties acceptæ ac diligenter limitatæ.

Distantia Cometæ a Spica η 55 gr. 52 mi.

Distantia Cometæ a lucida Corona 27 gr. 28 min.

Hinc per triangulorum inductionem provenit Cometæ longitudo 6 gr. 24 min. η .

Latitudo . . . 16 gr. 56 min. Bor.

Die 24 Novemb. mane inter h. 4 $\frac{1}{2}$ & 7 cœlo admodum sereno, nisi quod Luna splendebat, observavimus denuo Cometam eundem, cujus caput facis rotundum fuit, & cauda hoc mane prolixè extensa, ductum tenens, sub media in sinistro genu Bootis, & adhuc extrema caudæ vibratio sequente ad visum erat porrectior.

Porro magnitudo capitis Cometæ adhuc major apparuit ipsa Spica η , quamvis sub altam auroram non tamdiu visibilis.

Quod observationes hoc die attinet, in distantia a Spica & Corona sexplus iteratis, observavimus in altitudine Cometæ 21 gr. cui respondent h. 6 $\frac{1}{2}$. Distantiam ejus a Spica η 26 gr. 52 min. item a lucida Corona 24 gr. 54 min. Ex quibus triangulorum calculo rite adhibito fit Cometæ longitudo 4 gr. 53 m. η , cum latitudine 19 gr. 33 min. Borea.

Denique ad parallaxin hujus Cometæ hoc die quodammodo explorandam, continuavimus postea distantiam ejus ab Arcturo in eodem verticali, quæ fuit in altitudine.

$$\left. \begin{array}{l} 24\frac{1}{2} \text{ gr.} \\ 26\frac{1}{2} \text{ gr.} \end{array} \right\} \text{ aliquantulo post.} \quad \left. \begin{array}{l} 18 \text{ gr. } 13\frac{1}{2} \text{ m.} \\ 18 \text{ gr. } 12 \text{ m.} \\ 18 \text{ gr. } 10\frac{1}{2} \text{ m.} \end{array} \right\} \text{ distat.}$$

Vnde quidem videamus hæc Cometam distantias sub uno verticali cum Arcturo parum admodum aut nihil præter id quod motui diurno interea tribuendum erit, mutasse. facile hinc cõcludimus parallaxin Cometæ hujus etiam hoc tempore non majorem existisse, quin longe supra Lunam in æthere fuisset evehctus. Sed de aliis observationibus, unde parallaxes in hoc Cometæ artificiosius deducuntur, sub finem hujus capituli agemus.

Porro a die 24 usque ad diem 28 mensis hujus fuit cœlum noctu & mane continuo nubilum, adeo ut Cometæ nobis minus appareret.

Die autem 28 Novemb. horam circa 5 $\frac{1}{2}$ mane videbam Cometam in tali situ, quantum in momento, propter intercurrentes nubes obser-

vare poterat, ut scilicet fecerit triangulum tale cum Arcturo & claro in corpore Bootis, in quo Arcturus fere angulum rectum occupabat. Fuit præterea distantia Cometæ a lucida in genu Bootis quasi 2 gr. quoad visum, lucida genu infra & ad occasum vergente. Caudæ extensio Arcturum paululum declinabat ad ortum, & multo longior fuit distantia inter Cometam & Arcturum, eo tempore. Erat autem tunc corpus cum cauda facis magnum, ac conspicuum. Verum post h. 7 ubi serenitas cœlo eo in loco reddita est, & aurora ascendit, solus nobis Arcturus visus est, Cometa plane invisibilis factus. Ex observationibus hæc qualibuscunque globo applicatis provenit circa h. 6 matutinam diei 28 Novemb. Cometæ longitudo 17 gr. 45 min. \approx cum latitudine 30 gr. Borea proxime.

Die 29 Novemb. circa h. 6 $\frac{1}{2}$ matutinam, Cometam inter nubes adspeximus, Euro valide flante. Erat autem a die antecedente ita per circulum maximum promotus, ut Arcturus quasi per semilunam a linea recta quæ ducitur a Cometa in borealissimam & maxime claram in sinistro genu Bootis Septentrionem versus distaret. Quinetiam Cometa visus est Orthogonium constituisse cum Arcturo, & stella in dextro brachio Bootis, ipso Cometa angulum quasi rectum occupante, sed hæc observationes momentaneæ fuere inter nubes, unde $\epsilon\pi\lambda\alpha\tau\epsilon\iota$ constat Cometæ longitud. 26 $\frac{1}{2}$ gr. \approx , cum latitudine 33 gr. fere.

Die 30 Novemb. mane in altitudine lucide Hydræ 20 grad. cui tempus proxime responderet h. 5 $\frac{1}{2}$ advertēbamus ad situm Cometæ, quæ erat dispositus in recta linea cum clara in sinistro genu Bootis, ita quidem ut vix linea illa superiorem partem Arcturi attingeret. Fuit autem distantia semel observata inter nubes, inter Cometam & caudam Ω 40 gr. præter propter. Ex his datur etiam $\epsilon\pi\lambda\alpha\tau\epsilon\iota$ longitudo Cometæ 24 gr. \approx , cum latitudine 35 gr. Borea.

Nota autem, quod eodem hoc die, paullo ante h. 1 noctis præcedentis, circa ortum Cometæ in nostro finitore fecuerat Cometa hic ductu suo viam alterius, scilicet superioris, anni 1607 sub corpore Bootis, paullo infra circulum tropicum, in quo juxta has Observationes quamproxime hæsit. Et certe mitior, quod eodem tempore, quo nobis in ortu hoc mane Cometa fere cum Luna fuerat, caudæ ejus radios inusitados sparserat, ultra verticem quidem, nempe ad elongationem 104 gr. hoc est usque ad stellas in manu sinistra Aurigæ, directè facis a sole dum medio inter easdem & inferiorem supra Orionem. Quod proculdubio factum est ob subjecti aeris dispositionem in nostro hemisphærio, quævis cœlum mediocriter tunc fuit serenum, Et quia

quia Luna cum Cometa in ortu fere, ut dixi, exstitit, ideo forte hanc inusitatam porrectionem caudæ nonnihil illa promoverat, ut nihil dicam de aliquo occulto sensu, vel *αἰτίᾳ* *αὐτῆς* hujus Cometæ cum superiore, dum ejus tramitem fecuerit.

Postea vero quando altior Cometa factus erat, statim cauda etiam contractior facta est, in Septentrione ad Solis respectum seidentem convertens, & quasi perstruens claram stellam in formem, inter caudam Viræ majoris & caudâ Ω .

Die 4 Decemb. mane primum aliqua serenitate inter hos dies restituta, videbatur Cometa stare super duas contiguas in medio corpore Bootis, in recta fere linea cum iisdem. licet paululum & quidem facis sensibilibiter ab eadem ad ortum Cometa deflexit. Fuit autem ab harum superiore Cometa paullo remotior quam dictæ stellæ inter se sunt. Cauda autem Cometæ porrigebatur per meridionale latus duarum in quadrato Viræ majoris, ita ut ab eo meridionalior esset, quasi $\frac{1}{2}$ gr. Hac animadversione facta circa h $5\frac{1}{2}$ deprehendimus Cometam in longitudine 16 gr. 20 mi. \approx & latitudine 43 gr. 15 mi. Bor.

Die 5 Decemb. mane h. 2 noctis, vidi Cometam quasi in linea recta cum Arcturo & sinistro humero Bootis, sed satis sensibilibiter proximior humero. Item cum ea, quæ in ulna sinistra Bootis, & superiore duarum contiguarum in medio corpore, a qua tamen post horam quintam sensibilibiter versus Zeneth Cometa deflexit, idque ratione motus proprii.

Cauda Cometæ dirigebatur recta ad meridianalem stellam in quadrato Viræ majoris, & ad eam præcise, quoad visum, pertingebat. Corpus Cometæ fuit subobscurum, & radii caudæ exsistentes rari, Cometa minor & rubecundior tunc videbatur stella in humero sinistro Bootis. Per specillum autem opticum fuit corpus Cometæ valde lividum.

Postea interjectis aliquot horis, quum altitudo spicæ η , esset in quadrato nostro $17\frac{1}{2}$ gr. cui tempus responderet h. 5 proximæ, distabat Cometa bis a media lucida in meridionali ala η 43 gr. 43 mi. Item circa idem tempus a spica η distabat 48 gr. 2 min. Ex quibus distantis velut observationibus hoc mane *αἰτίᾳ* *αὐτῆς*, dum mediantibus fixarum locis calculus & triangulorum ratione deducitur, provenit Cometæ longitudo 14 gr. 40 mi. \approx , cum latitud. 45 gr. $51\frac{1}{2}$ mi. Borea.

Calculus enim hic ex demonstratione juxta adjunctam diagrammā procedit, hoc modo.

Longitudo. Latitudo.

Spicæ η 18 gr. 31 mi. \approx 1 gr. 59 mi. mer.
Mediæ alæ η 4 gr. 50 mi. \approx 2 gr. 50 mi. bor.
Differētia long. 13 gr. 41 mi.

In appositâ figura sit A pos-
bus Eclipticæ,
B mediæ alæ η , C Spica η .
D Cometa.

Ergo I.

In triangulo B A C, pro

B C *δὲ δὲ* sunt,

B A 87 gr. 10 min. compl.

latitud mediæ alæ η .

C A 91 gr. 59 min. excessus

latitud, spicæ ultra 90 gr.

B A C 13 gr. 41 min. differētia

longitudinum: Ergo datur,

B C 14 gr. $29\frac{1}{2}$ min.

II.

In triangulo A C B, pro angulo A C B *δὲ δὲ* sunt,

A C 91 gr. 59 min.

B C 14 gr. $29\frac{1}{2}$ min.

B A 87 gr. 10 min. Ergo datur ex hisce

A C B 70 gr. $37\frac{1}{2}$ min.

III.

In triangulo D C B, pro angulo D C B dantur,

C D 48 gr. 2 min. distantia Cometæ a Spica

B C 14 gr. $29\frac{1}{2}$ min. distantia mediæ alæ a spica

B D 43 gr. 43 mi. distantia Cometæ a mediæ alæ.

Ergo datur,

D C B 66 gr. $6\frac{1}{2}$ min. quo sublato ab invento

prius A C B, relinquitur angulus A C D

4 gr. 31 min.

IV.

In triangulo A C D, pro latere D A dantur

A C 91 gr. 59 min.

C D 48 gr. 2 min.

A C D 4 gr. 31 min. Ergo ex hisce datur

A D 44 gr. 8 min. 24 secund. complementum

latitudinis Cometæ quæritur: unde ipsâ latitudo

Cometæ est 45 gr. $51\frac{1}{2}$ min.

V.

In triangulo denique B A D, pro angulo B A D

δὲ δὲ sunt.

B A 87 gr. 10 min.

D A 44 gr. $8\frac{1}{2}$ min.

B C 43 gr. 43 min. Ergo ex hisce datur angulus

quæsitus

B A D 9 gr. 50 min. qui est arcus Eclipticæ

E F, nempe differentia longitudinis alæ η

& Cometæ, quæ quando heic addatur longitudi-

dini dictæ alæ, definitæ prius in 4 gr. 50 min. \approx ,

refertur longitudo Cometæ 14 gr. 40 min. \approx .

Præferendæ igitur sunt hæc observationes illis

quæ diebus antecedentibus proximis per filares

extensiones habebantur duntaxat, & hinc motus

E

tu



us diurnus Cometæ, prout opus fuerit, corrigendus.

Die 14 Decemb. h. circiter 10 vesperi, quum per novem antecedentes dies nulla esset in nostro Horizonte serenitas, sed cœlum nubilum ac pluvium interea perpetuo fere exitisset; aliqua igitur hac nocte serenitate reddita, dum a vento validiore nubes dispellebantur, deprehendimus Cometam, quoad visum, & filarem expansionem, in linea recta, cum posteriore ac superiore in quadrato Vrsæ majoris & media in cauda ejusdē. Deinde in recta linea cum inferiore & anteriore in quadrato Vrsæ minoris, ac ultima caudæ Vrsæ majoris; ita tamen hec, ut Cometa quasi ab illa linea recta per 4 min. se infra demitteret. Hinc locus Cometæ, in globo, longitudo. 21 gr. fere π , latitudinis 58 gr. 20 min. Borea educabatur.

Erat autem Cometa hac nocte, splendens ex adverso Luna, admodum extenuatus, & caudam suam porrexit paullum supra mediam in cauda Vrsæ majoris, quamvis illius vestigium rarum fuit, & vix apprehensibile.

Die 16 Decemb. vesperi circa h. 7 observabamus Cometam diligenter infra polum, quamvis ob splendorem Lunæ interea lucentis obscurius & corpus & cauda se conspicienda exhibuerant.

In altitudine igitur mediæ caudæ Vrsæ majoris, (quæ naddir paullulum erat transvecta,) 23 gr. per quadratum Geometricum, cui tempus respondet h. 7 $\frac{1}{2}$ proxime, erat Cometa quoad visum in verticali sub ipso polo quam proxime. Fuit autem eodem instanti distantia Cometæ a Dubhe 21 gr. 28 m. item ab antepenultima flexuræ serpentis 19 gr. 45 $\frac{1}{2}$ m. Fixarum loca ad id temporis hæc sunt.

Longitudo. Latitudo.

Dubhe in Vrsæ maj. 9 gr. 49 m. Ω 49 gr. 40 m. B.

Flexuræ antepen. serp. 8 gr. 10 m. \approx 78 gr. 23 m. B.

Ex hisce per similem computationem triangularem, cum superiore datur Comete

Longitudo 12 gr. 58 m. π
Latitudo 60 gr. 18 $\frac{1}{2}$ m. bo.

Die 17 Decemb. mane in altitudine lucidæ Lyrae 31 $\frac{1}{2}$ g. cui respondet tempus h. 6 $\frac{1}{2}$ 7 quam proxime, erat iterum distantia Cometæ a Dubhe 20 gr. 41 m. Item ab eadem flexuræ serpentis, 19 gr. 39 m. iteratis & limitatis, quam optime fieri potuit, observationibus nostris. Hinc provenit Cometa longitudo 11 gr. 5 $\frac{1}{2}$ m. π , cum latit. 60 gr. 39 $\frac{1}{2}$ borea. Appropinquabat Cometa vertici nostro, cujus cauda obscura fuit versus Dubhe vergens.

Die 17 Decemb. vesperi h. 5 $\frac{1}{2}$ fuit Cometa in recta linea cum anteriore & inferiore in quadrato Vrsæ minoris, & clara in cauda Serpentis, deficientibus ad Septentrionem quasi 6 m. Et manifesto adhuc absuit a recta linea inter claram in cauda Serpentis, & mediam in cauda Vrsæ majoris, quasi per 14 m. unde $\epsilon\iota\ \pi\lambda\acute{\alpha}\tau\eta\iota$, & in globo nostro, reperiebatur Comete

Longitudo 8 gr. 45 m. π
Latitudo 60 gr. 40 m. bor.

Venus hac vespere in occasu & 22 gr. \approx , inusitata magnitudinem & jubar præ se ferebat.

Die denique 18 Decemb. qui ultimus fuit eorum, ad quos observationes nostræ in hoc Cometa se extenderunt, hora circiter 6 $\frac{1}{2}$ mane, Erat enim spica π quasi in meridie, deprehendimus Cometam fere verticalem, sed necdum lineam rectam assequutum, quæ est inter mediam caudæ Vrsæ majoris & claram in cauda serpentis, deficientibus ad summum 4 m. Fuit autem Cometa vicinior mediæ caudæ Vrsæ, quasi per $\frac{1}{2}$ gr. quo ad visum, aut paullo forte amplius. Caudæ aliqua vestigia, sed rara ac curta; corpus quoque apparuit subobscurum, tendens ad quandam parvam informem inter claram in cauda Serpentis & caudam Vrsæ majoris. Distabat autem ab illa in serpente quasi 1 g. Ex quibus hujus diei antinadvectionibus provenit Cometæ longitudo in 7 $\frac{1}{2}$ gr. π , cum latitudine 61 gr. bor. $\epsilon\iota\ \pi\lambda\acute{\alpha}\tau\eta\iota$. Sequitur synopsis motuum Cometæ hujus ex omnibus observationibus præmissis, ut in superiore 1 lato modo & prout fieri potuit, & opus fuit, assignatorum.

EPHEMERIS MOTVVM COMETÆ ANNI 1618, ex observationibus antecedentibus ad h. 9 matutinam.

	Dies	Motus di- urnus, in prop.circ.	Motus longi- tudinis,	Motus De- clinationis,
		G. M.	G. M. S.	G. M.
Nov.	21	3 20	9 25 M	3 20 M
	22	3 17	7 55 M	0 35 M
	23	3 14	6 25 M	2 20 B
	24	3 11	4 55 M	5 30
	25	3 9	3 7 M	9 0
	26	3 6	1 20 M	12 0
	27	3 3	19 30 M	15 20
	28	3 1	17 45 M	18 10
	29	3 0	16 10 M	20 40
	30	2 57	14 10 M	23 15
Decē,	1	2 47	12 0 M	26 10
	2	2 38	10 0 M	29 10
	3	2 24	18 0 M	32 0
	4	2 19	16 20 M	34 20
	5	2 16	14 40 M	36 30
	6	2 14	12 30 M	38 40
	7	2 12	10 20 M	40 50
	8	2 10	7 40 M	43 0
	9	2 8	5 0 M	45 0
	10	2 6	2 20 M	47 0
	11	2 3	29 30 M	49 0
	12	1 59	16 40 M	51 0
	13	1 55	13 40 M	53 0
	14	1 50	10 50 M	55 0
	15	1 43	18 0 M	56 40
	16	1 33	14 40 M	58 10
	17	1 18	11 10 M	59 35
	18	1 8	7 45 M	61 0

Præterea deprehendimus angulum, quem
faciebat ductus Cometæ cū Ecliptica $63\frac{7}{8}^{\circ}$ 8-
cujus quidem ductus seu circulus proprius
Cometæ polum suum Septentrionalem obti-
net in $15\frac{1}{2}^{\circ}$ g. ∞ , in sphaeræ superficie cum la-
titudine Septentrionali 26° g. 54° m. Et ideo
Eclipticam secat in $15\frac{1}{2}^{\circ}$ g. m. A tali autem
circulo proprio haud multum sensibilibiter de-
clinabat, idque toto temporis spacio quo a no-
bis observatus est, nisi forte exiguae paral-
laeos ratione quam habuerat, de qua se-
quitur.

DE PARALLAXIBVS huius Cometæ.

Nunc restat, ut parallaxes in hoc Cometæ,
quas habuerat, ex observationibus nostris ri-
te enucleemus, quo hinc distantia Cometæ a
tellure, ac simul ejus magnitudo in cōparatiō-
ne cum terræ magnitudine nobis innotescat :
Quæ res non modo ad veram Cometarum hy-
pothesin rectissime statuendam maxime con-
ducit, sed etiam admirandum Dei opus plu-
rimum commendat.

Observationes autem quia praxi in Astro-
nomia omnium subtilissimæ applicari debe-
bant, proinde easdem non puerilibus instru-
mentis, aut levibus conjecturis acquisitas esse
oportebat, sed potius hujusmodi Organis
quæ ita fabricata & elaborata sunt, ut singula
minuta prima, imo etiam horum partes,
quantum fieri potest, absque errore contine-
ant. Nec pericia eorum defutura est, qui ad
hujusmodi observationes opportune exanti-
las adhiberi debent: Quæ omnia divina gratia
adhuc in Dania præsto sunt, ac Regia liberali-
tate rursus quotidianum incrementū capiunt.
Quod autē nostras observationes ad hoc ne-
gotium eo tempore selectas attinet, in his pri-
cipue manebimus, quæ die 16 Decembris vel-
peri h. $7\frac{1}{2}$, & sequente mane proxime, h. $6\frac{1}{2}$
superius sunt expositæ, quando vesperi Co-
metæ proxime in ipso verticali, sub polo, mane
autem non longe a vertice supra eundem,
ob id ipsum singulari indutria habitæ sunt,
quippo

triangulo A B M Jantur omnes anguli una cum latere A B, una scilicet semidiametro terræ, invenitur ergo ex illis latus A M 240 semid. terræ, & paullo plus, quæ in milliaria Germanica per 860 deductæ, produnt distantiam Cometæ hujus a terra in hisce milliariis. 206400. Igitur posito latere A E in eadem quantitate cum A M, & A B 1 semidiametro terræ, Denique angulo E B A 170 gr. 6 min. quioritur adjectione altitudinis supremæ Cometæ prius mensuræ 80 g. 6 m. ad 90 gr. seu unum angulum rectum. Per hæc igitur *diſtincta* emergit angulus parallaxeos Cometæ in suprema altitudine penes F 2 m. 34 sec. qui ubi additus fuerit priori subsumto A M B 13 m. constatur rursus Q K 15 m. 34 se. quod aggregatum parallaxeon insensibiliter ab observatis desecit. quando etiam angulus A M B in hisce aliquot forte secundis scrupulis major fuisse suppositis 13 min. ob aliqualem Cometæ in infimo loco refractionem. Atqui sic recte statuimus hujus Cometæ distantiam in semid. terræ fuisse quasi 240. Neque enim minor erat, id quod etiam observatio Cometæ sub initium, nempe ad diem 24 Novemb. innuit, dum multoties in uno verticali cum Arcturo ab hoc capiebatur, nam præter motum Cometæ proprium, parum aut pene nihil sensibiliter distantie istæ imminutæ deprehendebantur, ut hoc supra me referre memini. Quinetiam idem quoque invariabilis Cometæ hujus incessio sub circulo maximo, nobis fere per totam ipsius durationem satis probavit. Per hanc igitur distantiam Cometæ a centro telluris mediocriter, ut speramus acquisitam, ratio cinari possumus, ipsum infra perigæum orbis Veneris in cœlo juxta nostram reſtitutionem fuisse locatum, quasi 98 semid. terræ. Lunæ autem maximam a tellure distantiam quasi quater superasse, nedum ut infra eandem, & quod adhuc absurdius est, in aeris suprema regione hæſiſſet. Facessat igitur etiam in hoc Cometa Aristotelicorum commentum, nisi forte apud eos, qui veritati contumaciter sese opponere malint, quam vel heic Aristoteli suo quicquam derogare.

Porro ad alterum denique convertimur, quod est de magnitudine hujus Cometæ in comparatione cum globo telluris, id autem sequenti præxi alligabitur.

B centro circinetur corpus seu caput Cometæ C E D, ac demittatur a B centro ejus in A centrum terræ, linea B A, quæ superius inventa est 240 semid. terræ & quia corpus Cometæ C D in visibili magnitudine sub initium ipsam spicam *q* satis sensibiliter superavit, hæc vero inter stellas primæ magnitudinis censetur, igitur caput Cometæ diametrum visibilem 3 min. quasi obtulit. Hisce suppositis, queratur primum vera Diameter Cometæ hoc modo.



tionis suarum diametrorum per ult. prop. lib. 12 Element. Proinde quando singuli horum numerorum cubice excipiuntur, & minor cubus majorem dividerit, constat Cometam 870 vicibus & paullo plus toto telluris globo fuisse minorem, Eundem quoque a Lunari corpore 20 circiter vicibus superatum, quandoquidem hæc tellure 42 vicibus & amplius minor est.

Denique, de vera magnitudine caudæ Cometæ hujus nihil aut parû attinet heic tractare, quando hæc sibi admodum dispæt erat, cæterum ut plurimum ad 20 gr. & etiam amplius, sub initium a reliquo corpore in plagam mundi semper Soli oppositam se expandebat. Si autem & hanc investigare aliqui voluerint, consulant imprimis lib. 2 Progyrn. Tychonis Brahe, ubi hujus quoque pragmatelas paradeigma invenient, quamvis profecto sub ea limitatione, quam nostra Cometicæ hypothesis superius admittit, quandoquidem raro Cometa sub eo angulo cum sole ac terra, unde visus noster, cadit, ut plenam caudæ ejaculationem nobis ostendat. Atqui hæcenus de situ, motu, altitudine & magnitudine hujus Cometæ & propriis observationibus: Nunc relationem de eodem in Persia observati adjungam, prout in Belgio excusa ad nos usque pervenit.

Consignatio duorum Cometarum in oppido Spahani, quod regni Persiæ est nobilissimum, nec longe a Persæpoli ad occasum remotum, sub elevatione

poli 31⁷. E clausula Epistola Garcia Silva Figueros, Philippo III Hispaniarum, Indiarumque regis legati, scripta 5 Calend. anni 1619, ad Marchionem Bedmarum, & translata ac edita Antverpiæ anno 1620, his verbis.

Clausula erit hujus epistolæ, geminorum Comætarum narratio, qui per hos dies nobis spectaculo fuere. Alter 10 Novemb. die (intelligit stilum novum) duabus ante exortum Solis horis fulgere cœpit, cujus apparitio inter Orientem & meridiem animadvertita fuit. Color similis plaine fumo, qui ex pulvere sulphureo recoctissimo incenso evaporatur; caput, ut mihi visum est in Scorpione, Magnitudo quanta Zodiaci sextantem caperet: Forma velut acinacis, ut aliqui auctumant, quod genus Græci Xiphias vocant, horribiles eventus portendentes. Mihi visus est hic Cometes speciem referre magis furculi palmæ anniculi, qui nondum dilatatus, in cacumine leviter curvetur. Motum autem tenebat in meridiem.

Duo tertiove decimo die post hujus Cometæ exortum, alter apparuit jubaris seu crinitis, communi facie, colore Veneris alio similis, parique illi magnitudine, aut paulo majore. Orum autem recte dicebat ab Oriente Aquinotiali; Et quamvis ab initio longe minor esset prior: incrementa tamen indies longe majora capiebant, sic ut alterum pene aquaret. Movebat se motu proprio cum primo mobili, non procul a linea verticali Septentrionem versus. Porro triiduum post hujus exortum vel quadriduum alter evanuit. Ambo certe brevem adeo periodum habere, ut posterior jam supra diem decimum apparere desierit. Observatum est hunc dum desierit magis rubuisse, ut ut sit, si mala Cometæ isti portendunt, diuturna saltem non erunt, ut alia quæ in orbe terrarum plurima cernuntur. Hæc ille, Ex quibus certe, quamquam duorum Cometarum mense Novembri anni Dñi 1618 in Persia observatorum designationem & dicto Figueros Hispano factam esse agnoscam, & priorem eodem die illic cepisse, quo in Silecia notat Kopplerus, non tamen posteriori observando, de quo nos agimus, eam ab ipso legato Hispanico, aut iis qui cum ipso fuere, *αυξήθεις* adhibitam esse sentio, quæ ceteroquin Astronomum decebat; adeo ut lector rerum celestium intelligens facile percipiat, regium hunc legatum, aliis potius eo tempore quæ majoris momenti futura existimabat, inrentum a cura illa potiore, simul fortasse & artis ignorantia excusari, non solum dum motum discretem hujus Cometæ nullum assignet, sed etiam dum contra Cometarum naturam, & communem in aliis ut & hoc ipso experientiam, magnitudinem ejus successive a primo exortu au-

geat, quod ipsum tamen ob vicinitatem Solis in iphæra ad rectam plurimum accidente, contingere potuit. Nam dum Cometa hic Persis oriebatur, vix 7 gradib. Solem in ascensione longa præibat, ut mirum fuisset, quod a radiis hujus non totus occultari, nedum sub intium extenuari potuisset, & tandem in adspæctum magis magisque produci, donec se a radiis solis plane exsolveret. Quicquid est, profecto opinionem de Cometa hosti bi minori istic curæ fuisse, id Figueros vehementer augeat, quod ipsum in ea regione, ubi & major nocturna serenitas dabatur, & vertici, ut dicit, phænomenon hoc propinquius erat, longius 10 tribus observando non sit persequutus: quandoquidem postquam heic sero magis in iphæra declivore & post continuas pluvias Cometa conspici cœpisset, & apud ipsum, ut scribit desinisset, triplicis temporis longioris spacio satis a nobis pariter & aliis per intervalla, quæ cælum serenius largiebatur, & animadvertus & observatus fuerat. Nam impossibile erat tam immani Cometam hunc parallaxi obnoxium fuisse, ut ob hanc causam Persis tam cito evanesceret, quando nos eandem supra fideliter enucleando atque meriendo, non ultra 14⁷ min. In Horizontis limite deprehendimus. Et certe quando motu diurno ad fixitorem Persarum Cometa trahebatur, totam illam parallaxin refractio etiam in illis oris readebat, nisi forte montes, qui alci in Persia, obsterant, quo minus Cometa hic illis ad majorem temporis flexum in adspæctum exurgeret. Interim autem pulvere & detonatione Figueros cognoscere licet, & alium quasi Cometam, quippe quem cum aliis nonnullis Dñ. Keplerus e formæ incomplezione describit, nostrum præcessisse, & hunc longe maturius, nempe ante initium 12 diei Novemb. veteri stilo incepisse, utputa circa prænominatos fatales & prægnantes Planetarum adspæctus, qui tunc occurrebant, primum quadratum Solis & Iovis, dehinc trigonum Martis ac Veneris: quod utrunque ad effectuum dyadicationem plurimum facit, cui quod de hoc tractatu restat, pro ingenii nostri imbecillitate deinceps tribuimus.

CAP. XI.

De effectis seu significatis horum duorum Cometarum scorsim ac breviter juxta communia Astrologorum decreta indicandis.

DE significatis Cometarum, quorum motus hæcenus ex observatis nostris designavimus, ac in ordinem redeginus, amplius in specie juxta præmissum cap. 8 acturis, duplex via occurrit, una Astrologis magis in hac materia consue-
ta ac critica, et aliæ dum causas, quas supra diver-

sum ab Aristotele sentientes, Cometarum generationi tribuimus, hęc plausibili conjectura, effectus seu significatis horum pro ingenio nostro applicamus. Altera, quę in indicia magis arcana nos præcipue ex horum duorum Cometarum diverso exortu, ac motuum contrarietate inducunt, quā capite sequēte ac ultimo, Deo volente, ingrediar; sed utramque timide ac suspensio gradu calcabo, prout periculosa hęc tempora monent, præsertim quando Astrologorum (ut recte cum Ptolemaeo sentiam) conjecturę decreta prætoria in nostra scientia minime, ob plures causas, fuerint, quarum etiam quædam superius sunt commemoratę; reliquę per Proemium quadripartiti Ptolemaei a Lectore cognoscendę restant. Insuper, quod ingenue fateor, natura mea semper hæcenus a prædictionibus eventuum ex altris; & imprimis hęc prodigijs, abhorruit; ne scilicet nimium cum alijs quibusdam, qui majore licentia, hanc segetem metunt, prodigis harum invenirent; adeo quidem ut optassem sequentibus, de

judicis qualibuscunque harum Cometarum, superfedisse; nisi religio iuisset, divina hæc ostenta, & quę ad certum finem, nempe nostram emendationem emissā ac directā sunt, non alius quam præmissa de apparentis ipsorum contemplatione animis legentium insigere, ac nonnulla, quę præterierunt plausibiliter ex Astrologica consideratione horum Cometarum inferre, alla quęque præ foribus esse: quippe in impiorum, ac impenitentium vulnā paracra, fideliter admonere.

Igitur ad ortum Cometę anni 1607 primo respicientes, quem satis plausibiliter supraprehendimus incidisse in 15 di. Septemb. h. 15^h nempe in oppositione ♄ cum simplici ☉ motu. Ad illud autem tempus cælum & sive in tali statu Horizontis nostri respectu reperimus, qualem sequens thema exprimit, cui & aliud adjungimus, quod pariter cæli constitutionem declarat, in oppositione luminarium proxime sequente, ut inter alia, ab utroque inspectione judicium de hoc Cometa conformetur.

Fol. 71.

THEMA COELI

Exortus Cometę.



Oppositionis ☉ & ☾ proxime seqq.



Dum magnitudinem, colorem, caudę quantitatem, motum denique prioris hujus Cometę, sub ipsum sui ortum contemplamur, & in hęc naturam ♄, in cuius ♀ cum medio motu ☉ cœpit, deinde hęc quem colore referebat, pene in quadrato ♄, item ☉, & ♄ constitutum. Porro ipsum ♄ Dominum Horoscopi sub radijs, seu corde ☉ latentem, & ♄ non longe ab Horoscopo distantem, in ipso trigono cum ♄. Denique Cometę situm nobis in 11 domo versantis, qui deinceps motum suum celeri concitatione versus meridiem deflexit, & parim in signorum consequenda. Primo non obscure hyemes illas asperiores & pene contra naturę ordinem nobis

taliū consideratio, & maxime Cometę situs ac motus insinuat: præcipue quę anno incipiente 1608 apud Aquilonares Islandos & altos Norvegos solita longe remissior, tolerabiliorque fuit: apud nos vero, Belgas, Germanos, Helvetios, imo ipsos Gallos adeoque Italos ac Hispanos ita præter consuetudinem inclementior, ut non solum animalcula, sed & homines per plures in illis locis frigore perierint. Ut enim Sol ratione motus primi oriens, frigoris uredinem e vastissimo indico mari exhalantem suis radijs promoveret, & paulatim ac sensim, ut Cardano placet, orbi continentem occasum versus defeminat; ita credibile est, hunc Cometę frigidam illam materiam

materiam

riam circa Septentrionem in aere collectam, suo motui obnoxiam fecisse ac in meridiem secum abduxisse, & paullatim super faciem terræ defeminasse. Vnde non solum hyemalia, sed etiam vernalia tempora (dum simul h proprium domicilium nempe ♄, unde maxime efficax fuit, occupaverat) multo frigore ac gelu obstita, caras illas apud nos, in Germania reliquique locis annonas, inter alia sine dubio causabantur, quæ etiam aliquor sequentib. annis ducerunt, quando hyemes istæ immoderate siccæ æstates una importarant, Præter morbos varios acutos pariter & chronicos, imprimis febres inusitatas, quæ se ex eo tempore etiam regionibus nostris infuderunt, ob trigonum ♄ & ♀; Quo in numero synochus, & imprimis quartana illa censenda est, quæ tam misere nostrates & Germanos exinde afflixit. Idem pene & themate sequentis plenilunii etiam sequitur, Nam & in hac revolutione Cometa eundem pene sensum, ut prius occupat, & ♄ Horoscopi dominus, in tertiam cadentem detrusus est; & denique ♄ in novam cum ♄ & O inromissus, quod religioni multum incommodabat, quantum de hac ex Altris, vel cognoscere vel prædicare conveniat; quin & insautas de ea, ut & aliis Reip. negotiis, deliberationes, horum Planetarum situs indidem possendit. Potro reliquum reipubl. statum per orbem, quod attinet, qui sere hisce ultimis mundi temporibus, divina iustitia, ob varia peccata hominum, & imprimis libidines principum regnandi, in bella juxta ipsius Christi prædictionem conversus est, ac plurimum a caritate concordia & pace diffusus. Bellorum non obscura signa in utroque themate advertimur, præcipue apud Muschovitas, Tartaros, Indos atque Turcas. Hæc vera esse ex relationibus quæ ad nos usque pervenerunt deprehendes, quod scilicet quibus Cometa (juxta ea, quæ cap. 8 præcepta sunt) iis temporibus vel verticalis, vel cæteroquin in 10 domo fuerat, bellis & cladibus sint agitati. Legatur historia Rhutenorum nuper edita, quas turbas interea tres illi PsendoDemetrii, quam hominum stragem, ac necem in Russia, Livonia & Polonia dederunt.

Porro circa annum Dñi 1610, in Tartaria, ex quo magnus Chamus paulo antea obierat, ingens bellum exortum est, istis scilicet quibus Cometes hic in ortu suo quasi verticalis fuit. Quam enim exchiso filio Chami, frater hujus imperium ad se trahere tentaret, bello certatum est, in quo victor Chami filius fertur, & in quo ceciderunt ad 40000 millia hominum. Biennio ante in Turcici imperii locis, quibus Cometa hic in themate & proxime luminarium culminabat, Alepiensi nempe & Curmaniensis, maxima turba exorta est, Mosis Alepiensis Bassæ rebellionem atque defectionem, dum ejus vindicem se Veizir Bassa nomi-

ne Turcici Imperatoris præstitit, & vix tribus ingentibus præliis victor exiitit.

Nobis vero quicunque hic Cometa nec in hisce thematibus, nec extra plane verticalis fuit, nullam enim declinationem obtinuit 53½ gr. majorem: tamen quando quidem a Leone, cursum suum atque initium inchoarat, quod signum Germaniæ, Dantiæ, atque Sueciæ inter alia & Ptolemaeo, pro horum hominum natura trigonicum est, ob id quoque bella se huc extenderunt, maxime ob directionis decretum, quod ♄ ♄ ac ♄ anno Dñi 1603 sub initium Brumæ in 10 gr. ♄, evenerat, altero scilicet significatorum signo trigonico; item ob stellam novam anno sequente nempe 1604 in 18 gr. ♄ repertam. Quum enim Cometam in ortu, & motum ejus per Eclipticam ab hisce locis consideremus, habemus indidem spatium illud ultra citraque trigonum, quo Cometa e 10½ gr. ♄, nullum quidem sensibile momentum a priore in 10 gr. ♄ faciat, & posteriore in 18 gr. ♄, cujus differentia per istam directionem annos circiter 8 Cometa significata sua progeret. At mediis hisce temporibus, & quod ab ignea superiorum conjunctione, incitamentum maximum habuit, quibus quidem inundatio per Britanniam, turbæ & bella per Germaniam, adeoque hæc Septentrionalia regna inciderunt. Vix enim quadriennio post exortum Cometæ, biennale illud bellum inter Danos ac Suecos exortum est: cujus etiam terminum fata Caroli Regis Sueciæ, qui dicto bello occasionem magnam præbuit, exceperunt, quum anno sequente, nempe 1612, Cometa Horoscopi hujus in 7 gr. ♄, in ortu suo directorio attigisset, qui quoque annus Serenissimæ & nunquam satis laudatæ Reginæ nostræ ANNA CATHARINÆ fatalis fuit.

Porro, dum ad rationem cursus Lunæ, hujus Cometæ significata producimus, invenimus illum sere 4 signa in eorum consequentia motu suo perfecisse, quæ similiter nobis significatorum durationem per octennium insinuant, intra quod non modo quæ antea enumeravimus mala se excuerunt, sed vel maxime illa, quorum ♄ significator fuerat, in utroque themate defectus atque afflictus. Cui non solum bellum Venetum cum Archiduce Austriæ, sed vel maxime initium rebellionis & defectionis Bohemorum & adjacentium provinciarum, potissimum religionis causa ut autumant, se infelicitè adstrinxit, dum scilicet ut antea Poloni, pari certe eventu, religionis libere exercendæ vindices esse, homines isti, nimium mature se prosternerent. De quare ut nihil impræsentiarum disputandum ducam, nisi hoc solum, Deum scilicet medium invenire, quo Ecclesiæ suæ adfertorem & vindicem se unicefore tempore accepto ostenderet, sic firmiter tenendum, vix unquam rebellionem successum habi-

bituram, nisi quam tanta tyrannis præcessit, quæ cælum moveat, & Denm ipsum precibus lacrymisque iustam vindictam inde promoveat.

Atqui tantum de Cometæ anni 1607 significatis in se absque collatione consideratis, sequitur quæ ab ultimo pariter pro ingenii modulo deduci posse existimamus.

De significatis Cometæ anni 1618 seorsim.

Quum & heic occasio nobis data fuerit, phenomena Cometæ anni 1618 similiter ad princi-

plum ortus sui revocandi, quod proculdubio in Quadr. O & ♄ contigerat, nempe die 11 Novem. una hora ante merid. juxta nostram, in utrisque Solis & Iovis cursibus, restitutionem, quandoquidem etiam Persiana observatio uno die saltem ab hoc tempore anteveritur, quando videlicet primum ob Solis vicinitatem Cometa videri illis potuisset. Proinde thema cœleste primum ortui Cometæ hujus infra accommodabimus, deinde aliud juxta ad tempus 8 luminarium immediare sequentis, quippe d. 21 Novemb. in nocte sequente adponemus quo & heic rectius atque expeditius in effectuum dijudicatione veriemur.

THEMA COELI

ad Exortum Cometæ.



ad Oppositionem O & ♄ proxime seqq.



Esti ortum Cometæ hujus non nisi ex conjectura habeamus quod tempus attinet, ut supra cum in Quadrato Solis ac Iovis incepisse probabiliter disseruimus, tamen e thematis inspectione, quod ad id momentum erectum est, eam congruentiam non solum cum sequente coeli positione ad luminarium 8 constituta, sed etiam cum iis, quæ hæcenus ab ortu hujus Cometæ acciderunt, esse reperio, ut ortum ejus in tempus præscriptum incidisse, minus nunc dubitem. Perultra mecum quæso Lector benevole, quisquis Astrologus es, hujus deputati ortus thema. Nonne ibi malefici ♄ & ♀ ita ♄ qui prope M, C, est & negotiorum dispositor ac dispensator, perstringunt, involvant, & in suas partes trahunt, ut per hanc ♄ item maleficorum atque adeo luminarium constitutionem Respub. Mundanas non nisi ad quævis insaufa in consillis & actionibus suis inclinent: & quidem eo magis, quod ♄ in loco octavo nempe mortis domicilio heic resideat, & cum ♄ permutato, ♄ vero non longe a

cuspidem domus sextæ, quæ morborum est, distat, & hi quoque malefici pene Quadr. adpectu se intuentur. Addo quod Dominus Horoscopi ♄ hic sit, qui etiam Lunam in suo casu repertam, affligit. De Cometæ ipsius situatione in hoc themate, quid dicam, qui vix domo a Solis radiis digressus est, præterea in 10 loco exaltatus ac domicilio 8 constitutus, quod ipsum significatum ad terrestria mundi lumina, Imperatores, nempe Reges ac Principes in Repub. & hæcenus se extenderrat, & impostum se extensurum arbitror, nec minus ad eos qui Ecclesiæ antistites ac tutores se probare volunt, si quicquam ex Astris de hac divina æconomia vaticinari licebit, quandoquidē ♄ & ♄ hospicio a malefico ♄ sunt invitati.

Quin & ipse Cometa juxta Cuspidem domus 11, & tam soli vicinus, præter alia mala quæ passim Cometæ denunciare solent, etiam consilia proditoria adversus pacta & amicitias multipliciter insinuat.

Certe hæc Astrologus est, nec plane veterū sapientum

piendum decreta deridet, vix dubitabit talia per hunc Cometam ominosa fuisse, quæ eodem anno 1618 & proxime sequente Magnatum in Rep. discussu cõg'erant, prior enim, inter alios, Maximiliano, nec non uxori Imperatoris; posterior ipsi Imperatori Mathie, & Annæ reginæ magnæ Britanniz, heroinæ certe hac tempestate deciderrimæ, fatalis fuit: & quod de Imperatore ulterius commemorem: hie 10 d. Martii anni 1619 discessit, quando δ dominus natalicij Horoscopi hujus, nunc dum Cometa fulgebat, in octavam domû, quæ mortis nominatur, migraverat, Medio cœli item Cometa paullo post in locum natalis Horoscopi transeuntibus. Intuere præterea actiones, quæ Germaniz ac toti imperio incubuerunt, maxime ob Religionis discordiam, quandoquidem Cometa hic ortum suum ad Quadr. γ & Θ referebat, nec longe in ortu a Sole distabat in uno scilicet cum δ domicilio, & inquam fraudulenter a maleficis invitato, & domiciliis, ut dixi, permutatis adsumto. Quæ igitur consiliis salutaribus regi fortasse potuerunt, pessimis hæcenus agebantur, ita quidem ut hæc intra paucos hosce annos, mactationis infinitorum fere hominum causæ fuerint. Quod idem thema ad δ luminarium erectum innuit, ubi Mars in domo 12 Horoscopum pene occupat; a quo rursus δ in loco cadente, & quasi Quadr. adspectu, quippe in ascensione longa afflictus est, ubi etiam denovo luminaria a maleficorum sinistris adspectibus assignantur, qui & ipsi in locis insauis in hoc themate ponuntur, dum δ in domo Religionis, Mars in domo carceris invenitur. Quia vero δ in effectis producendis & definiendis cunctantior ac diuturnior est, certe metuendum, ne prius mala, quæ præsens Cometa significat, solvantur ac definant, quam conjunctiones superiorum Planetarum præterierint, quæ anno 1622 in Θ , sequente vero in Ω signo igneo contingent, unde eventus ominosi ac mali prodire solent, heic tû quoad aquarum inundationes, tum bellicorû motus postea, quæ mala in annum 1624 se extendere velle videntur, quem quidem annum mundo gravem, si non fatalem futurum equidem cum aliis pluribus, existimo. Nam interea, nisi omnia divina misericordia ac singulari providentia per Imperium Romanum fuerint composita, & pax aliqua erecta ac firmata, horrenda bella & mutationes videbis, quæ etiam Turcam simul permovebunt, ob Cometam hunc per ejus ditiones ac regna in primo ortu suo culminantē.

Vtinam vero ne nos quoque Septentrionales Cometæ hujus decreta in hisce deplorandis mutationibus attingant, ac iis, hisce mediis temporibus involvant, quando scilicet Cometa ad principium fere \approx directione in antecedentia fuerit retractus, & postea circa finem anni 1623,

quando juxta finem secundæ decuriz η , Cometa nobis verticalis factus fuerat, Nam inter alia portenta, quæ hisce temporibus passim inter nos ad securitatem nostram arguendam fieri inauduntur, etiam horrenda Eclipsis illa in Sole, quæ 11 di. Maji anni 1621 apud nos conspecta est, idque in majori certe, quam apud meridionaliores, incremento, ob parallaxium crescentiam, hujusmodi mala, aut similia minitatur, quando in ultimis gradibus γ , quod signum ac domicilium luxuriosæ Veneri attributum est, luminaria in hoc deliquio jungebantur, mox π ingressura, quod signum ad domicilium instabilis & perdetur, qui quidem variarum in imperio atque Repub. mutationum significator est, etiam quoad leges atque disciplinas, quam scribarum atque doctorum Director & antesignanus & vulgo habeatur. Porro ex maleficorum sinistro adpectu, item Cometæ per signa Zodiaci retrogradatione, præter febiles aliosque morbos, qui adhuc inter nos continuantur, etiam pestifera illa lues homines nostri climatis anno 1619 & sequente invasi, quando terra in occursum Cometæ sub ea poli elevatione, ubi maxime ad resolutionem ultimam vergebat, mercuriale fomitem de se æstuabat, eumque suo motu versus ortum promovebat, unde primum Norvegiz pars, deinde maxima Daniz & aliquæ Sueciæ, postea Godandia, Borussia, Livonia ac Polonia, sub eodem hoc climate, quod mirum fuit, misere hac peste affligebantur; & tamen simul a misericordissimo Deo, ita successive liberabantur, ut pestem hanc non nisi paternam admonitionē, de salutari hominum respiciētia agnosceres: Quæ utinam in nos ita deinceps caderet, ut sorde ac securitatem peccatorû nostrorum per seriam pœnitentiam abjecta, digni haberemur, qui hæc mala ceteroquin eventura effugeremus; & cum divina gratia ac favore coram filio hominis staremus.

Quod vero fruges terræ, annonæ, tempestates, itē morbos, ac hujusmodi alia mala attinet, amplius ex hujus Cometæ decretis expectanda, ea certe tunc primum maxime aggravari, & duriora futura videntur, quando Cometa in ultimo disparitionis suæ signo, nempe Ω , una cum conjunctione superiorum Planetarû in eodem signo, de quo supra, vires suas exeruerit, quæ anno 1623, & maxime 1624 reservari videntur. Etenim licet ultimus hic Cometa in ortu coepit, ut inde, juxta Ptolemæum, indicium esset, de maturioribus ejusdem effectis subsequuturis; tamen ex magnitudine tam corporis quam caudæ, item motus constantia ac duratione, tum de magnitudine eventuum, tum ipsorum diuturniore ad terminos, quos diximus, duratione, judicium nostrum confirmatur. Atqui hæcenus significata horum Cometarum qualitercunque seorsim con-

siderata

siderata fuere, restat nunc ut in clausula suscepti tractatus quædam de horum communione rejiciamus.

CAP. XII.

De communi affectione significatorum, duorum præmissorum Cometarum, ex iisdem causis efficientibus, item motuum contrarietate, signorum seu Asterismorum natura quos transmissi sunt, porro de aliis duobus qui cum ultimo fere cooriebantur, quibus omnibus detestanda hominum securitas extremis hisce temporibus, ante omnia arguuntur.

Præter ea quæ superiore capite de significatis horum duorum Cometarum prolata sunt, successive ut tempora ferunt, in scenam mundanam prodeuntia, & alia esse suspicor, quæ Cometæ hosce circumstant, eorum significata mire sine dubio auctura.

Primum enim præter ipsum optimum Deum, qui hujusmodi cœlestia nova ostendit, ut & reliqua, certo bonoque fine producit, quemadmodum luculenter cap. 4 & 7 dictum est, etiam ortus utriusque cum Cometarum, vel si mavis, causa naturalis efficiens duobus inter oberrantia sidera cœlestia clarissimis & potentissimis luminibus & ad sublanaria fovenda benignissimis tribuitur, Soli nempe & Jovi, Priorem namque in horum oppositione, posteriorem in earundem Quadrato aspectu capisse satis plausibiliter ex temporis, aliisque circumstantiis ratiocinatus sumus, inde breviter, ut omnia, in hoc capite concluditur, non admodum diversa esse, ad quæ arguenda ac significanda Cometæ hî bini a Creatore Opt. Max. sunt equissi. Præterea dum eadem e genio & natura horum Planetarum juxta Astrologos desumantur, evidens est alterum, scilicet ♃, inter alia, maxime religionem & justitiam; alterum, nempe Solem, Regna, imperia, Majestatem & divitias mundanas significare, ad quæ violanda ac invadenda decreta utriusque Cometæ pariter se extendunt, ubi id Deus ob peccata hominum permiserit. Secundum, est horum Cometarum in motibus suis contrarietas, dum per eadem signa Zodiacalia, priora Septentrione in meridiem ac ortum, motu magis impetuoso & inordinato, licet perpetuo fere sub circulo in sphaera maximo, posterior contra a meridie ac ortu in Septentrionem cursum suum motu lento magis ac composito etiam sub circulo maximo direxit. unde rursus inferri posse videtur, ut quæ scilicet, sive religionis, sive imperii & dignitatis negotia attingunt, in contrarium nitantur & scindantur, adeo quidem, ut motus illi priores inordinati, qui con-

silia illa immatura ac insalutaria denotabant, absque ingentibus turbarum fluctibus, quos hoc imperiorum pelagus de se excitat, haud denuo facile componi posse videantur, postquam phylax divinæ exardescens, quas certe hi Cometæ referebant, cœlestis in id essent dimissa.

Non igitur stellas, regnantes aut dira cupido

Exercenda præstant motus componere fluctus:

Sed prece, sed lacryma sestimanda est Numinis ira

Tertiū, dum Asterismos illos in cœlo consideramus, per quos hi duo Cometæ sunt transmissi, & præcipue Bootes seu Arctophylacem, sub quo maxime itineraria sua in contrarium direxerant, adeo ut prior oblique sub hoc Asterismo incederet, a fœmore Viræ majoris cursum incipiens, ac in Serpentarium desinens; Posterior vero directe magis, hociusmodi fidus perarando, non prius illud deserebat, quam ab extrema sinistra manu in spaciū istud vacuum, quod inter immanium belstarum, Serpentis scilicet & Viræ majoris, caudas relictum est, demittebatur, a sidere Scorpionis ortum ducens, & ita viam prioris sub fœmore dextro Bootis prope circulum tropicum activæ scilicet conversionis Solis, desicans, id certe hinc colligere licet, quod Deus non frustra in admonitionem nostram tales cœlestes figuræ in ductibus horum ostendendis nunc usurpet, quæ vel ab antiquis Astronomis & cœli cultoribus ad fabularū errores olim sunt traductæ: ut enim interpretationis horum immanium Asterismorum præteream, sub quibus vel ortus Cometæ nostri duxerint, vel in quos desiverint, quum etiam apud Maniliū, Aratum, aliosque scriptores, imprimis autem Natalem Comitem, & Haunleum Deematorem periposuit, quæ unum de Bootis sidere assero, quod quum excubilis super Viræ, hoc est Septentrione, agendis a præcis illis Astronomis destinatus sit, & nihilominus tardus, & nimium bovinus in hoc suo officio reperitur, idque ob tardam stellarum in ipso conversionem diurnā, eum igitur nunc ita per hosce Cometicos Legatos, eorumque celeres motus agitari, ut ad officium rediens, & bovinas suas aures expandens, quid Deus mundo & imprimis hisce partibus Septentrionalibus ob summam suam securitatem vult, quidve iusto suo iudicio minatur, quodammodo indicet, & quasi manu per quam ultimus horum Cometarum in Septentrionem alius paulo ascendendo directe ferebatur, manifeste indiget. Id inquam procul dubio ipsi Deo etiam hoc modo atque per hoc fidus nobis patefacere placuit, postquam voluntatem suam luculenter in verbo suo patefactam debite accurate homines nimium secure neglexerint, ne scilicet quisquam ἀνατολὴν hosce reperiat, ubi dies ille magnus, ad quem filii lucis jam anhelant, brevi illuxerit. Interim autem impenitentibus, & in sua securitate perseverantibus, pœnas meritas

Deus nec suspendere velle videatur, nedum plane auferre, sed præter alias quibus peccata iusto compensabit, & hominum corda diris contentiombus ac rixis, imprimis ob regnandi cupidinem, ita tradere, ut mediis ac consiliis pacis infelicitèr contentis & sepositis, se invicem delant, & idque in morem bestiarum istarum inter quas Cometæ hi commearunt, nempe a quibus exorti & inter quas tandem disparuerunt.

Quarto, & hoc animadversione dignum est, quod eodem hoc anno 1618, paullo ante ultimi Cometæ exortum (quod nescio an unquam antea factum sit) duo alii Cometæ magis monstruosi apparuerint, in istis demper carceribus seu cœli plagis, a quibus duo hi, de quibus hæcenus egimus, sunt denisii, quippe alter in Septentrione sub Vrsa majore, velut magni hujus ultimi Legati adfuturi internuncius vel custos, alter in meridie tanquam eundem Legatum magnum instruxisset, viresque tribuisset, ante suum in meridiem ab eodem discessum. De utroque legatur D. Ioh. Keplerus, cuius etiam censura de hoc ultimo fuerat, imò adversus Senecam pro Ephoro dehortatur, quod unus Cometa in duos sit dissectus, seu in duas partes discesserit: omne addito de imperio Turcico delatori turo, & quasi in duo dividendo, quorum alterum orbem meridioualem, alterum Septentrionalem esset amplexurum. Quod quidem omen clementer Deus a nobis avertat, cuius eventum alias a Turcica tyrannide in nos ob peccata nostra derivari iuste permitteret, nisi omni mora ad fœcordiam amplius & inobedientiam, adversus locanimitatem benignissimi Dei, velut Serpentem in sinu fovendum, seposita, in mandatis ejus in posterum ambulemus, ac precibus jugiter insistamus, ut in luce ipsius lucem intueamur, & opera tenebrarum ex animo detestemur. Quod si fecerimus, & mature ex intimo corde absque simulatione ad Deum nostrum conversi fuerimus, non dubitabimus, quin ipsi Ecclesiæ suæ hostes debebit, eique in sano verbo & vero sacramentorum usu recte hæc fundatæ halcyonia amplius apud nos juxta promissionem suam concedat, ac simul magistratum ac politiæ divinis promissionibus ac protectionibus modo unice incumbentem benigne conservet. Sin vero secus, certe securitatem nostram poenæ gravitate aliquando compensandam quis dubitabit? quandoquidem historiæ omnium ætatum, etiam in aliis gentibus, sed præcipue in populo Dei, id ostendunt, pro quibus inter alias, libri Regum diligenter in sacris legantur & expendantur. Ut

vero ad talem *nagaiten* Tractatum hunc de novis phænomenis modo concludendum adstringam, scire nos oportet, omnes errores & peccata inter homines, quos Deus ad imaginem suam, ac vitam perpetuo meliorem ab initio creavit, e duabus fontibus potissimum scaturiginem ducere, nempe inscitia seu ignorantia de vero Deo, & incredulitate ipsi secundum verbum revelatum credendi. Quam prior, ne nos simul cum præcipuis orbis partibus obsecratos teneat, est cur divinæ erga nos benevolentie æternas, licet nunquam suis meritis, gratias agamus. At ex incredulitate, quæ promissionibus ac comminationibus Dei in verbo fidem adhibere nescit, sed has potius, dum divina patientia & longanimitas durat, qua paterno affectu erga nos, ad salutarem poenitentiam invitamur, veras esse ambigit, detestanda in populo securitas orta est, quæ se late per omnia vitiorum genera inter homines diffundit, adeo ut vel ob hanc solam bestiam jugulandam, & cum matura ac vere poenitenti vigilantia permittenda, divina ostenta passim in cœlo, in aere, in aquis, in terra, in hominibus, in animalibus, contingant, oculos mortalium expandentia, aures vellicat, & omnes sensus permoventia, si forte sint, qui ante ultima mundi facta ac rerum omnium ruinas, credere velint, Deum in orbe regnare, & Christum, quem pater super Zionem Regem omnium potentissimum collocabat, gentes tumultuantes & immorigeras sæptro ferreo recturum esse; morigeras vero & ad thronum gratiæ confugientes, in misericordia sua velut umbone obumbraturum. Beati igitur omnes, qui Mundanis istis illecebris, quas Satanas præterdit, quibusque passim homines hoc tempore inescat mature valedicunt, vel potius, ut suæ suorumque salutis perniciosissimis, maledicunt, & Regis altissimi filio, qui & ipse secundum naturam, virtutes ac merita, summus Rex & sacerdos noster est, rite, id est, absque traductione ac scandalo in amplexum ruunt. In adventum ejus brevi sine dubio instantem, jugiter animos intendunt, mentis suæ innovationi acriter insistant, ut quum hic Rex citius forte opinione orbem judicatum venerit, lampades nostræ ardeant, & digni reperiamur, qui cum hoc sponsulo nostro in æterna tabernacula recipiamur, ubi fruede ac tristitia mundana omni exclusa, gaudium & pax æviterum regnabunt.

Veni ergo Domine Iesu.
Etiam, venio cito. Amen.

F I N I S .

